

# LIPUZO NI LIKALABO



. . . kizeñata ze ne Ni lukela kutaha nizona, kono Ni ngile . . .  
Ni tile ni buka ya konkodansi kwanu. Mwendu ni ka ifa ku  
Leo fa, kamba yomuñwi yainezi bukaufi yakona ku ni tusa haiba  
utabela kueza cwalo, ha lu ka fita kuyona.

<sup>2</sup> Cwale, haiba kalibe yo ya yemi foo, haiba kuna ni . . . haiba  
uka kona ku . . . Ukai . . . Ki ufi muuna hae? Eehe. Kihande, haiba  
ubata musala hao kuli atahe aine ni wena, baka—baka kona,  
hakuna ze bulelwa kuama mizwale ze sa ami ni kezeli, hape.  
Luna ni fela . . . mwa ziba. Kana zeo—zeo li lukile? Cwale, mu  
amuhezwi luli kuba ni yena. Kana—kana u iketile fainezi foo,  
Doc? Kihande, zeo ki zende, kono ki nto ya bulutu nyana  
ku yena.

<sup>3</sup> Mi hakuna sika—sika mwahali mo . . . fokuñwi libaka le Ni  
bulelezi kuli “muuna,” kakuli kubanga linako zeñwi muuna  
haka buza puzo mwahala baana ye sa koni kualabiwa mo kuinzi  
basali. Hakuna mwateni mo hakuna ze liteni lisili kono kaufela  
ki zekona kotalimwa mwa keleke ye zibahala, kakuli zeo liama  
bakutazi, ni babañwi cwalo, ni seo—seo tumo yabona ili sona ni  
se ba lukela kueza.

<sup>4</sup> Cwale, Ni lumela kuli se beiwa fa tepu. Haiba . . . Ha ni zibi  
hande. Muzwale Goad, ukai yani, kana kele mukala kurekoda  
cwale? Ku lukile. Libaka le lu ezezanga cwalo ki kufumana  
libaka, mizwale, mulao ki ufi, ki sifi siemba sa—sa teni, sona . . .  
se sili mwa minahano ya batu, litaba za—za luna ki zecwani.

<sup>5</sup> Luna—luna kaufela lu lukela kubulela nto yeswana. Cwale,  
ka mutala, mutu yomuñwi ataha mi, uli, mwendi u yanga kwa  
keleke ya muzwale yo fa, (ki wena mañi libizo la pili, muzwale?  
Willard. Muzwale . . . Cwale, kuna ni bo Willard bababeli fa, Ni  
lukela kukufa libizo lisili wena. Haiba Nika . . . Ki wena mañi la  
bo ndataho, cwale? Crase) Keleke ya Muzwale Crase, ni Muzwale  
Crase na ka bulela nto yeñwi. Mi ba zwa kwa Sellersburg kutaha  
ku Muzwale Ruddell, Muzwale Ruddell na ka shutana ni sani. Ha  
baya ku ya Muzwale Junie, ni yona ya shutana, hape. Ha ba taha  
kwanu kwa tabernakele, mi niyona ya shutana. Mwabona? Za  
lyanganisa sicaba.

<sup>6</sup> Cwale, sina mutu ya bulela kuli, “Oh, Hani lumeli kuli  
uka . . . luli ulukela kuamuhela Moya o Kenile. Hani sepi kuli  
ki swanelo.” Kuli, ka mutala, Muzwale Crase na ka bulela  
cwalo. Mi kipeto mutaha ku—ku ya Muzwale Ruddell, mi na  
ka bulela kuli, “Ehe, ki swanelo.” Mi ni kuya ku ya Junie, ni  
kubulela kuli, “Kihande, hakuna shutano yetuna.” Mwabona?  
Haiba lukona kutaha hamoho neba . . . Ni sepa ne lukaba ni

bakutazi kaufela ba mwa Jeffersonville (mwa silalanda se) lwakona kutaha hamoho ni kubulela zeswana.

7 Mi kabakaleo, linako zeñata, madikoni ni basepahali, bana ni kufumana musebezi wa bona. Mi Ni bona kuli luna ni mubuluki wa sikwama sa keleke ni mulibeleli wa fa munyako mo busihu boo, kacwalo lu ka fumana seo musebezi wa bona uli ona. Kono ku zona ze kaufela (mo) ki lipuzo fela zekona kubuziwa kai ni kai mi zakona kualabiwa kai ni kai. Ki lipuzo fela zebunolo, ni kuba sina musebezi wa basepahali, musebezi wa . . . Cwale, kambe ki za misebezi fela yeluziba, Ni sepa zeo li bonisizwe fa limati ona fa cwale, kuama misebezi ya musepahali ni za lukela kueza. Kono Ni hupuzi kuli mwendi . . .

8 Mi iliñwi i tile fateni, mi Ni sepa kuli kinto yende, Ni ka i alaba kasamulaho nyana, haiba Mulena alata kuli lu fite ku yona, kikuli:

**Mwa ziyezi yeñwi, ki sikamañi sa lukela kueza dikoni? Ki sikamañi sa ka . . . Musebezi wa hae ki kueza sikamañi ha ku taha butata? Kana una ni kueza cwani? Mwabona? Kamba ki sikamañi sa lukela kueza, sa lukela kueza mulisana, nto yecwalo, ha ku taha butata? Lwa ziba muzamao wa kamita, kono kucwani haiba sesiñwi si ezahala se si zwile mwa nzila, mwabona, konakuli ki sikamañi se ba lukela kueza?**

9 Mi lwa ziba fela kwa ku wela, kuswana fela sina kuluta mpi, mi luna mañi ni mañi lwa ziba libaka za luna. Cwale, kuba sikwata se si swana sina se, lwa kona kuina mo licika la busihu, lwa ziba cwalo, kono ki . . .Hani sepi kuli ki swanelo. Lu ka i alaba. Cwale Ni bata kuli mutu ni mutu . . .

10 Cwale, hakuna mabizo, zeñwi za zona li na ni mabizo, kono Ha—Ha ni na kupunda mabizo a sicaba. Kakuli fela—fela kuya ka puzo fela mo i inezi, Ni ka bala fela puzo yatani. Kuna ni fela zepeli mwateni mo ze na ni mabizo kuzona. Mi, mulibelele, hakulata Ni fumani ni yeñwi hape. Na ziba, ki munamuhulu Dokota Ingleman, Ne ni lukela ku mu lizeza luwaile kwa—kwa neku la mboela, fa 4—426 south wing. Fani kona dokota wa mucembele yo yainzi fa ko ne luinzi kacenu, kwani kwa Georgetown, kwa na na foliselizwe, kamba kwa natile kasamulaho wa kuba mwa koma fa nako yetelele, ni—ni zeñwi cwalo. Cwale, Ni sepa kuli se si ba sweli, cwale lu ka kena mwa lipuzo za luna za makalelo ze Ni balile pili.

Cwale ha lu yemeñi fela fa muzuzu, shangwe.

11 Ndata luna yakwa Lihalimu, lu kopani mo ka kuba sikwata sa batu, batu ba Makreste ba ba Ku lata, baba lumela ku Wena, ni baba beile bupilo bwa luna ni lisebelezo kwa sebelezo ya Hao. Kuna ni bakutazi mo, mitangana, baana ba micaha, bana ni likeleke, bana ni buikalabelo fapila Mulimu. Kuna ni madikoni mo baba na ni buikalabelo mwa liofisi za bona mwa likeleke ze shutana ze. Kuna ni basepahali, misebezi ya bona. Balisana,

babuleli, sika kaufela, Mulena, lu na ni buikalabelo ku Wena. Mi kona ze lu tahela hamoho, kuli luna kamukana lu bulele nto yeswana sina ha lu bulezi kuli luswanela kueza cwalo mwa Mañolo. Kamukana luna lu swanela kubulela zeswana.

<sup>12</sup> Mi Ndate, lu nahana kuli, mwa sikwata sa mufuta wo, kuli lukone kufumana mwendi babañwi ba mizwale yaluna kamba babañwi ba luna lu ka ba ni shutano nyana mwa lika, mi babañwi ne ba buza fela kufumana kuli Niti ki ifi ka zona. Mi lu ziba kuli lu taezwi, mañi ni mañi wa luna. Mi haiba Ni kona ku kupa yomuñwi wa mizwale ba kuli ataha kwanu kwa lipuzo zee, mwendi bakona fela kuswanela kufita Na mo ni kona ku li alabela. Kono hamoho lu itingile fa sinulo ya Hao, kuli U kone kupatulula ku luna ka Linzwi mi ka . . . ka Moya wa Hao, kuli . . . kuli lube ni kalabo ya puzo ifi kaufela. Kuli lipilu zaluna . . . lwakona kutazwa ka likalabo mi lukone kulukuluha ka maikuto akuli lu apesizwe hande kwa sebelezo ya Hao ni kusebeza mwa ofisi yaluna kufita—kufita mo lubezi cwale. Wo kona mulelo wa luna wa kuba mo, Ndate. Lumeleza cwalo cwale.

<sup>13</sup> Mi alaba lipuzo za luna, Ndate, halunze lu Ku libelezi. Kusike kwa ba ze lyangana niheba hanyinyani mwa minahano yaluna, kono luine fela ni yona puzo yani kufitela i alabiwa ka kutala mi lukuliswa ka Moya, ka kulumelelana hamoho bakeñisa Pata ya Hae. Lwa li kupa ka Libizo la Jesu. Amen.

<sup>14</sup> Ni bata fela kubulela Liñolo, ka kukala. Sina Isaya hana ize, mupolofita naize:

*O amutahe . . . lu a mbolisane hamoho, kubulela  
MULENA: . . .*

<sup>15</sup> Mi Ni sepa kuli kona ze lu kopanezi mo busihu boo, ki kulika ku buhisana, kuba ni ku buhisana hande ka litaba. Mi cwale Ni ka kala . . . ni kunga zeñwi za litaba ze ñozwi fa kuya ka numere ni zeñwi cwalo, kuli Ni bile ni ze, Muzwa Wood na sweli; Ni fumani engulopu ye na ni likalabo kuyona. Mi cwale Ni bata kuli mañi ni mañi wa mina, mizwale yaka yeminde, kuli muzibe kuli—kuli likalabo ze li—li fiwa kuya ka zibo yaka hande, zona zende luli ze Ni ziba mwa ku utwisiseza.

<sup>16</sup> Mi likalabo ze ha ki ze sa palelwi, mwabona, kakuli Mañolo ha palelwi, mi kuya ka mo Ni zibela kikuli za zamaelela hande ni Mañolo. Ni sepa kuli zeo za lipetalalisa hande. Mi tepu ilukela kubulukiwa cwale mane mañi ni mañi ya ka ibata, kihande, wakona kuba ni yona. Kono cwale, Ni ziba kuli Mañolo ha palelwi kono likalabo zaka ha lina mayemo a kamita. Kacwalo Ni sepa kuli mañi ni mañi mwa utwisisa zeo. Mi haiba ha ki—haiba ha ki ze sa palelwi, konakuli muna ni tukelo mwendi ya ku ni buza ka nako kaufela.

<sup>17</sup> Haiba kuna ni puzo ya mutu, hailukeli kuba puzo ya hao, kono haiba ki puzo ya mutu yomuñwi, mwendi ha u si ka nahana kale ka zeo, kono kinto yeñwi ye lu lika kutusa. Luteni mo

kuli—kuli lutahe hamoho kakuli lu mwa mazazi a maungulo, mi mazazi ki a maswe, mi—mi lubata ku lutiwa, kukenyiwa sina sikolo.

<sup>18</sup> Muzwale Stricker, musole; Muzwale Goad kwa mulaho kwani, ki musole; mi mwendi Muzwale Ruddell fa, nali musole; Muzwale Beeler; ni babañwi baba shutana baba—baba bile mwa bupilo bwa busole; muine hamoho, mwa—mwa eleza, mwa—mwa ziba ndwa musika zwa kale mwateni, mi makilikicani kaufela omukona a sila, ili kuli mukopane ni yena mwa mafulo.

<sup>19</sup> Ha ne Ni sa lwananga ka liñindi, neba fumana kuli yeni lwana ni yena, ki ya cwani, nikuli ki mufuta wa likitanga ka ona, kamba ki kulindula ka ñindi yafahalimu kamba ku likita ka lizoho la silyo, kamba hape haiba utiyezi kwa silyo kamba lizoho la nzohoto, ni mwa tiyezi, ni kuli haiba wa shutanisa mahutu a hae, ni mwa itusiseza meto a hae, ni kuli ulata kuzwelelanga kwa lilulu lifi, ni makilikicani kaufela a shutana akona. Mi ne ba fumana kuli . . . ba—ba baluti ne ba muboni fateni mutu wateni ha lwana sapili. Kacwalo ba beya muuna mwani ni na kuli ani lute handende sina mwa na lwanela muuna yani, ku—ku ziba sa na ka eza.

<sup>20</sup> Mi sani kona se lubezi mo busihu bwa kacenu. Lwa ziba ku koma kwa sila. Lwa ziba makilikicani a hae mwa inezi. Mi luteni mo busihu cwana ni Mañolo kuli lu muapese ona kuli apalelwe kushenya, kakuli sila u kwa maneku kaufela.

<sup>21</sup> Muzwale Roberson, Ne ni sweli ku nahana kwa mulaho kwani, ku mu bona, kaniti u lukela kuziba seo musole ali sona. Kaniti nabile ni nako ya zona! Ki masole babakai babali mwahali mo, halu boneni, baba bile masole fateni mwa mpi ya bulicimende? Mutalime fela kwanu, mwabona, sikwata sa mina masole. Ku lukile, cwale, mwa ziba seo sili sona. Mi seo kona se mu bala, nji cwani, Muzwale Roy, Muzwale Beeler, ni mina bakale ni babañwi cwalo? Kikuli, muzibe mikwa ya sila, “Ki sikamañi sa ka eza? Ki muzamao ocwani wa hae?” mi kipeto muzibe mwa ku mu katanyeza.

<sup>22</sup> Mi seo kona se lubezi mo, lu bala muzamao wa sila mi—mi lu zibe mwa ku mu katanyezeza, kona taba ye ka mu koma.

<sup>23</sup> Mi muhupule, mutuhele ni bulele cwana, mizwale, keleke nyana ikalile fa mukoloko wa limpo, mwabona, limpo litaha mwa keleke. Kono kamba kuna ni limpo kamba nee, haiba hakuna mpo, Ni ka mi bulelela kuli, mpo haina ku koma sila kamita, kono Linzwi likaba likoma cwalo. Linzwi li ka mu katanyeza kai ni kai.

<sup>24</sup> Mi Jesu, ha Nali mwa lifasi, na bonisize cwalo. Yena . . . Nali Mulimu ya bonahalile mwa nama. Kono Na si ka itusisa nihaiba iliñwi ya limpo za Hae zende ka kunata sila. Lu fumana mwa Mateu mwa . . . Ni lumela kuli ki kauhanyo ya 2 kamba 3 ya

Mateu, Na ize. . . Batili, kauhanyo ya 2 ya Mateu, fani ha Na kopani ni sila, Na mu katani fa mayemo a Linzwi, “Ku ñozwi.”

Mi sila sa kuta, “Ku ñozwi.”

<sup>25</sup> Mi ki Hali, “Ku ñozwi hape,” ona cwalo, kufitela A koma sila. Mi kona ze lu bezi mo, ki ku katanyeza sila ka libelekiso za lufile Mulimu kwa—kwa ku mu katanyeza ka zona.

<sup>26</sup> Cwale Ni na ni lipuzo zene fa. . . ki fa siemba silisiñwi—ki fa siemba silisiñwi sa pampili, mi Ni li beile linombolo: wani, tuu, sili, foo, faifi, sikisi. . . eiti, lishumi, ni kushetumuka ona cwalo. Mi Ni sa feza fela zee, kipeto Ni ka tulela ku zani fani. Ili:

**107. Muzwale Branham, haiba lipuzo ze lizwile mwa nzila kipeto a ku litobohe fela, mi ha Ni na kuutwa bumaswe ka zona kakuli Ni ka ziba kuli ne si lizoho la Mulena. Puzo ya pili: Muzwale Branham, Ni ku utwile. . . kuli li lukela ku—ku kutela mwa. . . Ni—Ni—Ni utwile ha u bulela kuli Ni lukela kukutela mwa bulumiwa, mi Ni nahanile fateni nina, kono ni libelezi linzwi le li swanela hande kuzwa ku Yena ka zona. Ku to fita ni cwale ha li si ka taha kale. Cwale, haibile Ni ziba kuli mafelelezo a sutelezi hahulu, kana Ni libelele Mulena Jesu ku—ku bulela ku na? Kamba, kikuli Uka tabela ku ku bulelela za ku ni bulelela, haibile Ni ziba kuli wena u mulomo wa Hae mwa lizazi le?**

<sup>27</sup> Kihande, cwale, muzwale, Ni ka. . . Ni ñozi fa kalabo yaka ka yona. Mulimu u biza muzwale yo, ki pizo mwa bupilo, cwale, kuna ni fela nto ilinwi yetuna yelukona kunga fela yeo ka kuba palo ni ku kutaza ka yona busihu kaufela, mwabona, yona nto ilinwi yeo, “yeli pizo.” “Mubone kuli pizo ni kuketiwa kwa mina kube hande,” mwabona. Ha lu lati fela ku akaleza litaba haiba lu bizizwe kamba nee. U lukela kubizwa kusi cwalo u ka komiwa, lu sweli kulwana ndwa. Mwabona? Mi haiba una ni niti, muzwale, kuli pizo ya hao ki ya Mulimu, mi mu bizizwe ki Mulimu kuli mueze musebezi. . .

<sup>28</sup> Cwale, kuna ni muliko tuna fateni foo o sila akona ku ku bapala. U kona ku ku nahanisa kuli ha u si ka bizwa, kipeto wa kub fetula ni ku kubonahalisa inge kuli ha u si ka bizwa; kamba ku ku nahanisa kuli u—u bizizwe inge u si ka bizwa; kushutanisa, ka nzila yeñwi kaufela. Mi u lukela kutokomela zeo.

<sup>29</sup> Cwale, ki ye nzila ya kueza ka yona. Mubatisise pili. . . Kihande, cwale, ye ki kelezio, taba fela ye Ni kona kufa ka se ki kelezio. Mwabona? Kono mubone kuli pizo ya mina izwelela ku Mulimu, mi kipeto mutatube milelo ya mina ni maikuto. Mwabona? Cwale, mwa ziba se Ni talusa ka sani. Ki sikamañi mulelo wa hao wa kukutaza? Kana neli fela. . . Kikuli unahana kuli neli musebezi o bunolo kufita o’nani nji? Kipeto itobohe fela zona, ne si pizo.

30 Pizo ya Mulimu i ka kucisa hahulu mwa pilu kuli mane haukoni kupumula musihali ni busihu ka yona. Ha ukoni fela kuikambusa yona, ikana izwelapili ku ku sehaka ka tundamo.

31 Mi—mi haiba no ka kutaza . . . U li, kihande, cwale, mulelo omuñwi, “Na lumela, musebezi o Ni nani, haiba Ni kona kuba mubuleli ya mata kamba mulisana, nibe ni kapene kakatuna ka lituwelo zaka, ni be ni ndu mo Ni ka kena ni zeñwi cwalo, mo ni ka pila, konakuli Ni—Ni lumela kuli yeo ikaba nto yende, ye bunolo hahulu kufita ze Ni eza cwale. Mi luli Ni sepa kuli ikaba . . .” Cwale, mwabona, mulelo wa hao u fosahalile ka kukala. Mwabona, ha u si ka luka. Mwabona? Una—una ni mafosisa ona foo.

32 Mi kipeto u kali, “Kihande, mwendi kakuli Ni ya . . . ni nahana kuli mwendi Ni kaba ya zibahala hahulu mwahala sicaba.” Mwabona, uka ipumana fela kuli ulibelezi kuswaba kokutuna. Luli, mwabona!

33 Kono, cwale, haiba mulelo wa hao ki kuli “Hanina taba kamba Ni lukela kuca mañende a mukele ni kunwa mezi a mwa mpako, Ni ka kutaza Evangeli nihakuli cwalo.” Kuna ni fela se si sweli kupazaula ku wena, “Ikana yaba kuli ni kutaze Evangeli kamba kushwa!” Mwabona? Mi uka—uka ya kokuñwi, kakuli ki Mulimu ya talimana ni wena. Mulimu usweli ku Itibahaza ku wena, kakuli ki Mulimu fela hakoni ku ku tuhela kuli u pumule. Mi, hañata, muuna ya bizizwe ki Mulimu ha latangi kueza sika. Kana mukile mwa nahana zeo? Mutu ufi kaufela . . .

34 Ha ki kale hahulu ne ni buzizwe ki mizwale babañwi babande luli, bene baize, “Cwale kuli lutile mwa Nzila, Muzwale Branham, cwale kakuli lu fumani Mulena mi lu amuhezi Moya o Kenile, kikuli lu bata limpo za bulumiwa bwa luna ze lu lukela kueza.”

35 Se nili, “Usike wa eza cwalo.” Mwabona? Musike mwa eleza sicaba kuli sieze ze cwalo, kakuli hañata mutu ya bata kueza cwalo ki mutu yasa—yasa koni ku li eza mane.

36 Ki mutu yalika kusaba ku zona ki yena yo Mulimu aitusisanga. Mwabona? Haiba ulika kuba kwahule ni zona, “Oh, muzwale, Na mi bulelela, Na . . . pizo i kuna kono Ni . . . Whew! Muuna, Ni toile kulika zeo.” Kihande, ki fo he cwale, mwa bona. Zeo—zeo ki kulika kumata.

37 Haiba yena—haiba yena ubata ku li eza ka tata luli, taba yapili mwa ziba ukaba ni “sapalo sesi fumbukile.” Sina ha mu bulela kuli, “Mulimu, nife mata a ku shimbulula malundu, Na Ku bulelela, Ni ka Ku ezeza sika haiba Uka ni tuhelela kushimbulula malundu.” Batili, hana kueza cwalo, mane hakoni niheba kushenyeza kwa maikuto a lukile, mwabona, kona kuli haana kushimbulula malundu a Mulimu.

38 Munge fela, ka mutala, sina Paulusi. Munahana kuli Paulusi na ka ba kwahule ni pizo ya hae? Oh, muzwale! Hakoni kueza

cwalo. Ne li sweli fela ku mu kataza musihali ni busihu kufita a zwa mwa keleke ya habo, a siya lika kaufela ni—ni kuya kwa . . . Ni lumela kuli neli kwa Asia, nji cwani? Mi aina myaha yemilalu kwani, inza bala Mañolo, kuli afumane haiba Neli a niti kamba nee, mwabona, kufumana haiba Mulimu na mu bizize luli.

<sup>39</sup> Konakuli haiba Mulimu wa kubiza, muzwale, mi taba yateni ihanelela ku ku kataza mwa pilu, konakuli Ni kali “Aku beye kwatuko buima kaufela, ni sibi se si ku imeza ka bunolo.” Mwa bona? Haiba . . . Kono haiba ha i ku katazi, mi kipeo Hani—Hani—Hani na kunahana zeñata ka yona cwale. I lumeleze fela kutaha mwa sibaka sa yona.

Cwale, na ize, muzwale yo ubulezi fa kuli:

**Muzwale Branham, una ni . . . Kana u nahana kuli Mulimu uka bulela . . .** (ku na ku mu bulelela.)

<sup>40</sup> Ni lumela kuli Mulimu na ka bulela hande ku yena. Kakuli, mwa ziba, Mulimu . . . Ha lu ba batuna hahulu kuli Apalelwe kubulela ku luna. Mi Uka—Uka—Uka bulela ku luna, ku lukile. Mwabona, Yena fela . . . Uka bulela ku luna.

<sup>41</sup> Mi Na mi bulelela, haiba Na ka ni bulelela, kipeto muzwale ukona kubulela kuli, “Kihande, U bulelezi Muzwale Branham cwalo, kulumbwe Mulimu!”

<sup>42</sup> Kono, mwa bona, ha ki Muzwale Branham ya kufa pizo, ki Mulena Jesu ya kufa pizo. Mwabona? Mi haiba ki Mulena Jesu ya ku fa pizo, ki Yena ya ka bulela. Mwabona? Na kona kubulela ni wena kwa lizebe, kono cwale Kreste ha ku bizeza kwa bulumiwa ki mwa pilu ya hao. Mwabona? Fani kona fo i lukela kuyendamena taba yateni kaufela mi haukoni kuikambusa ku yona.

Cwale, Ni lumela fa puzo ya bubeli . . .

<sup>43</sup> Cwale haiba kuna ni puzo ku zeo, puzo ifi kaufela ku zona, mwabona, kuli pizo ya mutu ina ni kuba mwa pilu ya hae, kuzwa ku Mulimu. Mi—mi muzwale yomuñwi . . . Oh, Na mu ziba yo ya ñozwi ye. Mwabona, Na mu ziba ya i ñozi, ki mulikani, yomunde, muzwale yomunde nde yo Ni lumela hande kuli una ni pizo ya Mulimu. Kono Na fela . . . Ha ni lati kuli aeze cwalo ku zaka (kona ze Ni alabezi mo Ni alabezi), mwabona, kuna ha ni bulela kuli; “Kihande, eeni, Muzwale wa *Kuli-ni-kuli* ulukela kuya mwa bulumiwa.” Mwabona?

<sup>44</sup> Cwale mu li, “Muzwale Branham u ni bulelezi kuli Ni lukela kueza cwalo.” Mwabona, mi mwendi kucwani haiba sesiñwi si ezahala ku Muzwale Branham, Ni ka bulaiwa, kamba kushwa, kamba—kamba ku ikela? Mi, mwabona, pizo ya hao ifelile cwale. Kono haiba Jesu a kubiza, muzwale, haibile fela kuna ni Kuyakuile ikana izwelapili kulila ona cwalo. Mwabona? Mi kipeto wa ziba fo u yemi.

Cwale ku ya bubelu . . .

<sup>45</sup> Kamba nto yeñwi ye cwalo, “Ka kuziba kuli ki lizazi la mafelelezo.” Na itumela luli ka seo muzwale. Na luli naitumela ka mizwale yani ya lemuhile kuli lu mwa lizazi la maungulo, mi busepahali bwa pilu ya hae, kubata kueza Kreste nto yeñwi.

Yetatama ki:

**108. Cwale, haiba Mulena luna yomunde uka ni lumeleza kueza nto yenyinyani ku Yena, kana Ni zwelepili kukutela kwa lilalanda ko Ni kutalize siemba nyana mwa . . . mwa bufosi (ka ze Ni ikutwa kuswaba ka zona) . . . ubeile zeo mwa tukutwana . . . ni kulika ku ba bulelela Niti? Ba bile hahulu ni—ba bile hahulu fa pilu yaka.**

<sup>46</sup> Batili, muzwale, ha Ni koni kunahana kuli ki swanelo kuli u kutele kwa silalanda se si swana. Mi Na lumela, muzwale yomunde, kuli Mulena ha ku biza Ha na ku kutuhelela kuya sina mo no belanga sapili mwa silalanda, mi mwendi wena ukile wa luta litaba kamba nona ni lika ze ne si . . . zo so bona ka kushutana cwale, mwabona, kuli ukone kubona shutano ku so no ezize ka nako yani. Cwale, mi Mulena, ha Na ku biza, Wakona kuba . . . haiba A li eza ka patalaza ku wena, Wakona ku kuluma kusili. Mwabona? Hamu lukeli kuya kwa silalanda sifi kaufela kamba sika kaufela.

<sup>47</sup> Ha no li kwani no sepahala. Na mu ziba muzwale yo, sina ha Ni bulela, ya ñozi lipuzo zee. Ka busepahali bo butuna hahulu, ni Mukreste wa niti, no ezize zende zo no kona kueza ni ka bukwala hande mo no zibela, mi kona fela za bata Mulimu zeo. Mwabona? Cwale haiba Mulimu a ku bizeza kwa silalanda sani, Ne ni ka kutela kwateni hape. Kono haiba A ezi cwalo, Ni—Ni lumela kuli Ne ni kaya fela kaufela kwa Na ka ni luma. Kana kuna ni puzo?

Nombolo ya bulalu:

**109. Kana mutu uziba cwani sibaka sa hae se si swanela mwa Mubili wa Kreste?**

<sup>48</sup> Yeo ki yende, yende luli, “Kana kucwani . . .” Yeo ikona kuba puzo yeli mwahala luna mo busihu cwana, “U kona kuziba cwani hande?” Cwale, Ni akaleza kuli muzwale yo ubata kuziba “Sibaka sifi, ku Kreste, ki siemba *mañi* sa Kreste se Ni bapala?”

<sup>49</sup> Cwale, ka mutala, Ni ka bulela cwana, muzwale, ku mifa kalabo yende ye Ni ziba. Sibaka sa hao ki . . . ku Kreste si patuluzwi ku wena ka Moya o Kenile. Mi cwale ha u bata kuziba haiba ki Moya o Kenile kamba nee, ulukela kubona haiba Wa fuyola zo sweli kueza, kamba kutokwa. Mi haiba Wa i fuyola, konakuli yani ki Yena. Haiba Ha fuyoli . . .

<sup>50</sup> Sina yomuñwi hana ize kuna ha ki kale hahulu, naize, “Mulena uni bizelize ku kutaza.”

Se nili, “Kihande, kona kuli kutaza.” Mwabona? Mi kacwalo kiha—kiha . . .



51 Ni nahana luli kuli ki cwalo. . . Satani, haiba akona fela kunga mutu kuli—kuli aeze cwalo mi ni ku mu puma, ona zeo kona fela za bata kueza. Mi lifasi kaufela li ka supa munwana ona foo. Mutu ha nahana kuli una ni mpo ya kubulela ka malimi ni kutoloka; yomuñwi una ni mpo ya foliso ya Bumulumu; babañwi bana ni lika ze cwalo. . . Fokuñwi ba lyangani mwa lika zani, mwabona. Mi fokuñwi ba kona kunahana kuli habana zona kanati bana ni zona. Kona kuli kinto ye lyanganisa luli.

52 Kacwalo kamita muezange cwana, mizwale, nako kaufela ha mu ikutwa kuli mulukela kueza sika, pili mubatisise haiba ki s Mañolo kuli muezze cwalo (haiba si mwa Mañolo). Isiñi fela kuli si ñozwi mwa sibaka silisiñwi, kono Ni talusa kuba ka Mañolo kaufela ona mwa Bibeles kuli u si eze, sibaka sa hao, lubulele kuli ha no kaba mubuleli, mulisana, muluti, mupolofita, kaufela seo Mulimu aku bizelize kuba sona. Mwa bona? Kamba haiba una ni mpo ya malimi, mpo ya kutoloka, mpo ya—ifi kaufela ya limpo za moya ze naini mwa keleke, ni liofisi zene za moya za keleke, sibaka kaufela, pili mubone haiba Mulimu u bizize.

53 Konakuli, hañata, mo Ni zibelanga na kasibili, fela. . . se ki ka na, Ni ka talima mikwa ya mutu ni kubona mufuta wa mpo ya ipapata. Mwabona, Mulimu uka beleka ni sibupiwa sa Hae ka mwa Mu bupezi. Mwabona? Uka eza sibupiwa. . .

54 Haiba u mubona kuli ki ya bubebe ni kumbambala, wena. . . mi uli, “Mulena u ni bizelize sa *kuli-ni-kuli*, ku ba mulisaka.” Cwale, mulisana hakoni kuba mutu ya mbambala fela. Mulisana ki mutu ya na ni mayemo, hande. Mwabona?

55 “Mulimu u ni bizelize kuba muluti.” Mi amu mubone mwa tolokela Linzwi. Mwabona? Wa Li lyanganisanga ni lika kaufela, kipeto mwakona ku limbulula. Mwabona?

56 Kono, cwale, nto ya kueza ki ye, sibaka sa hao sa zibahala kamba wakona ku sieza kamba nee.

57 Cwale, fani Mulimu ha na ni bizize kuli ni be mubuleli, Ne ni bata kuba mulisana. Mi Na hupula kuli kuinanga fela kwandu kwanu ku kabanga hande. Mi Mulena a ni biza. Mi mafelelezo sicaba kaufela sa taha hamoho. . . Hakuna nihaiba alimuñwi wa bona ya siyezi mo busihu bo, kuli ne ba lilile ni kuzwela fande kwani kwa mukwakwa wa 1717 Spring Street. Mi kalibe cwana, musala Bo. Hawkins kulo kwani, a i katana mi ali (ina lila, mwa nako ya manyando, alimuñwi yapila mabapa ni bona ha na tateha manawa a cile mi kaufela lwa kopana ni kuca), mi ki hali, “Ni ka lumeleza banake kwa tafule haiba u ka yaha fela tabernakele.” Mwabona?

58 Mi pizo yaka neli mubuleli. Kakusasana. . . Inge ni inzi ona fa licwe la mwa lilulu le, kona kuli ha ne lu ka pwaca fani busihu bo, nemuka bona likepe la kwa mulaho la Bibeles yaka fa Na ni bulelezi kuli nibe mubuleli. Mwabona? Mi Ne ni si mulisana ya cuukile zangana, mane hanina kuba cwalo, kakuli Hanina

tibeledo ni zeswanela kuba za mulisana. Mwabona? Kacwalo ha Ne ni ka lika kulisa sicaba, Ni kona fela kuba sina mulisana yalika kuba mubuleli.

<sup>59</sup> Mwabona se Ni talusa? Mwa kona kubona Mulena mwa mi bizeza, sibaka sa mina mwa Mubili. Kana kuna ni puzo?

**110. Kana batu kaufela babatezi Moya o Kenile ba ka bulela ka malimi kapili ona foo kamba konji kasamulaho nyana?**

<sup>60</sup> Yeo kona puzo yapili, “Kana Moya o Kenile kaufela . . .” Mi, kaufela zona li mwa puzo iliñwi, Ni i beile fa kuba puzo ya bune. Kono Nika—Nika bulela se pili, mwa bona:

**Kana sicaba sa Moya o Kenile kaufela si bulela ka malimi cwanoñu nyana kamba kasamulaho? Ni fumana ko Paulusi na bulezi kuli “na bulela ka malimi amañata kufita kaufela bona.”**

Ku lukile, puzo yabune: **Kaufela ba bulela ka malimi ha ba amuhela . . .** Kamba, batili, i bulezi kuli: **Kaufela ba bulela ka malimi . . .** Batili: **Kana kaufela batu babatezi Moya o Kenile ba bulela ka malimi cwanoñu ona foo kamba konji kasamulaho?**

<sup>61</sup> Cwale, muzwale, Na . . . Ye ki puzo yetungile. Cwale, foo, mina kaniti . . . Ni ka ba ni likalabo zeñwi fa taba ye.

<sup>62</sup> Moya o Kenile, siemba sa Moya o Kenile ki kuluka. Fani kona fo wena pili . . . Mulimu una ni ku ku biza kusi cwalo hauna ku bizwa. Mwabona, hakuna se mukona kueza ka mina bañi. “Hakuna mutu yakona kutaha ku Na konji Ndate A mubize pili.” Kana ku cwalo? Kacwalo siemba sa kuluka ki Moya o Kenile.

<sup>63</sup> Kana mu ni utwile ha ne ni tolokela muluti wa Lutheran yani nako yani ka za simu ya mbonyi? Mwabona, “Mbonyi, mutu na i lo cala zepeli . . . na cezi simu ya mbonyi. Kakusasana habusa a zwela kwande mi ‘hakuna.’ Kasamulaho nyana a yo fumana limela zepeli li comohile, mi ali, ‘Nilumba Mulimu ka simu yaka ya mbonyi!’” Mi se Nili, “Kana nana ni simu ya mbonyi?”

Mi ma Lutheran ali, “Ka manzwi amañwi.”

<sup>64</sup> Na li, “Yeo ki niti, kuya ka manzwi fela na ezize cwalo.” Kono se Nili, “Ka . . .” Se nili, “Bani neli mina ma Lutheran.”

<sup>65</sup> “Kuya cwalo kasamulaho kwataha limela mi za panya sibunga. Yani neli Methodist. Kalulo ya bubeli ya mbonyi, ki sibunga.” (Ni sepa kuli kona cwalo, mina mizwale ba bazwa kwa matema.) “Mi cwale sibunga si talima kwa mulaho kwa litali ni kubulela kuli, ‘Huh! Ni sibunga, wena u litali fela! Mwabona, Ha ni kutokwi neba hanyinyani.’ Mi cwale ni sibunga . . . Mununo u zwile mwa sibunga, kukutela mwa litali hape; ina ni kuba ni litali.”

<sup>66</sup> “Mi kuzwa fani kutaha bubeke. Yani neli Pentekota, ku kutisezwa kwa limpo cwalo yaya mwa sibaka sa pili, ku kutela

ku sa makalelo. Mi cwale bubeke ha bu yo bonahala, bwali, ‘Ha ni ku tokwi, sibunga tuwe. Kamba mane neba ba ha Ni tokwi, litali tuwe.’”

67 Kono, kasamulaho wa zeo kaufela, bupilo bo bu swana bone buli mwa—mwa litali la mbonyi kona bo bu ezizwe sibunga. Mi sene sili mwa litali ni sibunga kona sene si ezizwe bubeke. Kona kuli Moya o Kenile ubulela sikamañi ka malimi? Ki kuluka ko kuitahanela. Mwabona? Keleke ya Pentekota ki sikamañi? Ki Lutherana ye pahami. Mwabona?

68 Kono cwale zwelopili ha se itile, puzo ikona kub akuli, “Cwale Na ni siyale fela ona cwalo?” Batili! Batili, mbonyi i hulile. Mwabona? Mu kala ka peu. Mukalisae ka—ka Linzwi, yona peu, I ka tisa za kuluka. Mi ina mwa kuluka kufitela I tisa kukeniswa. Muine mwa kukeniswa kufitela mu amuhela Moya o Kenile.

69 Cwale ha u amuhela Moya o Kenile, U ka eza sikamañi? Ki sikamañi . . . U sa na ni puzo, nji cwani? Ku lukile:

### 111. “Kubulela ka malimi ki sikamañi”?

70 Kubulela ka malimi ha ki nto isili kwanda kolobezo ya Moya o Kenile ye kubeile ya lukile ni ku kukenisa. Ku tezi hahulu! Cwale, Ni batile . . . Ne ni bata puzo ye. Mulimu uziba kuli Ne ni sa zibi kuli muuna yo na ka busa, kualaba . . . kamba kuibuza.

71 Cwale, kana kuna ni . . . haiba ku cisa hahulu mwahali mo, mukwalule munyako wani haiba mu ikutwa buloko kamba nto yeñwi. Ni bata kuli muteleeze taba ye hande ni ka tokomelo. Kakuli kwa—kwa futumala cwalo, kwakona ku mi ozelisa.

72 Cwale mulemuhe, mulemuhe se: kuluka, kukeniswa, kolobezo ya Moya o Kenile.

73 Cwale amutalime fa, ki ye fa. Haluboneñi ni i swanise. Cwale, Ni inzi fafasi fa, Ni muezalibi, Ni zamaya ka nzila *ye*. Hañwi, kasamulaho nyana, Sesiñwi sa bulela kuna. Mi hakuna se si kona ku ni fetula kwanda Mulimu. Kana ki niti yeo? Ni sikuluhile ka nzila *ye*. Cwale, ha Ni sikuluha, koo kona kuluka kwa ka. Kana ku cwalo? Cwale, siswaniso kona sibupiya saka se ni ya kasona, mwabona, siswaniso sa Kreste.

74 Cwale Ni bata sibaka ko Ni kona ku ikutwa hande hanili ni Yena fakaufi. Mwabona, Ni beilwe ya lukile. Cwale Ni taha kwa kalulo ye *fa* fo Ni kona kuambola ku Yena, kakuli . . . Ni sa swaba ni cwale. Ni sa zuba, Ni sa bulelanga buhata, ni ezize lika za bulyangelino cwalo ze Ni sa lukeli kueza, mi nako kaufela ze ni *lwanisa* ni *zende*, ze ni *lwanisa* ni *zende*, kono Ni bata kuli Yena ani kenise kwa lika zani kaufela kuli Ni kone ku ya ku Yena ni ku ambola ku Yena. Mwabona? Ku lukile, ki ye fa, ki kukenis- . . . kalulo ya kukeniswa. Cwale, i ezize sikamañi? I ni otolozhi hande. Mwabona?

75 Cwale Ni ya kwa Moya o Kenile. Mwabona? Mi ha Ni kena mwahali *mo* Ni inzi mwa Moya o Kenile ka kolobezo. Kana ku cwalo? Kana Moya o Kenile ueza sikamañi? U ni fa mata. Mata a kuba mukutazi, mata a kuba muopeli, mata a kubulela ka malimi, mata a kutoloka malimi. Utezi mata amañata, kakuli Moya o Kenile kona mata a Mulimu. Mi neli mata a Mulimu ana ni fetuzi. Neli mata a Mulimu ana ni kenisize. Cwale ki mata a Mulimu a tezi ku na.

76 Cwale, ka nako yeñwi, Ni yemi fa mi Ni lika kubulela nto yeñwi mi Mata a Mulimu ataha ku na ka nzila yetuna cwalo kufitela Ni palelwa fela kubulela. Mwabona? Mi Na kala kuba ni sikukuma. Inge ha Ne ni ka bulela kuli, “Mizwale,” sina kuyema cwana.

77 Ki se fa, Ni ka si bonisa ka nzila ye. Ni ka ambola ku mina mizwale kuli mutokomele ku si utwisisa shangwe. “Mu—mu—mu ikutwa cwani, muzwale?” Mwabona, Ni sa na ni mulatu. “Uh, Ni—Ni tabile hahulu kuli Ni—kuli Ni sa li alimuñwi wa mina. Ni—Ni—Ni tabile hahulu, mwa bona.” Ku lukile. Cwale, kasamulaho nyana, sikamañi? Ni ziba kuli usweli ku ni talimela ni kuziba kuli Ni sa eza lika, ni sa eza lika ze masila ka bu lifasi bwa zona.

78 Kasamulaho nyana Na keniswa. Cwale sesiñwi si ezahalile, Ni kenisizwe. Na kona ku mi talimela mwa pata, Ni alimuñwi wa mina. Mwabona? “Ku lukile, muzwale. Kulumbwe Mulimu! Ni tabile fa kuba mwa sikwata sa Moya o Kenile se. Ni tabile kuba mwahala mina mizwale ba bakenile.” Kiñi? Kikuli hamukoni ku ni supa munwana, Ni kenisizwe. Kono cwale Mulimu uka ni beya mwa sebelezo. Cwale, eeni, sha!

79 “Muzwale Branham, kana u beilwe ya lukile?”

80 “Eehe! Na hupula ha ne Ni palelwa ku ku talimela. Muzwale, Na kona kukutsalima kwa sifateho cwale.”

81 Mwabona, ki luna ba fa. Cwale, ki sikamañi se hape? Cwale Ni ka ba ni. . . *Se* si kenile ni kubeiwa kwatuko *kwa* sebelezo, mi *se* sitaha *mwa* sebelezo. Cwale kaufela lwa ziba kuli linzwi le li *sanctify* ki linzwi la Sigerike, linzwi la Sigerike lelitalusa kuli “kukena, ni kubeiwa kwatuko kwa sebelezo.” Lipizana ne li keniswa ni kubeiwa fa aletare, ni kukeniswa kwa aletare ni kubeiwa kwatuko *kwa* sebelezo. Kono kuba *mwa* sebelezo ki kutazwa ni kubeiwa mwa sebelezo.

82 Cwale, Ni ya kwa neku le mi cwale Ni taha *mwa* sebelezo. Cwale, neli Mulimu yana ni fetuzi, ali, “Ni Utwe. Ni Utwe! Ni Utwe!” Mi ki Hali. . .

83 Mwa utwa se Ni talusa? Mwabona? Mi fa, [Muzwale Branham u bonisa mutu ya bulela ka malimi asili—Mu.] . . .? . . . Mwabona, fa, u tezi fela hahulu. . . Kona cwalo. Ki fo he cwale, ki kubulela ka malimi.

84 Mi Na lumela se cwale: Hani lumeli kuli kubulela ka malimi kona bupaki kaufela bwa Moya o Kenile. Ha ki cwalo! Kakuli Ni boni baloi babasali, baloi ba baana, baba swala linoha, mioya, lika zeñwi kaufela libulela ka malimi, mi ha ki kezo ye sa palelwi ya Mulimu (ha mu bulela ka malimi) kuli muna ni Moya o Kenile. Kono, muhupule, Moya o Kenile wa bulelanga ka malimi mi diabulosi wakona ku likanyisa.

85 Ona—ona bupaki bo bubonisa kuli una ni Moya o Kenile ki ka bupilo bo upila, mwabona, “Ka miselo ya bona mu ka ba ziba.” Mi muselo wa Moya ha (uyo kai ni kai mwa Mañolo) ka kubulela ka malimi. Muselo wa Moya ki lilato, tabo, tumelo, pilutelele, bunde, kuishuwa, musa, tibebele. Mwabona, cwale, yeo kona miselo. Kona se mu fumana fa kota kuli muzibe mufuta wa kota yateni. Mwabona?

86 Seo kona se ba bata ku mina bakutazi, ni ku mina madikoni, ni mina basepahali, ni mina babuleli. Wakona kubulela ka malimi kwanu mwa mukwakwa musihali kaufela inge ulongolola, habana ku ku lumela. Kono upile fela zo bulela, u bonise bunde, mane mibisi ya nyoko kaufela izwe ku wena, kipeto mutu uka lemuha kuli kuna ni sesiñwi.

87 “Kubulela ka malimi.” Cwale, Na lumela se, kuli nako yeñwi, kuli mutu yatezi Moya ya lobala mwatasa aletare ya Mulimu uka bulela ka malimi. Kono Ni boni babañata baba bulela ka malimi ba ba sa zibi sika ka Mulimu. Mwabona? Ne ba sa zibi sika ka Yena ni hanyinyani, mi ba sa bulela ka malimi. Yeñwi ya limpo zani yakona kulikanyiswa. Mwabona?

88 Kono muselo wa Moya u paka seo Moya uli sona mwahali, u lwala bupaki bwa Bupilo bwa Jesu Kreste. Kakuli haiba kuna ni pilu ya kota ya peach mwa kota ya apule, ika beya litolwana za peach handende luli. Yeo ki niti. Mwabona, kakuli ki bupilo bo buli mwahali ku yona.

89 Cwale, yeo ki nto yeswana ni mo. Kno cwale, kuli Ni kone ku mifitiseza taba ye kamukana mina, kuli lukone kuziba nto yeswana kaufela. Ni lumela kuli mutu yatezi Moya. . . Cwale utaha ku Kreste ka kolobezo, mi fela. . . sani ha ki. . . Kubulela ka malimi ha ki bupaki bwa kolobezo. Mwabona?

90 Kolobezo, wakona ku kolobezwa mwa mata a diabulosi, ni kubulela ka malimi ka kolobezo ya moya o puma wa diabulosi. Ki linako zekai ha lu li boni li ezahala? Ki linako zekai ha Ni li boni ha li ezwa?

91 Na mane ni ziba ni bona babanwela mali mwa katendele ka mutu ni kubulela ka malimi.

92 Ni boni bababina ni linoha mwa lihalaupa ba itamelezi noha yetuna mwateka ni kuzamaya inge ba bulela. Muloi na taha ona cwalo, mi u bulela ka malimi ni ku atoloka.

93 Ni bile mwa malunga abona fo ba toma potoloto fafasi sina cwana, ni kubeya buka fafasi sina cwana, mi potoloto isweli kutulatula fa muyengo wa sitofu, inge ba liza kuli, “*Kukula milili, mwa liemba zepeli,*” ni kuñola ka malimi asili, mi kipeto muloi wa muuna wa li toloka ni kubulela handende ze ne ezahalile. Na—Na ziba cwalo na kasibili. Mwabona? Kacwalo Na. . . Mwabona, hamukoni. . .

94 Paulusi naize, “Niha kuna malimi, aka fela. Ni ha kuna bupolofita, bu ka feliswa. Koo limpo ze kaufela, li ka feliswa cwanoñu.” (Luna ni puzo kasamulaho nyana.) “Kono cwale ze petehile ha li ka taha, za neku leliñwi li ka feliswa.” Mwabona? Kacwalo lubata lika ze petehile, mizwale. Mwabona? Lu boni lika zeñata hahulu za buhata ni kufa toloko ye fosahalile ku zona.

95 Mi musike mwa talimana ni mutu ni—ni kulumela kuli bana ni Moya o Kenile kakuli ba bulela ka malimi. Mwabona? Kono mu lumela kuli bana ni Moya o Kenile bakeñisa miselo ye ba lwezi, kakuli Jesu naize, “Ka miselo ya bona mu ka ba ziba.” Mwabona? Yeo ki niti, “Ka miselo ya bona.”

96 Cwale, kono cwale, ni si ke fela na zwa ku zeo cwale, kakuli ha Ni lati kushwaula mpo yetuna yeo Mulimu afile. Mwabona? Mi Ni lumela kuli muuna yatezi Moya kamba musali, kamba mwana, ya pila mwatasa aletare ya Mulimu, habana kupila kwani nako yetelele kufitela ba bulela ka malimi. Mwabona? Ni lumela kuli uka eza cwalo, kamba yena musali yoo.

97 Cwale, mwakona kuamuhela Moya o Kenile mi mwendi ha mu si ka bulela ka malimi ha mu U amuhela. Mwabona? Kono haiba uka inelela fapila Mulimu foo ka nako kaufela, ni kolobezo mwa mulaho wa kolobezo inge i ku suluhela, kuna ni se si ka ezahala. Mwabona? U ka ikutwa kutala hahulu zazi leliñwi kufietal mane upalelwa kubulela sika; mwabona, muka—muka—muka lika kubulela sesiñwi, hauna ku kona kubulela sika, mi haukoni fela ku si bulela. Mi linako zeñata haiba sicaba si lemuha kuli wani neli Moya o Kenile si ka zwelapili ni ku kwalula lipilu zabona ni ku lumeleza Mulimu ku ambola ni bona.

98 Biblele ibulezi kuli, “Ka milomo ya sikukuma ni ka malimi asili Ni ka bulela kwa sicaba se.” Isaya 28, mwabona, 28:18. Cwale, “Ka milomo ya sikukuma ni ka malimi asili Ni ka bulela.”

99 Kana kinot mañi “sikukuma”? Ki mutu ya sa koni kubulela hande, ze utwahala, “Huh, uh, uh, huh, uh, huh, uh, huh.” Fela mueze. . . mwa kukuma, kulika fela, “Huh, uh, huh.” Mwabona, kutala fela Moya! U lika kubulela kuli. . . Sina ha Ne ni ka bulela kli, “Muzwale Ja-Jack-. . . Ja-. . . Muzw’ale Jack-. . . Muzwale Ja-Ja-Jack-Jack-Jackson.” Mwabona, ku cwalo, u lika kubulela sika, kono haukoni. Mwabona, zeo litezi hande ka Moya! Ki. . .

100 Ni bata ku mi buza mina mizwale, kana ukile wautwa fateni Moya o Kenile inge u ku nyunga kufitela mane upalelwa kubulela sika, uka ina fela wa li kukuza nako yeñwi, uine fela foo inge u lila? Kana uezize cwalo? Kihande, wo kona Moya o Kenile. Haiba uka . . . Libaka leo batu ha ba sa buleli ka malimi linako zeñata, ha ba zibi mwa kui peela ili bona kwa Moya mi basweli kulibelela nzila yeñwi ye fosahalile haiba Ki nako yeswanela. Mwabona? Kona libaka ha ba sa . . .

101 Mi cwale sicaba señwi si banga fela mwa maikuto a kuikupulela ni kubulela manzwi amañata asina taluso kuona, mi niteñi habana Moya o Kenile, ni kulika kubulela kuli bana ni ona bakeñisa kuli ne ba bulela ka malimi. “Ka miselo ya bona mu ka ba ziba,” mwabona.

102 Cwale, kana kuna ni puzo? [Muzwale Junior Jackson uli, “Muzwale Branham?”—Mu.] Eeni, muzwale. [“Ni tabile kuli puzo yeo i buzizwe, kakuli hakuna ku kakanya babañwi bakona ku komoka se Ni lumela ni se ni lutile fa nako yetelele. Kono Ni lumela kuli sina mo u lutezi.”] Ni itumezi, Muzwale Jackson. [“Hakuna taba kamba ki linako zekai ze Ni kona kubulela ka malimi, kamba sika kaufela, haiba bupilo bwaka bu pakelana ni Bibe se i bulela konakuli ha Ni yomunde kufita nja ya mutanganyo yeitamaela mwa mukwakwa.”] Yeo ki niti. [“Mi ne Ni si ka bulela ka mushobo usili konji likweli ze silezi ha se Ni amuhezi kolobezo yaka.”] Kona mo ne Ni ezelize cwalo, nina, Muzwale Jackson.

103 Ni amuhezi kolobezo ya Moya o Kenile mwa muluti waka, mwabona. Mi mwendi kasamulaho wa silimo cwalo, kamba nto yeñwi ye cwalo, Ne nili—Ne ni . . . bulezi ka malimi.

104 Mi mwendi kasamulaho wa silimo kamba zepeli kuzwa fani, Ne ni sweli kukutaza hape mwa keleke, mi Ne ni—Ne ni yemi fa katala sina cwana, mi Na . . . Hane Ni li mwanana mi ne ni sa zibi za luñañali sina mo Ni inezi cwale, Ne ni banga hanyinyani nyana mi ne ni lilanga fa kukutaza. Ne ni yemi fani inge ni kutaza mi Na tulela fela fa sipula. Ne li fa keleke ya Baptist, keleke ya Milltown Baptist, ni kuzamaya mwa hala lipula, kukutaza katata fela mo ne Ni konela kukutaza cwalo. Mi ha Ni tuhela fela kukutaza, Sesiñwi sa ni pamula fela ni kubulela manzwi nyana, amane kamba a ketalizoho, kamba manzwi a silezi, mwa malimi a sa zibwi. Mi Ni si ka ziba kale sene Ni eza, Na i kutwa inge ni biza kuli “Licwe mwa sibaka se si omile, ki Masabelo a mwa nako ya liñungwa.” Mwabona?

105 Mi cwale zazi leliñwi hane ni taha mwa nzila ya njanji, Ne ni sweli ku zamaya mwa nzila ya njanji cwalo, neku le la Scottsburg, inge nitaha mwa njanji, ne ni sweli kuhata hata. Moya inge ufuka katata, oh, mawi, ni litwa kai ni kai mwa nzila yani, mi Na silela mwabuse kuli Ni shetumuke ku ye seti-sili sauzande; ze sikisite-sikisi za ya neku le, kwa neku leliñwi la

nzila. Mi Ne ni sweli kutaha mwa nzila, mi hañihañi fela . . . Ne ni sweli kuzamaya kwani, Ne ni sweli kuopela. Ne ni opelanga kamita. Ne ni na ni libaka ze shutana ko Ne ni yo lapelelanga. Mi Ne ni ya kwani, inge ni opela, mi ona fani fela Na to fumana kuli Ne ni bulela ka malimi, mwabona, ni sa zibi sene Ni eza.

<sup>106</sup> Kubulela ka malimi kutahanga ka mukwa wa kucisa cwalo kuli mutumane hakuna za ziba ka za sweli kueza, kamba, ha ba zibi ze ba bulela. Mi toloko ki nto yeswana. Ha zibi sa ka bulela. Haana mulelo ni omukana ka za ka bulela, kakuli ki ze pahami za moya. Mwabona, ibile fela mu ba ni za nama ku zona konakuli ha mu . . . mu—mu—mu na ni za nama, mwa bona. Kono haiba sesiñwi si ku swala ni kuku zamaisa, mi ueza ona cwalo. Mwabona?

<sup>107</sup> [Muzwale Neville uli, “Muzwale Branham, kana Ni bulele nto yeñwi fa?”—Mu.] Luli, wa kona, Muzwale Neville. [“Cwale, u bulela ona cwalo, zo sa tabeli kubulela, nihaikenge, kuli—kuli malimi a lukela kuba mwa sikuka se si swana mwa sebelezo haiba mutu nasike a li zamaisa? Kakuli yena una . . . Mutu ya nani mpo uswanela ku kona ku izamaisa hande.”] Wa kona kuizamaisa yena kasibili. Eeni. Inge fela . . . [“U lukela kuziba cwale kuli ubata kubulela ka malimi”] eehe, yeo ki niti [“kamba u zwile mwa sikuka ka kukala.”] Yeo ki niti, wa i utwa. Mwabona? Cwale, sina Bibehe ha i bulezi kuli, “Haiba—haiba kuna ni alimuñwi ya bulela ka malimi mi hakuna mutoloki, konakuli yoo akuze.” Cwale, eeni sha.

<sup>108</sup> Lubulele, ka mutala, Ni yemi fa, mutu ufi kaufela, ha u bata kuhuwa, taba yeswana. Kana ukile wa iikutwa mata a Mulimu kutaha fahalimwa hao ha u kala kuhuwa? Ki babakai ba bakile baeza cwalo fateni? Kihande, kaufela luna lubile cwalo. Mwabona? U ina fela ona foo, u iikutwa kuli za taha. Kuna ni nako yemuna ni kutima seo, mwabona. Mwakona ku li swala, mwabona, ha li si ka luka.

<sup>109</sup> Kucwani kambe ne mu ka yema, ni kuambola ni—ni Muteleli wa United States, kamba no yemi kwanu inge u ambola ku mubusisi wa muleneñi, mi no sweli kubulela fa taba yeñwi, ona mo mukwakwa wo kwanu, inge u ambola kwa sicaba, mi ona foo fela mu iikutwa fela kuli mwakona kutulaka mwahalimu ni fafasi, ni kuhuwa kuli “Kanya! Haleluya!” ni kulahaka lika kaufela ni kumata mata mwa mukwakwa ona cwalo. Ne ba ka bulela kuli u lyangani. Mwabona? Neba kali, “Muuna yani wa lyangana.” Mwabona?

<sup>110</sup> Kihande, mwabona, wa ziba hande za kueza kufita zeo. U ka ikwica, nihaikenge si ka ku sitaka mwahali mane ufipelwa kuli upalelwa kuitiisa. Mu li, “Eeni, sha. Eeni, sha. Uh-huh. Uh-huh. Eehe. Eeni, sha. Uh-huh.” Mushimani, i ka ku sisita fela mwa liembaemba kono wa ziba mwa ku kuzeza ka nako yeo. Mwabona?



111 Inge mwa kuta kwanu ha ki kale hahulu, neba sweli Mapentekota babañwi ka—ka kueza nto yeñwi cwalo, ka kuhuwa hahulu kamba nto yeñwi, zeo mane neba—neba na ni mulatu wa zona, mwa bona, ku lukile. Kono nako kaufela muatuli ha na bata kubulela kamba kuambola sika ku bona, ne ba bulela ka malimi. Mwabona? Muatuli ali, “Amunge sicaba sa likuba se kuzwa fa.” Mwabona?

112 Cwale, kambe ne kukaba ni toloko ya malimi ani ni kubulelela muatuli “SA BULELA MULENA KISONA,” sika sa *kuli-kuli* sene sikaba sa niti, “SA BULELA MULENA KISONA! Muatuli, kiñi so yemezi fo inge u ni atula kamba maabani busihu no li ni lihule? Libizo la hae neli Sally Jones, na pila kwani kwa 44 Sibaka sa *Kuli-kuli-kuli* cwalo, ze cwalo. Kiñi ha u ni atula? Seo KISONA SA BULELA MULENA! Cwale hana zeo mi u ka wa ni kushwa.” Cwale, oh, muzwale! Kuna ni nto ye shutana foo.

113 Kono ha mu yema fela ni kubulela, mi ki hali, “Wena u muzwahule ku bona.” Mwa bona? Cwale, wa ziba nako yo lukela kukuza ni nako yo sa lukeli kukuza. Mwabona? Cwale, zeo ki . . . Mwabona. Ni . . . Mu ni utwisise cwale, mwa ziba ze Ni talusa. Mwabona? Zeo ki zona. Kiniti . . .

114 Luna ni yona puzo yeo fafasi fa. Libaka lene Ni i bulukela sina cwalo, luna ni nto yeswana, “Kikuli ba lukela kukuza nji?” Mwa bona? Kona ha Ni si ka i alaba ka mo no bulelela. Kono yeo kona nako, ni i alabe cwale, mwabona, ona fa cwale. Mi luka inga hape fa puzo ye fa, mi Ni ka swanisisa fela ku yona. Kana mañi ni mañi mwa utwisisa puzo yeo hande?

[Muzwale Fred wa buza, “**Muzwale Branham?**”—Mu.] Eeni, Muzwale Fred. [**“Kana—kana mutu ya bulela ka—ka Moya, inza bulela ka mubulelelo (lubulele kuli ki muuna wa mu English mi wakona kubulela Sikuwa) mi kana Moya wakona kulumeleza puo yateni?”**]

115 Kiniti. Eeni, sha. Mwabona, kakuli Moya o Kenile ubulela mwa mishobo kaufela. Mwabona? Ka Lizazi la Pentekota mushobo kaufela mwatasa Lihalimu ne u kopani hamoho, mwabona. Kubulela ka Sikuwa . . . Cwale, Na kamita na ziba cwalo, Muzwale Freddie, na kasibili, kuli Ni . . . haiba Ni kutaza kutazo ye na ni tozo ku yona, ki Moya o fa za kubulela, mwa bona. Ki ona . . . Mwabona? Kona kuli woo ikona kuba mushobo o sa zibahali ku mutu ya sa utwisisi Sikuwa. Kono ibo . . .

116 Mi inge fela lulimi lo lu sa zibwi ha ki “lulimi” lo lu sa zibahali, ki . . . kuna ni mutu mwani . . . Inge ka Lizazi la Pentekota, ne ba ize, baezalibi ba kaufela, ne ba ize, “Kana lu ba utwa cani mutu ni mutu mwa mushobo wa habo? Kutaha cwani ha lu ba *utwa* Magalilela bao babulela mwa mushobo waluna tota?” Nekusina ze sa “zibahali” ka zani neba hanyinyani. Hakuna sika sakuli “malimi a sa zibahali” kwa Pentekota. Cwale, mwabona, ao ha ki Mañolo ni hanyinyani. Mwabona?

Nekusina ze sa zibahali . . . ne si lulimo lo lu sa zibahali, ne li mushobo. “Lu utwa cwani mutu kaufela mwa mushobo wa luna mo lu pepezwi?” Hakuna ze sa zibwi ka zona nihanyinyani. Mwabona? Kuli . . . puzo ifi kaufela ku yeo cwale, ona fa lu si ka i siya kale? “Lu utwa cwani mutu kaufela mwa mushobo wa luna?” Mwabona?

117 [Muzwale uli, “Foo—foo kona fo kuna ni mafosisa nyana bakeñisa kufokola kwa batu, mi cwale sicaba ha si ka—ha si palelwa kuamuhela sika kaufela, si bulela fela kuli, ‘Hanina kulumela zeo ka nzila isili fela, konji fela kuya ka Likezo 2:4.’” —Mu.] Kihande, haiba ne ba ka litama ka Likezo 2:4 ne ba si ke ba bulela ka mushobo o sa zibahali. [“Batili, mwa mushobo.”] Uh—huh. Neba ka kubulela mwa—mwa mushobo o ne ba ka utwa batu, mwabona, kakuli “mutu kaufela na utwela mwa mushobo wa hae.”

118 Cwale, haiba Ni amuhela Moya o Kenile ona fa cwale, kuya ka . . . Ni li . . . Ni lumela kuli kuna ni muzwale alimuñwi mo ya bata Moya o Kenile, ili yena—ki—ki Muzwale Wood. Kana ki niti yeo, Muzwale Wood? Hani talusi ku ku biza mwahala sicaba, kono kaufela . . . luna lu mizwale fela mo mi lubata ku bulela se. Mi usweli kubata kolobezo ya Moya o Kenile. Cwale, haiba Muzwale Banks na ka amuhela Moya o Kenile fani, ka nzila ye lukile, haiba na U amuhezi kuya ka Bibebe, na ka yema fani, ni kubulela, na ka bulela ka Sikuwa, ni kubulela kuli, “Jesu Kreste Mwana Mulimu u zuhile,” na li bulela ka sipolofita se si sabisa ha si bulela. “Ni ziba kuli Uteni, kakuli Utile fela mwa pilu yaka. Ki yena Mwana Mulimu! Libi zaka li felile, kuna ni se si ezahalile kuna.” Mwabona? Ki fo he cwale. Ze bulela mwa . . .

“Lu utwa cwani mutu kaufela mwa mushobo wa luna?”

119 Kuli, kucwani haiba luna sicaba sa ma Indiana lubulela ka kushutana ni sicaba sa ma Kentucky, mi Muzwale Banks ki mu Kentuckian? Mi ba bulela mushobo o shutana ka nako yani, mi fa lwa ziba kuli hakoni kubulela mushobo wa si Indiana. Mi cwale a yeme fani inza bulela mwa—mwa mushobo wa si Indiana, ni kuziba kuli ha zibi cwalo. Mwabona? Mi lu mu utwe mwa mushobo wa si Indiana, u nahana kuli u uambola mushobo wa si Kentucky. Usweli fela kupaka, “Kulumbwe Mulimu! Jesu u zuhile kwa bafu. Haleluya!” kono lu mu utwa ka mushobo wa si Indiana.

120 Kona mo ne kuinezi ka Lizazi la Pentekota. Mwabona? “Lu utwa cwani mutu kaufela,” mwabona, “amubone, kana ba kaufela baba bulela sina hanili ki Magaliela,” mwabona, ma Kentuckian? “Mi kutaha cwani kuli luna ma Indiana, Ohio, ni Illinois, ni Maine, ni Massachusetts, ni ma Californian, lu mu utwa mwa mushobo wa luna mo lu pepezwi?” Mwa lemuha zeo kana? Mwabona, ki susumezo. Mwabona, ki susumezo ku bona kuli ba utwe, ki susumezo ku bona.

121 Mwabona, liñusa . . . taba yateni ki kuli, ki bupaki bwa zuho ya Jesu Kreste. Mwabona, yeo ki niti. Cwale, haiba Mulimu ha pili Bupilo bwani ku wena, hakuna taba kamba u paka cwani ka Ona, niteñi ha u na Ona. Mwabona? Yeo ki niti. Kana kukonahala cwani wena . . .

122 Kana kuna ni puzo yeñwi cwale? [Muzwale Roy Roberson uli, “Kihande, Muzwale Branham, Ni sepa ne luboni sani ha si ezahala mwa mukoloko wa tapelo, musizana wa mu Spanish yani.”—Mu.] Eeni. Ki hande luli, Muzwale Roy. Neli kwa—kwa sibaka ko Ni ya cwale, kwa Beaumont—Beaumont. Kana neli Beaumont? Eeni, sha.

123 Cwale, mukoloko wa tapelo no yemisizwe. Nekuna ni musizana nyana wa mu Spanish yana tile kwa katala. Kihande, kaniti, Ni lumela kuli Ne ni zwela fande, nji cwani? Howard na ni isa fande, mi—mi se . . . Na—Na—Na utwila mutu yana lila, neli musizana nyana wa mu Spanish kwani, oh, mwendi wa lilimo ze lishumi ni ze ketalizoho, lishumi ni ze silezi za kupepwa, kulukile . . . neli fela mwanana. Mi—mi Na talima, mi na kaba mwa kadi ya tapelo yene tatama haiba Ne ni kazwelapili. Ne ni na ni sikwata kwani, na kaba ni kadi ya tapelo yetatama. Se nili, “Mu mutise kwanu.” Kacwalo ba mu tisa. Ne ni ya kwa mukopano omuñwi, mi se Nili, “Amu mutise kwanu.”

124 Kacwalo, Na to lemuha kuli, Na mu bulelela nto yeswana sina cwana, “Cwale, kikuli u ka lumela? Haiba Jesu uka ni tusa ku ku bulelela se si fosahalile ku wena, kikuli uka lumela kuli—kuli Uka ku folisa?” Mi yena a inamela fela fafasi. Na hupula kuli mwendi ki shushu ni simumu. Mwabona?

125 Kacwalo ha Ni talima hape, Na li, “Batili, hakoni fela kubulela Sikuwa.” Kacwalo batisa mutoloki a taha kwani, mi se Nili, “Kana u ka lumela?” Mi a lumela ka toho kuli . . . Mi autwa ka kuitusisa mutoloki, eni sha. Mwabona?

126 Kihande, mi se Nili . . . Mi Na talima mi Na bona pono. Se nili, “Ni kubona inge uinzi kwa mulilo otuka ka bishingwa ni ketele yetuna inge ibila, itezi mbonyi ya munali. Wena o- . . .” Wa hupula cwalo, Muzwale Roy? Na li, “No cile hahulu mbonyi yani. Mo ha no ezize cwalo, wa kenela ki kukula hahulu mane bomaho ba kulobaza mi wakala ku nyakaula inge kanono.” Mi se Nili, “Ubile ni bona kuzwa nako yani.”

127 Mi cwale a sikuluhela ku mutoloki ni ku mu bulelela mwa mushobo wa hae, “Ne ni hupula kuli na sa koni kubulela Sikuwa . . . kamba kubulela si Spanish!”

128 Mi asikuluha ni kubulela kuli, “Ha u si ka bulela ka si Spanish, nji cwani?”

129 Se nili, “Batili.” Kacwalo lwa talima fa piho, lwa yemisa piho yene rekodiwa, neli Sikuwa luli.

130 Kono cwale mutoloki ali, “Ni bulelele sa na bulezi nako yani.” Mwabona, nana ni kuba ni toloko. Ali, “Ni bulelele sa bulezi.” Mi musizana abulela manzwi aswana hape kuyena, mi a mu fitela mwateni hape.

131 Cwale, a ni utwa mwa mushobo wa hae mwa na pepezwi, mi na Ne ni bulela ka Sikuwa. Na li utwile mwa si Spanish. “Lu utwa cwani mutu kaufela mwa lulimi lwa luna mo lu pepezwi?” Mi mwana a foliswa. Mwabona, kona cwalo, ki misebezi yende ya Mulimu.

[Muzwale wa buza, “**Kona kuli sibyana se si lwezi Moya o Kenile hasina ku . . . ikaba fela sibyana, mi Yena ya si taza ukona ku si taza ka seo kaufela Yena . . . ?**”—Mu.]

132 Kaufela Sa lakaza, yeo ki niti. Luli kiniti. Mi kipeto mutalime se si tezi mwateni, kipeto mwa ziba haiba muna ni Moya o Kenile kamba nee, cwale foo. Mwabona? Mutokomele fela se si tala mwateni. Haiba si—haiba sibyana si tezi masila, konakuli ha ki sibyana sa Mulimu. Kono haiba sitala ze kenile, kona kuli ki sibyana sa Mulimu. Mwabona se Ni talusa? [Muzwale uli, “Mi sibyana, kuna ni linako zeñwi fo sibyana ha si ka itusiswa mi kusina kuzibahala, kusina kuzibahala ka nako yateni, kuli ne li itusisizwe cwalo?”—Mu.] Oh, luli. [Muzwale ufa bupaki.] Uh-huh. Uh-huh. Yeo luli ki niti, luli. Oh, luna kaufela, lwa bona cwalo. Ni boni zeo linako zeñata. Eeni, sha. Eeni, sha. Luna kaufela . . . Lu ziba kuli lwa zibana ni lika zeo.

Ni lumela kuli yani neli nombolo yabune: **Kana kaufela—kana kaufela sicaba se sitezi Moya o Kenile si ka bulela ka malimo ona foo kamba ki kasamulaho? Ni fumana fo Paulusi naize, “Ni bulela ka malimi amañata kufita—kufita kaufela bona.”**

Cwale, se Ni nahana cwale, kuli ni feze puzo ya muzwale:

**Paulusi, na bulela ka malimi amañata kufita bona kaufela.**

133 Paulusi neli muuna ya butali, na ziba mishobo yemiñata, yena kasibili. Mwabona, nakona kubulela ka . . . na . . . Mwa hupula ha na bata kukena mwa butata, nakona kubulela mufuta wa mushobo wo kamba mufuta wa lulimo wani, kamba kaufela seo sili sona. Mi yeo ki mishobo ye sa zibahali kwa sicaba, kono yani ne si ya susumezo. Zani neli kubulela mishobo, mwa bona. Kono . . . mi . . .

134 Kono Ni lumela kuli mutu yatezi Moya yapila mwatasa aletare ya Mulimu, hakuna kukakanya, cwanoñu nyana kamba kasamulaho, lukaba ni kutwisiso ya kubulela ka malimi, kakuli yani ki iliñwi ya zenyinyani ni lika ze mwatasi hahulu zeliteni kuya ka mubuleleo wa Paulusi. Haiba mukon akuibeya ka swanelo, ki yona nto ya mafelelezo luli mwa mukoloko wa limpo, mwabona, ki kubulela ka malimi.

<sup>135</sup> Kono cwale, pili, mu kolobelizwe. . . Fa, mañi ni mañi wa mina kaufela mu limpo. Na ni cwalo kwande. Cwale, “Ka Sikwalo silisiñwi, Moya ulimuñwi,” sikwalo silisiñwi sikena mwa sibaka *se*. Kana ku cwalo? Cwale, Hani koni kutaha ka nzila *yeo*, hani koni kutaha ka nzila *ye* ni kukuta ka nzila *yani*. Mwabona? Kana Ni kena cwani mwahali *mo*? Ka Muzwale Roberson nji? Batili, sha. Ka, kihande, lubulele kuli, Muzwale Leo? Kuli na kaba mpo ya kubulela ka malimi, mwabona, kana Ni ka kena ka Leo nji? Batili, sha. Huh-uh. Kihande, Ni kena cwani mwateni? “Ka Sikwalo silisiñwi, ka Moya ulimuñwi.” Moya ha ki malimi kaufela ona. Batili. Mwabona? Mwabona, “Ka Moya ulimuñwi Ni kolobelizwe mwa Mubili woo.”

<sup>136</sup> Cwale, wo *ki* Moya, *mina* kaufela mu limpo. Mu li, “Kihande, kufuyolwe Mulimu!” Ni ka ya ni yo bulela, kuli kiyani—kiyani Muzwale Wood, ki yena limakazo. Mwabona? “Oh, Ne ni bile ni makazo ye ezizwe. Ni ziba kuli Ni na ni Moya o Kenile kakuli Ni ezize makazo.” Isiñi ka “makazo” iliñwi luna kaufela ha lu kolobelizwe mwa Mubili.

<sup>137</sup> Zamaya ku Muzwale Junie kanti, yena ki zibo, “Kihande, kihande, Nina ni zibo ya Bibe! Mushimani, Na ku bulelela, Ni ziba kuli Ni na ni Moya o Kenile bakeñisa ona zeo.” Batili, yeo niteñi ha ki nzila ya kukena ka yona.

<sup>138</sup> Ku lukile. Isiñi ka Muzwale Leo, isiñi ka Muzwale Wood, isiñi—isiñi ka Muzwale Junie. Mwabona? Batili. Kono ka sikamañi silisiñwi? [Kopano ili, “Moya!”—Mu.] Ku lukile. Ni kolobelizwe mwa Mubili woo, cwale Ni keni ku ona, cwale ukai Ndate yaka itusisa na? Mwabona? Ne li ezahalile kuli Leo nainezi bukaufi ni sikwalo; hakuna ku kakanya kuli ye kinto iliñwi ya zekona kuezahala. Kono ha ku koni kuba cwalo. Nakona kuba ya fumile hahulu mwa Moya, kufitela Ni ya ku Muzwale Wood, kufitelela ze siyezi kaufela. Hamukoni ku ni bulelela cwale kuli Hanina Moya o Kenile, kakuli Ni keni mwa Mubili wo ka kolobezo. Kono Mulimu a si ka ni tisa mo kuli ni bulele kuli, “Kihande, kufuyolwe Mulimu, ni sepa kuli Ni ka ina fafasi cwale, ‘ni ine ka bunolo, Ni ya kwa Lihalimu.’” Huh! Mwabona se Ni talusa?

<sup>139</sup> Kono Na kona kukutela kuzwa fa, kukutela kwani. Mwabona se Ni talusa? Na kona kuzwa koku fitelezi kuya kusili, kamba Ni fitele fahali, kamba kai kaufela. Kono sesiñwi si ka ezahala, sesiñwi si lukela kunga sibaka. Mi ki sikamañi seo? Ka kolobezo ya Moya i ni bonisa kuli Ni mwa Mubili, “Ka Moya ulimuñwi.” Mwa utwa zeo, muzwale, fa? Kulukile! Mwautwa kana? Ku lukile.

**112. Ki ka mulao mañi wo malimi ni bupolofita li lukela kuitusiswa mwa sebelezo. . . (Ha li lukeli kuitusiswa mwahala sebelezo kaufela! Mwabona?). . . kufa kanya ku Mulimu. . . (batili sha!). . . ni kuhulisa keleke? Ni ziba**

**kuli batu ba bulela kuli moya wa mupolofita. . . Na ziba za. . . Na—Na ziba za. . .** (p- . . . Ni sepa ki. . . Batili, mu Ni swalele, se li “Bibele,” B-i-b-e-l-e. Ni kalile ka P-e-p-l-e kamba nto yeñwi cwalo. Batili) . . . **Bi—Bibele ili, “Moya wa baplofita uipeya ku utwela mupolofita.”** (kiniti)

140 Kubulela ka malimi mwa moya ni kupolofita ki kuhulisa keleke, kono lina ni sebelezo ya zona. Mwabona? Ha ki ku bilaezwa haibile fela mupolofita wa keleke ki. . . mukopano u mwa sikuka. Mwabona? Ha ki kulyanganisa mukopano.

141 Cwale, mwabona, “mioya ya baplofita.” Luna—luna ni puzo yeñwi cwale, ha lu tuheleni yeo iye fa muzuzu fela. Mwabona, nzila yelukela hande ya zee. . . ya kubelekisa limpo ze. . . Ze ki kualaba limpo zeñata, mwa bona. Ha lu fita kuzona lu ka bulela kuli lu li alabile ku ye yapili, mutu yo kuyona ye fa. Mwabona? Ye ki nombolo ya buketalizoho:

**Kana malimi ni bupolofita li lukela kuitusiswa ka nako ya lisebelezo kuli life kanya ku Mulimu?**

142 Mwa bona, cwale, mukutazi. . . haiba mukutazi u tozizwe ki Mulimu, mi keleke itomiwa ka mulao, cwale, nzila yeswanela. . . Buñata bwa mina mwa ziba mo Ni—Ni bulelezi ku mina ka za kuli “ku li tomahanya ka mulao.” Limpo ze li lukela. . . Cwale, ki se se lu ka eza mwa tabernakele, haiba Mulena alata. Cwale, Ni talimezi, Ni bona nto yeñwi, yezwa ku Muzwale Neville ni mizwale yemiñwi ye kwanu mwa sikuka. Cwale una. . . Mi buñata bwa mizwale ye ki mizwale ba sanana.

143 Cwale, Ni—Ni mutu ya hulile ku—ku mina kaufela mwa Nzila ye. Ni bile ka lilimo ze mashumi amalalu ka silisiñwi mwa Taba ye. Neli myaha ye mashumi amalalu kwa mulaho ha Ni toma licwe lani mwani. Ni bile ni kutalimana ni lika kaufela ze lukela kutalimana ni zona, mi ki hande u zibe fela zo ambola, hape, ha utaha ku zona. Kihande ku sa ziba fela cwalo, kihande kube Mulimu mwateni ya ka li yemela hauna—hauna ni kufita ku zona.

144 Cwale, nzila ye ipitezi hahulu ya—ya kueza se cwale, mwakona kuba ni mukopano o ipitezi. Ni lumela kuli kona ze ne ba ezize mwa Makorinte Bapili 14 mwani, “Sesiñwi si patululwa ku mutu yainezi fakaufi, kipeto yomuñwi akuze fela cwale.” Ni lumela kuli neli “mukopano o ipitezi wa limpo,” zeo likona kuba hande. Haiba ba bata kuba ni mukopano o ipitezi koo batu kaufela babana ni limpo bakopana hañwi mwa sunda, bao babana ni limpo, ni kukena mwa keleke, zeo zakona kuba hande. Ha babe ni mukopano wani, hakuna mu. . . kusike kwa ba kukutaza, ki za limpo za Moya.

145 Ha ki za ba kwande ni baba sa lumeli. Ba kena mwahali, ba ina, bali. . . Alimuñwi wa yema ni kutoliya kuli, “ah-ah,” kubulela ka malimi; yomuñwi uli, “wha-ah.” “Kinto mañi yeo!”

Wa kena mi uli, “Ikai ya opela? Bakai babañwi kaufela?” Mwabona?

<sup>146</sup> Kono, cwale, ba baba bulela ka malimi, buñata bwa bona (ni kutoloka, ni zeñwi cwalo) ki limbututu mwa Evangeli. Mwabona? Musike—musike mwa ba lyanganisa, mutuhele kuli—kuli bahule kufitela mpo yani. . . Zeñwi za zona, mwakona kubona Satani mwa likela ku li boniseza. Kakuli, sicaba sa bakale, lwa—lwa—lwa bona cwalo. Mwabona, lwakona kuswala seo, mi mu ka si talima.

<sup>147</sup> Kwanu ha ki kale hahulu mukutazi yomuñwi, ya inzi ona fa cwale, ataha kuna atoni bulelela inge luinzi ni yena kwa ndu ya hae, ki muzwale yomunde luli.

<sup>148</sup> Ha ni buleli cwalo kakuli uinzi mo, kono kaufela mina mu mizwale *babande*. Kambe Ne ni si ka nahana cwalo, Ne ni ka mi bulelela kuli, “Ha luboneñi Ni nge taba ye ni ibeye hande mwahala luna, pili.” Mwabona? Yeo ki niti. Mwabona? Na mi lata kaufela, mi Ni inzi fela mo mwa moya wa ku lumeleza Bibebe, mwa bona, ku—ku tusa. Mwabona?

<sup>149</sup> Muzwale yo na ni memile kwa ndu ya hae ku. . . musali yomuñwi cwana, mi musali yani na fosise. Mi se. . . Nali kuba ni mubone musali kono Ni utwile fa tepu, yena inge a toloka malimi, ni kubulela nto yeñwi. Mwakona ku li fumana kapili ona foo.

<sup>150</sup> Zazi leliñwi, ku mukutazi yomuñwi, ni Na, ku mutu ya swana, ne luinzi fa lisina, inge luzuma tumale, ni kubulela ka zona. Mi bakutazi bababeli bao, bateni cwale, ba ziba mo ne litahezi zeo. Mwabona, fela, mutalime zeo.

<sup>151</sup> Mina bakutazi ha mu sikulula mutu ka mpo, ha mu sweli kuba sikulula, Ku mu sikulula ka Mañolo, mi kipeto wa filikana, muhupule, ne si Moya wa Mulimu, kakuli Moya wa Mulimu haukoni ku filikanywa ka Linzwi la Hae. U taha kwa Linzwi la Hae. Mwabona, yena kamita wa lata. Mulumeli wa niti wa Mulimu ubata kuhohola mayemo. Eeni, sha.

<sup>152</sup> Ni bata ku sikululwa. Ni bata Moya o Kenile kuli u ni sikulule mwa lika ze Ni eza ze fosahalile. Ha ni lati nto isili ya kuyolisa fela. Ni—Ni bata nto ya luli kamba kutokwe ni yekana, muni tuhele fela, musike—musike mwa ni lumeleza kuba ni taba isili fela. Mwabona? Kakuli Ni tabela kueza cwalo kufita kutisa maswabisa ku Kreste.

<sup>153</sup> Mi ha Ni na kuluta sika kaufela mane ha Ni na kubulela sika sifi kaufela haiba ha ki sa Mañolo. . .

<sup>154</sup> Mi haiba muzwale yomuñwi, muzwale yomuñwi wa Mukreste uka ni bona inge ni kutaza nto ye fosahalile, Ne ni ka itumela hane u ka ni bizeza kwa tuko kasamulaho wa sebelezo, ni kubulela kuli, “Muzwale Branham, Ni tabela kutaha mwa muzuzu wa hao ni ku ambola ku wena, u mwa mafosisa fa nto

yeñwi.” Mwabona? Ne—Ne ni ka itumela luli ka zeo, muzwale, kakuli Ni bata kuba ya lukile. Ni bata cwalo.

155 Cwale, kaufela luna lubata kuba hande, kona ha lu bata ku—lu bata kubulela litaba zee. Mi li lukela kutaha ka Mañolo, mwa bona, kuli Mañolo a tamahane hamoho.

156 Cwale, kubulela ka malimi ku lukela kuba... Cwale, kasamulaho nyana... Cwale, ha li ezahale zeo ona fa, fa nako nyana. Mwabona, Ni mi eleza kuli libeteñi zeo mi liezahale. Ku mina bakutazi cwale, mina balisana, muli tuhele liezahale kufitela limbututu lihula hanyinyani. Cwale, mwendi, cwanofu fa kamba kasamulaho, haiba ki sila ya lika kupuma mutu yani, u ka iponahaza. Ha lu zibi hande.

157 Cwale, kasamulaho wa se, mu si ka kalisa kale se, mube ni moya wa butali mwateni, temuho yeñwi ya mioya, mwa bona, kuli mufumane cwalo. Taba yapili, mwa ziba, mu kala kulemuha kuli kuna ni ya kala kubona kuli kuna ni nto yeñwi yesweli kufosahala, yani kona temuho. Mi, ni mbututu yani fa nako nyana. Mwabona? Mi cwale ha mubona temuho iya i fosahala, fo cwale musikulule zeo. Mi haiba taba yeo... haiba ki ya Mulimu, uka yemela sikuluho ni Linzwi. Mwabona?

158 Lubulele, ka mutala, Ni ka bulela kuli lu bulezi ka malimi, yomuñwi, luna... se ki—ki sikwata sa batu ba ba fuyozwi. Mi Leo a nanuha ni kubulela ka malimi; mi, ni muzwale fa, Willard, afa toloko. Ku lukile. Cwale, Ni bata kubulela kuli Muzwale Neville ni Muzwale Junie ni Muzwale Willard Collins ki bona bene ba fa temuho, mwabona. Cwale, kakuli Leo na bulezi... Cwale, luteni fela mo sina mwa mukopano wa balumeli, mukopano wa mpo, mi Leo abulela ni Willard afa toloko kwanu, mi ki hali, “SA BULELA MULENA KISONA! ‘Labulalu busihu ku ka taha musali mwahali mo ya ka ba ni—ni buhali. Bulelela Muzwale Branham kuli asike a mu omanyana, kakuli u lyangani. Kono u mu bulelele kuli amu muisse mwa lilulu, kakuli neli mwa lilulu mwa na foselize mi nto yeñwi ya mu ezahalela.” Mwabona? Seo si utwahala hande luli, nji cwani? Mwabona? Ku lukile.

159 Cwale, kono taba yapili, mwa ziba, mwa Mañolo a Kale, hakuna taba kamba mupolofita na bulela sikamañi kamba sa na bulela mutu ufi kaufela, ne li tatubiwa ka Urim Tummimu, pili. Mwabona, ne liya kwa Linzwi. Mi haiba maseli ani na sa monyehi, ba lituhela fela. Mwabona?

160 Mi taba yapili, cwale, ha lu li kutiseñi kwa Linzwi. Cwale, muuna *yo* ubulezi ka malimi, ku utwahalile hande. *Yo* utolokile, li utwahalile hande. Kono Linzwi liize, “Ha li atulwe ka baatuli bababeli kamba babalalu, pili.” Mu li ise mka Urim Tummimu.

161 Cwale, taba yapili, Willard Collins uli, “Ki za Mulena.” Junie uli, “Ki za Mulena—Mulena.” Bao ki bababeli kuba balalu. Ku lukile, za ñolwa fa siemba sa pampili, li bulezwi ona mwa keleke



mo. Mi cwale batu baba li bona ni kuipalela zona li si ka ezahala kale, mi kipeto liezahala, ba li, “Muzwale, yani ki Mulimu! Mwabona, yani ki Mulimu!”

162 Kono ku cwani haiba ha si ezahali, kipeto kiñi ze ezahala? Mwabona? (Cwale lu ka fita fa nto yeñwi ye Ni kona kunata kuyona cwale fa, “Kaufela zona ki bupolofita ka kutala . . . litoloko kaufela ni mañusa a kupolfita?”) Cwale, fa muzuzu fela. Cwale, kucwani haiba ha si ezahali? Konakuli *Leo* ubulezi ka moya wa buhata; *u* file toloko ya buhata; mi *u* file katulo ya buhata. Kipeto muzwile nto yeo mwahala mina. Ha mu lukeli kuba ni zeo. Zeo li fosahalile. Mu li siye fewla kihona. Yani ki diabulosi. Mwabona? [Hakuna manzwi fa tepu—Mu.] “*Ha* ni mukutazi, kono Ni—Ni mutoloki. Mwabona, Ni mutoloki, Mulena, *Ha—Ha* ni mukutazi. Ni . . .” Muzwale *Leo* uli, “Mulena, *Ha* ni mukutazi, kono Ni—Ni na ni mpo ya malimi mi diabulosi u ni filikanyize ka yona. Mulimu, zwise sika seo kuna.” *Muli*, “Mulena, *U* ni file moya wa temuho, mi Ni Ku boni ha u eza cwalo linako zeñata, ne li ezahalile cwani? Ndate, ni kenise! Ki sikamañi se si ezahalile?” Mwa bona, ki fo he cwale, konakuli muna ni zona hande.

163 Mwabona, wani ki mukopano wa ba bakenile sina kamita. Ni sepa kuli sani kona mo ne siinezi mwa Bibe, kakuli Paulusi naize, “Haiba alimuñwi wa polofita mi sika se si polofitelwa, sesiñwi siba . . . mi sesiñwi si patululwa ku yomuñwi yainzi; yo pili akuze kufitela yo abulele pili, kipeto wakona kubulela. Mi mina *kaufela* mwakona kupolofita alimuñwi ka alimuñwi.” Cwale, zeo halikoni kuba mwa mukopano wa kamita, mwa ziba cwalo, mañi ni mañi hakoni kubulela za hae.

164 Cwale, ka kukolwa hande kuli ki za Mulimu, mwabona, kakuli haiba ki bukuba fela ha ki za Mulimu. Haiba ha li ezahali, ha ki za Mulimu. Mwabona? Li na ni kuezahala. Mi—mi kabakaleo mwa likeleke za luna, mwa bona, muzwale, luna ni keleke ye tiile cwale, mwabona, ko kusina mutu ya kona kubulela kuli sika kaufela si kile sa bulelwa kamba ku ezwa . . .

165 Mutalime mo si ni beile, ha Ni yemi fani fapila sicaba. Mutalime ku sani! Kucwani he ka mafosisa alimañwi ku seo? Mwabona? Kakuli Na Mu sepa. Mwabona? Na Mu sepa. Yomuñwi uli, “*U* saba mafosisa, Muzwale Branham?” Batili, batili, uh-huh, ha ni sabi mafosisa. Na Mu lumela. Ki yena Silelezo yaka. Ni lukiselizwe kueza se kuli Ni kone kuina ona fani.

166 Haiba Mulimu uku tomezi kueza sika, konakuli ki Yena Silelezo ya hao. Mwabona, Uka ku sileleza. Haiba *U* ku lumile, Uka yemela linzwi la hao. Wena u ndumeleti ka nako yeo. *Wena* u ndumeleti yana ni mpo ya malimi; *wena u* ndumeleti ni mpo ya kutoloka; *wena u* ndumeleti yana nani mpo ya temuho; babalalu ba mina. Mwabona se Ni talusa? Konakuli muna ni sikamañi?

Muna ni keleke ye tiile. Hamukoni kusaba. Kuyema, eehe, haku shutani ni maabani. . .

167 Fa, Ne nili mwa mukopano kwanu. Mushimani nyana wa mu English ya zwa kwa England ataha kwanu, yana bata kuipulaya. Muzwale Banks ataha kwani mi ali, “Na sa bile kulo kwani mazazi amane kamba aketalizoho.” Ne nina ni zeñata za kueza, kono yena ali, “Mushimani uka ipulaya.” Ba Waterview Hotel kulo kwani ne bani bulelela ka buino bwa mushimani yani.

168 Mi Na kena mwa muzuzu ku yo mu lapelela. Na kuta mi Na li, “Cwale, Muzwale Banks, Nali kuba ni bone muuna yani kamba ni zibe sika ka yena, kono Ni ka ku bulelela se si fosahalile ni yena Ni si ka fita kale teñi.” Kana ku cwalo, Muzwale Banks? Mi ha lu yo fita kwani, Moya o Kenile wa tuluka mi wa mu bulelela ze ne tisize cwalo ni zona kaufela, ni kwa na bile ni zeama bupilo bwa hae kaufel. A bata fela kuwa, mane.

169 “Kana u saba mafosisa, Muzwale Branham, u bulelela mutunto ye cwalo?” Kucwani he kwa katala, u bulelele muuna kuli upila ka ku sa sepahala ku musalaha hae, una ni mbututu ni musali ysili? Uka ku nepela mwa tolongo. Ku hande ube hande! Mwabona? Mwabona? Musike mwa saba, haiba ki Mulimu. Kono haiba ha u sabi. . . Haiba—haiba ha u zibi kuli ki Mulimu, konakuli ikuzeze fela kufitela uziba kuli ki Mulimu. Kana ku cwalo? U bone kuli ubulela niti mi zwelapili.

170 Cwale, ye ki tuto yetata, muzwale, kono mina mu mizwale baka. Mina mu—mu—mu bakutazi babanca baba sa hula, mi Na ni mucembele, ni ka y aleliñwi la mazazi aa. Mwabona? Mi kacwalo mubone kuli ki—ki niti.

171 Kuzwa mwa muzuzu wa. . . Mwendi Ni ka swala taba ye kasamulaho nyana fa. Mushimani. . . Kihande, Ni ka bulela siemba sa yona cwale. Maabani, Muzwale Banks ni Na, ne nipatehile maswe, nibile (oh, mawi) ka tata mo Ni konela, mi Nika—Nika mi bulelela sene Ni ka eza mwa mukopano wo. Leo ni Gene ni sikwata sa luna neluna ni kuya kwateni kwani, ni mizwale, ni lwa li neluya kwa kuzuma likulube, kuzuma lingili. Nebana ni mazazi a ketalizoho a kuzuma lingili, mwa Arizona, kasamulaho wa kufela kwa mukopano, mukopano wa luna wa kwala. Lu ya kwa Phoenix ka zazi li liliñwi, mi lu lukela kulibehelela mazazi a ketalizoho lu si ka ba kale ni omuñwi, mazazi amane ba si ka ba kale ni mukopano omuñwi kai ni kai. Lu lukela kuba kwani kwa Arizona. Kihande, ikaba hande ka yona nako yeo kuli kuzuma kwa lingili ku ka kwalulwa.

172 Kacwalo Na libelela ku yo kunupa tobolo nyana yaka mwateni, kubona haiba ne i inzi fela hande. Banks nana ni kufunduka ni na. Lwa zwela fande a munyako, lwa funduka kuzwa mwa munyako. Se kutaha muuna ya na zamaya inza taha, fahalimwa sisupo sani (mwabona, ali, “Shangwe musike mwa kupa Muzwale Branham”).

173 Mwabona, libaka le ba ezeza cwalo. . . ha ki za batu baba kula. Mawi, mi kwa ndu, mubuze Banks, upila mwa munyako otatama ku na. Sicaba sa tahanga, musihali ni busihu ni lika zeñwi kaufela, ni bana ba bakula, lika kaufela. Ha lukoni kuleleka mutu ya cwalo. Kono. . .

174 Mi ba ni biza, Leo ni babañwi, kuzwa kwani kwa koloi, mi Jim ni babañwi, “Kuna ni mutu yana ni mbututu ya kula fa. Mi muuna yani uteni mo ni kansa ya hae.” Luna ni kutuhela zeñwi kaufela ni kuya ku yena.

175 Maabani busihu ne Ni bizelizwe kwa sipatela nekuna ni yana ni bizize, mi muuna wateni mane na sa ni lumelezi kukena ha se Ni fitile kwani. Mwabona, ki mutu fela yana tabezi hahulu. Kono zeo ki zende, Na ikela nihakuli cwalo. Mwabona? Kakuli ki musebezi waka wa kuya, mwabona, ni kulika kutusa mutu.

176 Kihande, zeo ha kizona zelibezi teñi lisupo zeo. Kono muuna yo, hane lu kena fela mwa mota, mi Muzwale Banks wa ziba kuli Ne nina ni ku. . . Ne ni libelezi mwa ndu yani cwalo. Nekuna ni mutu yana keni ku Muzwale Banks yana mu nanuzi. Mi ha lu fita kwani, Na pateha. Mi ha lu pamula fela tobolo yaluna kuli lu funduke ni mota, ki yo muuna ataha inza kena mwateni. Ataha ona kwani.

177 Mi Ne ni bata fela ku mubulelela kuli zwela fande u lize nombolo fande (Fa 2-1519) fa sisupo sani. [Nombolo ya luwaile i cincizwe.—Mu.] Se nili, “Lu akufile.”

Ali, “Ni sepa kuli mu akufile muñaka, shangwe.”

Se nili, “Libizo laka. . .”

178 Pili Na ya kwateni, mi ali, “Mu lumele?” Mi Na bona kuli na sa zibi kuli ne Ni li mañi.

Se nili, “Libizo laka kina Branham.”

Ki hali, “Ki wena Muzwale Branham?”

Se nili, “Ki na.”

179 Mi ki hali, “Ni—Ni. . . Ne ni bata ku ku bona, Muzwale Branham.” Ali, “Ni bona kuli ubata kufunduka.”

Se nili, “Eeni, sha, Na funduka.”

Ki hali, “Ni ziba kuli u akufile.”

Se nili, “Ni akufile cwale, sha.”

180 Mi ki hali, “Kihande, Ne ni bata fela ku ambola ni wena fa mizuzu nyana.”

181 Mi Ne ni bata fela ku mu bulelela; mi Moya o Kenile wali, “Mu nge muise mwa muzuzu, wakona ku mu tusa.” Cwale, foo, zeo za cinca lika kaufela. Litobolo za yendekiwa fela kwatuko, ni lika kaufela zeñwi, musebezi wa Mulimu ki wapili. Mwabona? Mi ki hali. . .

182 Se nili, “Taha, ha luye.” Se nili, “Ni ka kuta hanyinyani fela, Muzwale Banks.”

Ki hali, “Ki ka moyo waka, Muzwale Branham.”

Se nili, “Ku lukile, aku tahe.”

Na yo fita mwa ndu, Meda ali, “Kanti ha mu si ka funduka kale?”

183 Se nili, “Batili, batili, batili, kuna ni mutu yatile fande fa.” Se nili, “Beya banana mwa muzuzu omuñwi.” Na mu isa mwa sibaka nyana mo ni balelanga, lwaina fafasi. Lu sa ina fela . . .

184 Muuna yani nali mwa keleke keleke maabani busihu. Kamba na tile kana, Banks? Kana ne mu . . . Eehe, kihande, na lukela kutaha maabani busihu. Na li fela . . .

185 Taba yapili, Moya o Kenile wa kala ku mu bulelela yo nali yena, sa na ezize, sene si ezahalile mwa bupilo bwa hae, lika kaufela ka zona, mwabona, ona cwalo fela, ku mu bulelela lika kaufela. Banks ki paki. Na si ka atamisa mulomo wa hae ni kubulela sika kono neli fela manzwi amabeli kuna; mi ki Wani wa mu bulelela, wali, “U bile muyambaeli, wena u pila mwa Madison. Kona u sa zo zwa fela kwa Evansville, Indiana. U bile kwani mwa sikolo sa Bibe se, sa milapelo ya mioya, u lyangenile. U tile fela mwa Louisville mizuzu nyana yefelile. Nekuna ki muuna, mi muuna yo akubulelela (kuli uine ni kuca niyena), u ku bulelezi kuli utaha kwanu u to ni bona mi ‘u ka’ ku tusa kwa butata bwa hao.” Se nili, “Sani KISONA SA BULELA MULENA!”

186 Muuna yani ali kuina fela, inza koba meeto a hae, ali ku ni talimela, ali, “Eeni, sha!”

Na li, “U komokile, nji cwani?”

Ki hali, “Si ni komokisize.”

Se nili, “Kana wa lumela Moya o Kenile?”

Ki hali, “Ni bata kueza cwalo, sha.”

187 Mi se Nili, “Ubata kuli ni ku bulelele so nahana?”

188 Ki hali, “Eeni, sha.” Mi Na mu bulelela. Ki hali, “Mi, muzwale, yeo ki niti.”

Mi se Nili, “Cinca mihupulo ya hao.”

Ki hali, “Ku lukile, Ni cincize.”

Se nili, “Se kona so nahana.”

Ki hali, “Yeo ki niti! Yeo ki niti!”

189 Se nili, “Cwale, ha u tokwi pono, utokwa fela kutusiwa ka swanelo.” Mi Na mu bulelela mwani taba ye mu sa tabeli kuli ni bulele. Kambe neli ka wena, no sike wa tabela. Ki nto yeñwi ye maswe luli, kacwalo ha mukoni kutabela kuli ni ibulele kambe ya mi ama. Mi ha Ni bulelangi sa ni bonisa Mulena kusi bulela kwa sicaba. Kacwalo se Nili, “Ku lukile, u ka eza cwalo?”

Ki hali, “Ni ka cinca.”

Se nili, “Ikele mwa musipili wa hao.”

<sup>190</sup> Neluli mwani ka mizuzu ye lishumi cwalo, nji cwani, Muzwale Banks? Mwendu, mwahala mizuzu ye supile ni ye lishumi. Na zwela fande, lwa wela mwa mukwakwa, ni kuya lu shetumuka mwa mukwakwa cwalo, yena ni Na ni Banks ni mushimani waka yomunyinyani, Joe, Ni sepa kuli nelin cwalo, inge lupahami hamoho, inge lu tuluka njetumuko. Afetuha kuna, mi ali, “Muñaka, Ni bata ku kubuza puzo.”

Se nili, “Ku lukile.”

<sup>191</sup> Ki hali, “Ni lyangani nyana.” Ki hali, “Kana uzibile cwani lika zani kuna?” Mwabona? Banks na inzi fani.

<sup>192</sup> Mi se Nili, “Muñaka, kana ukile wa utwa lipono zaka ni bulumiwa bwaka?”

<sup>193</sup> Ki hali, “Ne ni sa zibi neba libizo la hao konji ka hola yefelile fa. Kuna ni ya ni bulelezi, ona kwani kwa Louisville, na ni bulelezi kuli ni tahe kwanu, mi Na ya kusila mutano.” Kana ku cwalo, Banks? Na ize, “Nali kuba ni zibe libizo la hao, neba ku ku ziba.”

<sup>194</sup> Se nili, “Mwa bulumiwa bwaka, ki mpo ya Mulimu Ya lumile.”

<sup>195</sup> Ki hali, “Mi haiba cwalo—cwalo kona mo kuinezi,” ali, “cwale Ni . . .” Ali, “Ni inzi fela . . . Ni iketile hande cwale,” ki hali, “lika kaufela li icongile.” Mwabona? A li, “Ki sikamañi seo, yani neli Mulimu ya na bulela kufitela ku wena.”

Se nili, “Kiniti.”

<sup>196</sup> Ki hali, “Cwale, Na utwisisa mwa Bibehe kuli . . . Nako yeñwi Ne ni balile mwa Bibehe mi, ali, Jesu na bulezi kwa balutiwa ba Hae,” ili za na talusa “sicaba,” mwa bona. Ali, “Na ambozi kwa balutiwa ba Hae mi A ba bulelela lika ze ne ba nahana.” Mwabona, “ku lemuha milelo ya bona” kona za na sweli kueza. Ki hali, “Mi Ali neli Ndata He ya na ambola ku Yena.”

Se nili, “Yeo ki niti.”

<sup>197</sup> Cwale ali, “Cwale, cwale, Ndate kanti uitusisize fela wena kubulela ku na, kuli uni bulelele litaba zee, kuli ni lumele zo ni bulelezi kuli ki niti.”

Se nili, “Kana neli niti?”

Ki hali, “Eeni.” Ali, “Kona kuli ilukela kuba Mulimu.”

<sup>198</sup> Mi se Nili, “Muzwale, u ziba zeñata ka zona cwale” (na ni Banks ne lu bulela) “kufita babañwi bababile mwa mukopano ka myaha ye lishumi kono inge ba sa palelwa.” Fela yena—yena muuna yani! Cwale, zeo kona mo liinezi. Mwabona?

**Mi ni Moya (ka likute) ka malimi ki bupolofita bo bu itusiswa mwa sebelezo?**

199 Batili. Li lukela kuitusiswa ka nzila *ye*, mi ni ku *bulelwa* mwa sebelezo. Kono ka nako ye, ka nako ya kacenu ye, ha ba bulele. Cwale, haibza lizwa mwa nzila, konakuli ha ki zona, muna ni kutokomela zeo. Cwale, fokuñwi ikona kuba Mulimu. Mi balikani ba banyinyani bani, inge fela mwana yalika kuzamaya, cwale, haiba awa fafasi hane kamba ha ketalizoho. . . Cwale, Ni boni se kuzwa fo Ni bezi kwanu mwa keleke mo, mi—mi, kihande, Nika—Nika tuhela fela ona cwalo. Mwabona? Mi, kono, mwa bona, kono ki sikamañi seo, kikuli ne muka bulela kuli, “Muzwale Branham, kiñi ha u si ka sikulula se?” Batili, batili.

200 Mi Billy Paul kwa mulaho kwani hana kala kuzamaya, na yemanga ni kuwa, mi na wanga hahulu kufita linako za na yemanga. Kono na sa zibi mwa ku zamaela. Kono Ni lumela kuli nana ni mpo ya ku zamaya. Mwabona? Na mu tuhela fa nko nyana. Mi cwale ha kala ku icuncula kwa munwana omutuna wa hae, Na mu bulelela ka zona cwale. Mwa bona se Ni talusa? Mwabona? Zamaya utalime fa nto yeñwi mi uiseze ngana ku sesiñwi, Na li, “Na nulanga lihutu, mushimani tuwe. U kai kana?” Mwabona? Cwale, yeo—yeo kona shutano, mwa bona.

201 Cwale, haba—haba icuncule ni kutaha cwalo fa nako nyana. Cwale, ha u na ni ku ba sikulula, kipeto u ziba kuli kanti ne si Mulimu. Kakuli Moya wa Mulimu wa utwela. Sina ha mu utwile zateni fa hanyinyani, “Moya wa bupolofita u utwela mupolofita.” Mwabona? Yeo ki niti.

[Muzwale Stricker uli, “**Muzwale Branham, Ni tabela sikuluho nyana.**”—Mu.] Ku lukile, muzwale. [**“Linako zeñata Ni bile mwa lisebelezo mi Ni utwile za kubulela ka malimi ni kutoloka, mi linako zeñata Ni utwile bumaswe ka zona. Mi ha Ni ya kwa ndu Ni ikutwa inge Ni ka li bakela nzila kaufela. Kana neli kuli Ne ni utwa kuli ne si za Mulimu, kamba kuli neli bakeñisa kuli ne li zwile mwa nzila?”**]

202 Mwendu neli cwalo, muzwale, hakulata ikona kuba iliñwi ya zona zeo. Mwabona? Nikona ku bulela kuli. . . Cwale, yo ki—yo ki William Branham, mwabona; kufitela Ni kena mwa Mañolo, kiñi, i sa li na, mwa bona. Cwale, se Ni ka bulela ki kuli, Muzwale Stricker, kuli kwakona kuba iliñwi ya zeo. Ikona kuba kuli mwendi ne si ka swanelo; ikona kuba kuli kuna ni nto ye fosahalile ni wena; ikona kuba kuli nekuna ni se si fosahalile ku mutu; kuna ni se si fosahalile ni liñusa; kamba sesiñwi ne si ka ku *utwisa* bumaswe.

203 Cwale, cwale, haluboneñi ni kutuse hanyinyani fela, Muzwale Stricker, fa. Mwabona? Kamita. . . Musike mwa atula sika ka maikuto a sona, mwa bona. Mu li atule ka milelo ya zona, mwa bona; kaufela se si beya muselo, mwa bona. Kakuli linako zeñwi. . .

204 Kakuli, lu lemuha kuli kuna ni lika ze muutwa, maikuto a sipuku ao. Na banga ni zona nina, mi, mushimani, Ni kala hande—hande ka bunolo, mwa ziba. Kono Ha nina kubulela sika. Mu li tuhele fela kakuli ha Ni zibi kuli ikona kuba sikamañi, mwa bona, kufitela Ni *ziba* kuli ki sikamañi.

205 Cwale, sina batu babañata mo ba bulelela, “Whew! Muzwale, Ni ziba kuli Ni amuhezi Moya o Kenile! Haleluya! Kulumbwe Mulimu!” Mi niteñi ne ba si ke kuba ni Moya o Kenile. Ne ba ka bulela ka malimi, ni lika zeñwi kaufela, ni kuhuwa ni kubinela mwa Moya, kono niteñi habana Moya o Kenile. Kakuli pula inelela ku baba lukile ni baba si ka luka. Ha ki ka maikuto, ki ka *miselo* ya bona.

206 Kuli kuna ni...Mwa hupula pono yaka ka zeo? Kuli mane...Maheberu 6, mwa bona, “Pula i suluhela mwa lifasi ku li selaela, ku to melisa, kono liseto ni mikona li fa kaufi ni kuhaniwa ze mafelelezo a zona ki ku cisiwa.”

207 Mu ni swalele, Ni ka lumeleza nto nyana fa, Na ziba kaufela se mu ozela ni kukatala. Kacwalo he, amulibelele, Ni ka akufa mwahala lika kapili fela kamba Hanina kufita kuzona. Se sina ni kuba...Se luli fa mayemo a—a zona kaufela, mwahala zona ki likani fela fa. Kono baka...Mwabona, ki... .

208 Kiye fa—fa simu yetzi buloto. Mi mwa simu mwani ku cezwi lungwatanga, litoze, kamba ni macwani amañwi a mwa naheñi. Kihande, linanga litile. Cwale, hanili ni lona lungwatanga ni litoze libanga ni linyolwa sina buloto? Mi ki pula ya mufuta mañi ya...pula yende ye suluhela fa buloto ni hape pula yende kona yesuluhela ni fa mikona? Kana ku cwalo? Batili, pula yeswana kona yesuluhela ku zona. Kana ki cwalo? Moya oswana o wela ku muipi kona o wela ni ku Mukreste, ka mukwa o swana. Kono ki ka “muselo wa bona”! Kana seo sa nwela hande, mizwale?

209 Ponahazo ya Moya o Kenile kona muselo wa Yona, muselo wa Moya. Kihande, ki...Kihande, cwale, mu li, “Ni mutai, Ni toze ya mukona. Ni mutai o swana fela sina mutai wa buloto.” Kono ki bupilo bwa mufuta mañi bo buli ku wena? Bupilo bobuli kuyona kona bo bu beya miutwa, nako kaufela ki kuomanelela ni kunyemisana, ni, “kupopota,” kutimana ni mashendo, ni lika kaufela. Mwabona se Ni talusa? Mahanyi, mwabona, wo ha ki muselo wa Moya. Muselo wa Moya ki kuishuwa, tibeledo, musa, mwabona, zeo kaufela. Mwabona?

210 Wakona kubulela kuli, “Kihande, Na kona kuhuwa ka butuna sina mo konela ni wena. Kufuyolwe Mulimu, Moya o Kenile wa ni wela!” Zeo zakona kuba niti mwa mikwa kaufela, kono bupilo bwa pila ha bu paki za bulela. Mwabona? Nali sicwani, nali sicwani ka kukala.

211 Cwale, lu ya fa puzo yetuna cwale, mwabona, fa *kuketiwa*, mwa bona. Kacwalo sani ki...Muna ni kuba cwalo. Mwa utwisisa sani.

212 *Neli* peu ya toze ka kukala; *nali* buloto ka kukala. Kacwalo linanga ha li taha; piula ya suluhela ku babalukile ni baba si ka luka. Kulukile, mwa utwa nji?

[Muzwale yomuñwi wabuza, **“Kucwani ka miselo ya mukutazi, kana yoo . . . yasweli ku kutaza Linzwi?”**—Mu.]

213 Kuli, mukutazi, niteñi, haiba na ka yema fani ni ku kutaza Linzwi inge Lingeloi lelituna, mwabona, a utwisise likunutu za Bibebe, mi na eziwe mulisana yomunde hahulu, ki ya yo potelanga sicaba ni lika zecwalo, niteñi wa kona ku lateha. Mwabona? Ki miselo ya hae ye bulela lika ka nako kaufela, muzwale. Mwabona? Yena, hakuna taba kamba ki yomunde cwani kamba seo ali sona, una ni kuba ni Moya o Kenile mwa bupilo bwa hae. Mwabona?

214 Cwale, kana Jesu na si ka bulela kuli, “Babañata baka taha ku Na mwa lizazi lani mi bakali, ‘Mulena, kikuli ha Ni si ka polofita (kukutaza) ka Libizo la Hao, mi Ni ezize limakazo ka Libizo la Hao?’” Na bulezi ka malimi, na ezize limakazo, kutoloka, likunutu za Mulimu, ni lika zani kaufela kwani; Na ize, “Muzwe ku Na, mina baezi ba ze maswe, Nali kuba ni mi zibe.” Mwabona se Ni talusa?

[Muzwale Taylor wabuza, **“Kucwani he ka mutu yatisa li—li liñusa le li fosahalile? Ni talusa, kuli u—u nahana kuli u lukile kono usweli ku kutaza mafosisa.”**—Mu.]

215 Kihande, Ni lumela kuli muuna yoo wa sepahala, inge muzwale yo yainzi fa ya na bata kuya ku za . . . kukutela mwa lika zani sina cwalo. Haiba muuna yo uketilwe ki Mulimu, mi nako kaufela utiswa fapila Nitit, uka—uka I lemuha. Mwabona, “Lingu za ka liziba Linzwi la Ka.” Mwa utwi— . . . Wabona se Ni talusa, Muzwale Taylor? Kana kona zo no bulela zeo? Mwabona?

216 Cwale, ka mutala, lubulele kuli Muzwale Crase—Crase—Crase, lubulele kuli nali mukutazi wa Baptist mi nekusina sa ziba ka za kolobezo ya Moya o Kenile, mane na sa zibi nahaiba iliñwi ya lika ze, limpo za Moya, mi nali yomunde, mukutazi ya sepahala wa Baptist. Mwabona? Kono taba yapili mwa ziba, Se sitaha fapila hae. Mi Ni lumela kuli mwana Mulimu kaufela ukaba . . . lusika lufi kaufela lu ka yamba zeswanela kufitela A ka munga. Mubuso haukoni kutaha konji Tato ya Mulimu ha se i ezwe. Yeo ki niti. Mi hakuna ya ka shwa, mwa bona. Cwale, mwabona, kona cwalo.

217 Mi Mubuso wa Lihalimu uswana sina mutu ya cimbeka kanyandi mwa liwate ni ku ka cimbula. Ha sa ka yambuzi, na bile ni lika kaufela. Na bulukile litapi, ni likulu liñombwe za kutela mwa mezi. A ka cimbeka hape, aswala zeñwi hape, mwendi aswala tapi iliñwi kihona. Kono Azwelapili kuyamba kufitela kaufela li cimbulwa. Mwabona se Ni talusa cwale?

218 Kono tapi yani neli tapi kwa simuluho. Ne i beilwe fela mwa tuso ya Muña yona, kihona kufelile, ya beiwa fela mwa lisa



leliñwi mo ne kuli hanfe, mo ku kenile. Kono yena na sa zwelapili kuyamba mwa lisa la limbotwe le kufitela azwisa kaufela zona mwateni. Mwabona se Ni talusa? Wa utwa se Ni talusa, Muzwale Taylor. U lukela kuziba ka za hao fahalimu fani.

Ku lukile, cwale:

**113. Kana yena yana . . . Kana yena ka nako kaufela una ni zamaiso fa Moya ka nako ni mwa ku ezeza?**

219 Eeni, sha. Eeni, sha, Moya o Kenile wa busa. Eeni, sha. Wa ku busa mi ni wena wa U zamaisa, mi Hauna ku ku ezisa lika ze shutana ni Mañolo. Uka eza . . . “Moya ha u I kuhumusi ka kusaluka.” Yeo ki niti. Kulukile.

220 “Kuzwa ku yo ya ku lata . . .” Eehe, sani—sani si mwa sibaka se. Ku lukile, cwale lu ka tulela ku yeñwi fa ni kubona fo lu inzi.

221 Cwale, Ni sepa kuli sani si tomahanyize hande lika mayemo. Cwale—cwale, ha Ni biza ze cwale, haiba kuna ni puzo . . . Kana nekuna ni puzo hape ku se? Kaufela lwa utwisisa nji? Lwa utwisisa mo lu Li lumelela cwale?

222 [Muzwale uli, “Nina ni puzo iliñwi.”—Mu.] Zwelapili cwalo. Fa taba ye fa? Kulukile. [“Eeni, ku iliñwi ye fa. Ni sweli kukañakaña, kono . . .”] Usike wa kañakaña, ye ki—ye ki . . . [“No sweli kubulela muuna yasweli ku kutaza, mi haiba ha kutazi Liñusa leo Kreste a tisize, mi hakuna taba ka ze ezahala mwa bulumiwa bwa hae. Ha taha mwa swalisano ni Niti mi wa I hana, konakuli ki sikamañi?”] U latehile. Mu ni swalele fa muzuzu fela ka . . . [“Ne nili swanisisa kwa ku lemuhiwa kale kamba ku tomiwa ku si kaba kale mutomo wa lifasi.”] Yeo ki niti. Yeo ki niti. Mwabona? [“Mi, sina mo ne kuinezi, na sa lukeli kuba cwalo?”] Ne ku si kuba cwalo kwa simuluhu, mwabona. “Ba zwile ku luna kakuli ne ba si ba luna.”

223 Ka mutala, sina cwana, ki nto yeswana mwa Maheberu 6. Mwabona? Batu ha ba toloki hande Liñolo leo hahulu, ba nahana kuli “haku konahali.” Na ize, “Ha ku konahali kuli bona babane ba boniselizwe liseli pili ni kuezwa bo muca sanda sa Moya o Kenile, bao ha ba ka wa.” Mwabona, ha ba Li utwisisangi fela. Yena uli, “Ha ku konahali kuli bona babane ba boniselizwe liseli mi ki baci ba sanda sa Moya o Kenile, ka kubona kuli bona bao habaka wa ku ba kutiseza kwa kubaka hape, mwabona ba ikokotelela ili bona Mwana Mulimu sinca ni ku Mu shwaulisa ku ba bañata; ba talima Mali a bulikani ka masila ili ona Atakisizwe ka kuba nto ‘ye masila,’ ze ezwa ka misebezi ya sishemo.”

224 Kihande, ku na, ki sinulo. Luli. Kuswana fela sina Likezo 2:38, ni Likezo . . . ni Mateu 28:19. Mu lukela fela ku Li lemuha, mwa bona.

225 Cwale mutalime, ki se fa, taba yeswana. Kihande, cwale, u ambola kwa Maheberu. Mwabona? Cwale amubale kushetumuka fafasi kukena mwa kauhanyo yeo, fapata nyana fo ibulela kuli,

“Kakuli ki nto ye sabisa kuwela mwa—mwa mazoho a Mulimu yapila.” Cwale, ki yo fa muuna yaswana fela ni mulumeli wa sihalihali yani. Fa, ki ye fa . . . Fa, taba yeswana neili fa, mutala o petehile o Ni bona mwa muhupulo waka.

<sup>226</sup> Mulimu na bizelize Isilaele kuzwa mwa Egepita. Sicaba se kaufela sa taha, mañi ni mañi wa bona a lukululwa, a silela mwabuse bwa Liwate Lelifubelu kuya mwa lihalaupa. Kana ku cwalo? Liwate Lelifubelu. . . Hane ba itukisize, ba teeleza kwa liñusa la Mushe, ba kala kuzamaya, (kubeiwa yalukile) ba fetuha, kukalela fa.

<sup>227</sup> Ba taha kwa Liwate Lelifubelu, (ki Mali), mi ba kena mwa Liwate Lelifubelu, mi kwa mulaho wa bona ba zamaisi ba batanga wa wa, ba shwa. Ne bali fela ka mazazi a malalu kuli bakene mwa naha ya sepiso ona fani. Mwabona? Kona fela ze neli teni, mwatasa limaeli ze mashumi amane, mwabona. Kona kuli ki bao fo, neli fela mazazi a amabeli ana ka ba beya mwa bunde kwani.

<sup>228</sup> Kona ze Ni lela kukutaza kwa Phoenix mwa mazazi nyana kuzwa cwale, kwa mukopano wa Baana ba Pisinisi, *Kupila fa Lilundu le*. Kono Na ba bulukile on akwani bukafu ni myaha ye mashumi amane kakuli neba. . . Uh-huh! Mwabona?

<sup>229</sup> Kacwalo ba taha ku se mi ba talima kwa mulaho, (ku keniswa), “Oh, haleluya! Kulumbwe Mulimu! Kanya ku Mulimu. Haleluya! Ki yani nto ya kale yene ni katazanga, i shwile. Makwai a kale one Ni zubanga a felile. Mutoho wa kacipembe one Ni nwanga kaufela u mwa liwate leli fubelu la Mali a Jesu Kreste. O kanya ku Mulimu! Haleluya!”

<sup>230</sup> Mañi ni mañi wa bona na tile kwanu, ba talimana ni Kanana cwale, kusila Jordani. Kihande, anga muyemeli mwa lusika ni lusika. Kana ku cwalo? Mi aba luma. Kihande, babañwi ba bona bali, “Ah, ah, ah, halukoni kuezwa cwalo. Batili, ki—ki. . . Kiñi, lu bonahala sina limbimba kwa matuko a bona!” Mwabona?

<sup>231</sup> “Cwale, ki keleke ya mufuta mañi ye Ni kona kukutaza ku yona haiba Ni lutile Moya o Kenile wani ni lika zeñwi ze cwalo? Kiñi, Ne ni kaba ni lipula za mukungulu. Sicaba sa Methodist ne si ka zwela fande, sicaba sa hesu sa Baptist, ba Presbyterian.” Ha ba zamaye bazwele fande. Nebali lipuli ka kukala! Mu bata lingu, mwabona. Mwabona? Ha u lisi lipuli. Lisa lingu! Ki tusoi mañi ya kulisa lipuli inge. . . ? . . . ku na ni lingu za kulisa? Mwabona? Mi fa—fa mu inzi fa, mwabona. Ne ni bulelanga kamita kuli Ni ka kutaza kwa misumo yemine ni ku kutaza Niti, yona Keleke. Eeni, sha, kutaha kwanu.

<sup>232</sup> Kono mwabona cwale, u ezize sikamañi? Ba yo kuta, mi Joshua ni Kalebu, mapesenti amabeli, kamba kona mufuta wa kutalimana pesenti cwalo. . . bababeli kuzwa kuba. . . bababeli mwahala baba twelufu babona, bababeli mwahala baba twelufu. Kihande, nekuna ni ba twelufu ba bona, yeo kikuli ki bababeli

ku ba twelufu, bababeli mwahala ba twelufu ba bona ne ba lumela Cwalo. Ba ya mwa naha ya sepiso, bali, “Mushimani, se ki sibaka sesinde sa kuba ku sona.” Joshua wa kale ni Kalebu, mushimani, neba sepa Linzwi; Mulimu aba fa zona, ali “zeo ki za mina.” Ba yo sila, ba yo koyola sishañata tuna sa magilepu, mi ki bao bataha inge ba si hoholola sina *cwana*. “Amutahe kifo, balikani! Se ki sibaka sesinde! Amu lume kwateni,” mwabona, magilepu amatuna inge *cwana*.

<sup>233</sup> Mi, oh, muuna, ba ba bona, bali, “Ah, mane haluna ku kwanisa.” Ha ba kuta, se bali, “Batili, muzwale, Mushe yo sa lu tizize kale kwanu mwa lihalaupa,” ona Moya o Kenile wo, mwa bona, ona wa na yemela, “so u tizize kale kwande kwanu mwa lihalaupa. Mi ki luna ba fa, bulumiwa bwa luna bu sinyehile, mi halukoni kueza nto ye cwalo.”

<sup>234</sup> “Mukutele kwa mulaho,” mwabona, “bona bene ba boniselizwe liseli pili, ba beiwa baba lukile ka tumelo, bakeniswa.” Mwabona, ba taha mwa sibaka sa bubeli se ku to talima mane mwa naha ya sepiso. “Luna babane lu boniselizwe liseli pili mi lu. . . tatubile kwa limpo za Lihalimu.” Mwabona, “kutatuba” kwa Teni. Ba li kutisa. “Lu bona kuli Li lukile. Kaniti lwa Li boni.” “Kutatuba kwa limpo za Lihalimu, kuezwa bo muca sanda sa Sika se, mwa bona, ona Moya o Kenile wo, kutatuba siemba sa Ona.”

<sup>235</sup> “Zeo ki zende, mushimani, talima muuna yani—muuna yani. Kiñi, Ni ziba kuli nali sibofu, cwale wa bona. Mutalime mucembele yani. . . Mushimani, ki sikamañi sene si ezahalile ku mulikani yani? Kimañi yakile a nahana kuli mushimani yani yasika ituta. . . kwabuse kwani u yemi ni Mulilo mwa lifasi.” Mwa bona? Mwabona? Mwabona?

<sup>236</sup> Mi ni kuwa, mwabona, mi una ni. . .ku ba ncaafaza, ku kutela kwa kubaka, kukutela kwa ku kutaza kufita ku za Na bulezi pili, lubeye kwatuko. . .ha lu. . .Mwa ziba, ka za kutoma mutomo wa misebezi ye shwile kwa kubaka, ni zeñwi cwalo. Luka eza cwalo, Mulimu ha lata, mwa bona. Mwabona, luka eza cwalo. Lu ka kuta mi lutome mutomo wo hape, kono ki kukuta kwa kubaka kwa bona, kubaka ku zona ka kuba kwani. “Mu Ni swalele ka kuba kwani,” ni kotalima Mali a bulikani ao na kenisizwe ka ona inge kuli Neli nto “ye masila,” mi aeza ze nyaziseza misebezi ya sishemo. U ile, muzwale! Ku felile. U felize. Mwabona?

<sup>237</sup> Kihande, cwale, mwabona, ha ku konahali kuli mwana ya ketilwe aeze cwalo. Haana kueza cwalo. “Lingu za ka liziba Linzwi la Ka.” Haiba li bizwa mwa Kanana kamba kaufela ko li fumaneha, za ya. Mwabona? “Lingu za ka liziba Linzwi la Ka.”

[Muzwale yomuñwi ubuza kuli, “**Mi ba tokwa kulumela mwa Likezo 2:38, nibona, nji cwani?**”—Mu.]

<sup>238</sup> Zeo likona kunga zeo, kalulo kaufela ya Mañolo, ku Linga kaufela zona. Yeo luli ki niti, muzwale.

**114. Kana kuna ni bababeli, kana—kana kuna ni mifuta yemibeli yeshutana ya malimi a Bibebe? Kana kuna ni shutano mwa malimi a bulelwa mwa tapelo ya kwa mukunda, mi ni a mwa keleke mo ku lukela kutolokiwa? Ka Lizazi la Pentekota malimi na utwahalile ki batu ba linaha ze shutana; kono mwa Makorinte Bapili 14:2, malimi asili na bulelwa ku Mulimu, isiñi ku mutu. Makorinte Bapili 13:1 ibonisa mutu ya cwalo . . . (M-a-k-o-r, Ni sepa kuli ki Makorinte 13, ki sikamañi . . .) . . . ku mutu ya cwalo ni amañwi a mangeloi.**

<sup>239</sup> Oh, eeni. Mwabona? Kihande, ki . . . Cwale, muzwale, yo kaufela uli yena, u—u i akalabile kale faa. Mwabona? Mwabona:

**Kana kuna ni malimi amabeli a shutana?** (Kuna ni malimi amañata a shutana. Mwabona?) **Kana kuna ni malimi amabeli ashutana mwa Bibebe, malimi amabeli a shutana?**

<sup>240</sup> Ka Lizazi la Pentekota naha kaufela mwatasa Lihalimu neili kwani ka malimi. Mwabona? Ku lukile.

**Mi kana kuna ni shutano mwahala malimi abulelwa mwa tapelo ya kwa mukunda ni a mwa likeleke mo ku tokwahala tololo?** Eeni.

<sup>241</sup> Paulusi na bulezi fa hape mwa Makorinte mo ne mu sweli kubuza fa, mi ki hali, “Kuna ni malimi a mangeloi mi kuna ni malimi a batu.” Cwale, malimi a mangeloi ki foo mutu hasweli ku itapelela—kuitapelela anosi yena ni Mulimu, anosi. Kono ha bulela mwa—mwa mushobo, u lukela kutolokiwa mwa keleke, kuli keleke itusehe kwa kuhulwa kwayona. “Ya bulela ka lulimi lo lu sa utwahali u ikulisa iliyena; kono ya bulela . . . ya polofita u hulisa keleke.” Kacwalo ki hali, “Ni ka tabela kubulela manzwi a ketalizoho ka kutwisiso kufita kubulela manzwi a teni sauzande mwa lulimi lo lu sa utwahali, konji, haiba kuna ni mutoloki.” Kipeto uka—uka bulelwa ka bupolofita ili kuyahisa. Mwabona se Ni talusa?

<sup>242</sup> Cwale, ki . . . Cwale, kuna ni malimi amabeli a shutana, batu ni mangeloi. Mwabona? Mi Paulusi naize, “Ni ha Ni ka bulela ka malimi a batu ni a mangeloi,” mwabona, sibeli sa batu ni mangeloi, bubeli bwa malimi ao, yena ya sa koni . . .

<sup>243</sup> Cwale, fo kona sicaba sa Bapentekota, bupaki bwa malimi a batu bali, kuni bulelela kuli, ki hali, “Cwale, Muzwale Branham, u lyangani kaufela mina.”

<sup>244</sup> Ali, Se nili, “Kihande, haiba u ka linga kuya ka Likezo 2:4, kona kuli mañi ni mañi na mi utwa mu bulela ka lulimi mo ba pepilwe.”

“Oh!” ki hali. Mane “Batili! Batili!” a bulela.

Se nili, “Luli. Eeni, sha.”

245 Ali, “Cwale, Muzwale Branham, mu lyangani kaufela mina.” Ali, “U bulela ka za . . .” Ali, “Kuna ni malimi a ‘mangeloi.’ Lani kona lingeloi la Moya o Kenile le li taha fafasi ku to bulela ka wena.”

246 Cwale, si utwahala hande, mwabona, si utwahala inge ikona kuba niti yetezi, kono kaufela ha ki Niti. Fani Satani hana bulelezi Eva kuli, “kaniti hamuna kushwa,” yani neli . . . na mu bulelezi niti ka kutala, kono yani ne si Niti. Mwabona?

247 Cwale, ali, “‘Batu ni mangeloi,’ mi lingeloi la na bulela za lona neli . . .”

248 Cwale, ha lu talimeñi mo li sa jaiveli ka Mañolo. Mwabona? Cwale, halina “tamahano,” Ni taluse kubulela. Muni swalele, Ne ni sa talusi kubulela kuli “kujaiva” ni Mañolo. Ni talusa kuli “kutwano” ka Mañolo, kamba “kulatelela, kutwano” ni Mañolo kona linzwi le liswanela hande.

249 “Cwale, mutu ya bulela ka malimi a mangeloi,” u li, “ao kona malimi a Moya o Kenile kuli” ki hali, “cwale, ha mu, luna, ne ba amuhezi Moya o Kenile.”

Se nili, “Kana . . . Ki lili, ki kai ko mu I amuhelezi?”

250 Kihande, na bi bulelezi hande sibaka sani, muzuzu ni hola. Ha ni kakanyi kono kona sa na ezize. Mwabona? Hanina nihaiba . . . Ha ni muatuli wa hae. Mwabona? Ki hali, “Fani kona fone Ni li bulelezi.” Na ziba handende sibaka sateni. Ali, “Sesiñwi sa ezahala kuna.”

251 Se nili, “Na lumela cwalo. Mwabona? Kono niteñi ne si bupaki bwa Moya o Kenile ku wena, mwana.”

“Oh, eeni!” Ali, “Sani, sani neli sona!”

Mi, “Batili.”

Ki hali, “Cwale, talima, Ni bata ku ku bulelela nto yeñwi, muzwale.”

252 A li, “Kana batu mwa sicaba sa henu, keleke yani kwani kwa Indianapolis ko no bulezi kuli no U amuhezi, kana batu bani ne ba utwile ha u bulela ka Sikuwa ku ba bulelela ka za zuho ni mata a Mulimu ni lika kaufela?”

Ki hali, “Kiñi, batili! Ni bulezi mwa—mwa malimi asili.”

253 Se nili, “Ha u si ka italima ka Likezo 2:4, kakuli kaufela . . . nekusina neba linzwi lelikana le li sa zibwi. ‘Lu utwa mutu kaufela mwa mushobo wa luna.’”

254 “Oh,” ki hali, “Muzwale Branham, Na bona fo u lyanganehela.” Ki hali, “Mwa bona,” ki hali, “kuna ni malimi ao ki malimi a mangeloi, ha u amuhela Moya o Kenile,” ali, “kipeto ha ubulela ka malimi mi kusina ya toloka zeo, wo—wo ki Moya o Kenile o bulela. Mwabona? Kono cwale ha u na ni mpo ya malimi, mi ao a lukela kutolokwa.”

255 Na li, “Kona kuli fo ubeile kocikala kwapila pelesa. Ka Lizazi la Pentekota ne ba beile kocikala kwapila pelesa. Ba si ka amuhela kale Moya o Kenile, malimi asili, ne ba bulela ka malimi ana utwahala.” Mwabona? Kacwalo luli ki . . .

256 Kuna ni malimi amabeli a shutana. Malimi a mangeloi, yani ki yena mutu mwa tapelo ya kwa mukunda kokuñwi ya bulela ku Mulimu, ya ambola ku Mulimu ka malimi a mangelpi. Na kona fela ku mi bulelela taba yateni cwale, kono Hanina nako. Mwa hupula musali ha na tile mwa muyaho kwani, ko ku zwelela Dokota Alexander Dowi, kwa Zion. Mwa ni hupula? Mi Billy ataha mwa mulaho waka kuli ani ise kwa mukopano kwani, mi se Nili, “Billy, aku kute.” Mi Na . . .

Ki hali, “U lila sikamañi? Kuna ni mutu kwanu?”

257 Se nili, “Batili, sha. Ku ta, ubulelele Muzwale Baxter kuli akutaze busihu boo.”

258 Mi Na kubama fafasi mi Na li, “Mulena, ki butata mañi bobuli nina?”

259 Mi hañihañi fela Na utwa Mutu fa munyako, inza bulela mwa mishobo isili. Na hupula . . . Neli mu German. Na hupula kuli, “Kihande, mutangana yani utile ku to mu nga ka . . .” Na kuza, mwa ziba, kulapela, Na mu teezeza inza yemi fani sina cwana. Mi Na hupula kuli, “Kihande, kana mucaha yani ukona ku utwisisa cwani zeo?” Kakuli Ne ni muziba mutu yanali muña motela yani, mwendi ka limaili ze ketalizoho kuzwa mwa munzi, mwa ziba. Ne ni zwezi kwateni (batu babañata nebaliteni), ki tolopo yenyinyani. Se nili, “Kihande, zeo ki zenca. Uh.” Mi se Nili, “Kuna . . . Kihande, mushimani, kana u kile wa utwa fateni . . . sikamañi . . . Mutangana yani mane upalelwa kubuyela, ni hanyinyani.” Mwabona, Ne ni sweli kunahana cwalo, katata mwa na bulelela! Kihande, se Nili, “Kihande, kuli, kiñi, ha neli na!” Kacwalo Na kuza fela tuu, mwabona ne ni si ka bulela sika . . . na kuza fela tuu. Kasumulaho nyana A feza kubulela, mi, ha Ne ku li cwalo, sa utwahala inge Ni ka mata mwa sikwatasa sa masole ni kutula limota.

260 Mi Na zwela fande mi Billy na zwela fande mi Na mu huweleza, “Libelela fa muzuzu!”

261 A yo nasweli kca mezi a mukele. Mi ki hali, “Tate, ki butata mañi?”

262 Se nili, “Libelela fa muzuzu fela, fa muzuzu fela, Ni ka zamaya ni wena.”

263 Na kala kutapa kwa sifate kapili. Ki hali, “Ki butata mañi?” Wa ziba hande kufita kuambola ni na, kuya kwa mukopano. Ki hali, “Ki butata mañi?”

264 Se nili, “Hakuna, hakuna, hakuna, hakuna ni hanyinyani. Zwelapili fela uye kwa mukopano.”

265 Lwa ya kwa mukopano, Muzwale Baxter nainzi fani inge a liza pina yeli, “*Hakuna se sili mwahala moyo waka ni Mupulusi.*” Ki ha kena, mi ali, “Whew! Ne ni hupula kuli no sa tahi!”

Se nili, “Sh.” Na zwelapili mi na kala fela ku kutaza.

266 Ha Ni yo feza, neli nako yene Ni feza kukutaza, kihande, mushimani, yomuñwi na bata kukupa fa muyaho, kwa mulaho wa muyaho tuna wani. Kubeya muhala wa maiki ye ekelizwe kwani, mi nekuna ni musali kwa mulaho kwani yana zamaya mwahala lipula kwa ni kwa, inza huwa katata mwa na konela kaufela.

267 Na to lemuha kuli, na kula TB, mi na zwa kwa Twin Cities, Saint Paul, mbulasi ne i si ka mutisa kakuli ne ba saba kuli maswafu a hae na ka panca. Dokota ali, “Sika kaufela, maswafu a hae na swana inge siemba sa inonsi,” ali, “hane ba ka muloba na ka shwa. Ao na kaba mafelelezo.” Mi bahalalehi babañwi ba nga mota ya kale ya '38 Chevrolet, mi ba nanula sipula sa kwa mulaho ni ku si lukisa, ba muinisa fateni mi ba wela nzila. Mi ba ngungula fa lisinde nyana kamba nto yeñwi kwani, mi akala kulota mali, mi akala fela kuhasaka mali inza suluha fela, mi musali . . . na sweli kungonga mwa ngo ni zeñwi cwalo. A fokola ni kufokola, mi mafelelezo . . . Na sa lati kushwela mwa mota, a ba bulelela kuli ba yemise mota kuli ba mu lobaze fa bucwani.

268 Ba mu nanula kumutisa fande. Mi ba yema bukaufi ni yena, inge a lapela, mi hañihañi fela musali ali sesiñwi sa mu nata mi a nanuha. Mi ona fani a nanuha, inza huwa mwa mukwakwa wani, ka tata mwa na konela kaufela. Ki yo nali kwa kekeke, inza sweli fela kuzamaya kwa ni kwa mwa lipula.

269 Se nili, “Kezeli, neli nako mañi yani?” Ka nako yeswana fela Moya o Kenile ha no sweli kubulela ku na. Neli sikamañi sani? Limpo.

270 Ki—ki sifi sinyonde sani se si inzi fa munyako fani ku to lapelelwa? Fofolofo yesina ngana, mane hasina neba moyo, ha si zibi bunde kwa bumaswe; mwabona, hasina moyo, (sina ni moya), hasina moyo ku sona.

271 Neli sikamañi sani? Moya o Kenile no nzo lapela. Mulimu na lumile mpo kwa lifasi, mi Moya o Kenile no sa koni kulibelela ni hanyinyani kacwalo Ataha fela a ni nga akala kubulela Yena kasibili ona cwalo, kwani Yena kasibili, inza lapela Yena kasibili. Mi ha lu yo talima fa nako, ka ona muzuzu oswana wana bile . . . ba mu lobaza fa bucwani sina cwalo, ne ba bata kubona . . . Kakuli ne ba ziba kuli naa shwa, ne ba ka bulelela nako ya na shwa. Ne li ona muzuzu oswana wani foo Moya o Kenile wa ni tahela mi teñi kwani nakala ku mu lapelela, kubulela, manzwi, o ba sa koni ku utwisisa, mwabona, ona cwalo, kubulela. Wani kona Moya o Kenile o bulela.

272 Ne ni sa lukeli kuziba cwalo. Mwabona, Ne ni sa zibi. Yani neli yena . . . mwendi neli lingeloi la hae. Lu ka fita ku zeo mwa

mizuzu yelikani fela, mwabona, zani za taha okwani ni kufa liñusa lani, mwa bona.

<sup>273</sup> Cwale—cwale, yeo—yeo ki niti. Kuna ni malimi amabeli a shutana, alimuñwi wa bona una ni kuba. . .

<sup>274</sup> Kana kuna ni puzo? Ku lukile, kulika kuziba sa bulela Mulimu, mwa bona. Cwale, Ni—Ni bulele kuli, Muzwale Stricker, ku sani, kuya ka sani, musike mwa lika kunahana ka sona, mwabona. Mutuhele fela Moya u bulele za Ona. Musike mwa lika ku li utwisisa, mwabona, kakuli muipe fela ili mina hahulu ku za Moya. Mwabona? Kakuli mulika ku—ku—ku bulela kuli, “Yela, ubulele sikamañi?” Mwabona? “Yela, u ambola ni na? Huh?” Mwa bona, ki. . . mwabona, usweli kulika.

**115. Cwale. Kana ku lukile kuli mutu abulele ka malimi ha ni lapelela babañwi fa katala [Hakuna manzwi fa tepu—Mu.] kusina toloko? [Hakuna manzwi fa tepu.]**

<sup>275</sup> Mutuhele ni bone se Ni ñozi fateni, Ni na ni kutalima. Haiba hakuna mutoloki, bao ha ba kuze. Mwa Makorinte Bapili, kauhanyo ya 1. . . kauhanyo ya 14 ni timana ya 28. Ki mañi yana ni Bibehe? [Muzwale ubala Makorinte Bapili 14:28—Mu.]

[. . . haiba hakuna mutoloki, yo aine akuzize mwa keleke; . . .]

<sup>276</sup> Ku lukile. Cwale, haiba hakuna mutoloki, nako kaufela mwa keleke, kai ni kai mwa keleke, muine mukuzize haiba hakuna mutoloki.

<sup>277</sup> Kwa katala, nto inosi fela yeo mutu. . . Linako zeñata mu utwa batu baya kwa katala. Ne ni utwile muzwale yomunde ha ki kale hahulu yanatile kwa katala, a yo nyunga mutu yomuñwi fa mukokoto, mi yena cwale ashatukela mwa malimi, abulele inge kuli na mubonisa mwa kubulelela sa kueza. Mwabona, zeo ki za kupanga Moya o Kenile (kulika) kwa sicaba. Musike mwa eza cwalo. Mwabona? Taba ya kueza ki kutuhela fela mutu yani kihona. Ha ba nanule mazoho a bona kufitela Moya o Kenile utaha kubona, mwa bona. Mwabona? Kaewalo ki—ki—ki mafosisa. Batili, ba lukela kukuza mwa keleke, mwa bona.

<sup>278</sup> [Muzwale yomuñwi ubuza, “Muzwale Branham?”—Mu.] Eeni, muzwale. [“Lubulele kuli mutu nali mwa sebelezo mi—mi fa kufela kwa sebelezo, hañata foo liñusa ha litaha kwa maungulo, mutu yana ni mpo, uka lemuha, kamba wakona kuziba shutano mwahala—mwahala lingeloi. . . lulimi lwa lingeloi kamba liñusa le li taha ka lona?”]

<sup>279</sup> Cwale, ha lu boneñi. Cwale. . . [Hakuna manzwi fa tepu—Mu.] . . . haibile fela ba taha mwahali ni kuñola taba yeo hande, baibeya fa sipula sa ka. Mwabona? Mi Na i bala kwa sicaba sina cwana. Kono hane Ni kena mwa muzuzu wani mwani, muzwale, ani neli mafelelezo a zona. Mwabona?



280 Mi ha si ka taha kale mo, ukona kuyema fela kwa mulaho kwani mi mutu kaufela akuzize ali tuu. Mi kezeli ukona kub afani, Kezeli Irene, fani fa—fa aletare, inza liza fani, kuli *Fa Sifapano*. Halukoni ku . . . Balibeleli inge ba zamaya zamaya fela kwa ni kwa. Ha ba bona mutu ya bulela, ba ka mu bulelela kuli, “Sh, sh, sh.” Mwabona? Mi haiba banana bana . . . Bakona kuina fafasi ni kubulela kuli, “Ndu ya Mulena, mulatiwa. Ha u lukeli. U lukela ku ikuteka cwale mwa ndu ya Mulena.”

281 Mi muuna ni musala hae, ni bona kaufela, ba ka ba lumeleza kupaheka makoti abona sina cwalo. Kuna ni ya liteni fa munyako ya ka ba bona munyako u sa kwaluha feela. Ba . . . mi lika kaufela li ka lukiswa kuli lizeahale, mwa ziba, kubeya keleke hande. Mañi ni mañi u ka fiwa sipula ni kubona haiba u inzi.

282 Mi Ne nili mwa muzuzu, i nge ni lapela, ne nibile mwani mwendi kuzwa ka tuu kamba sili kiloko musihali wani. Hakuna ya na ni kataza. Na ya mwateni ni liñusa la ka.

283 Mi cwale ka nako fela ya kukalisa, muopelisi wa lipina akalisa pina, “Halu apuleñi mwa pina ya *kuli-ni-kuli*,” sina kuli, *Fa Sifapahano fana shwezi Mupulusi waka*, sina cwalo, mwa ziba, ni kuzwelapili ona cwalo. Mi cwale ha se muopezi mwendi lipina zepeli zeipitezi . . . Haluna kubeya nako yeñata hahulu mwa kuopela; ki Linzwi. Haiba bana ni pina ye opelwa ki kopano hamoho, kona ze ba belanga ni lipina za mwa lifela ze. Luna—luna . . . Linzwi kona nto ya butokwa luli ye batelanga sicaba, ki ndu ya sikululo.

284 Mi cwale mwendi mulikani, sina Muzwale George, Muzwale George DeArk, uka yema ni kufa tapelo. Mi kipeto lwa ba nipina yeipitezi, inge solo ya mutu anosi kamba nto yecwalo. Mi kipeto iba nako, foo mutu ulukela ku ni zibisa kuli ni tahe cwale. Haiba ki yona, ku lukile, Ne ni ka zwa kutaha mwa bunca mwatasi tozo. Mwabona?

285 Kihande, mwendi sunda yeo neba bile ni mukopano kokuñwi kwanu mwa keleke, ibile mukopano wa bona. Mwendi sebelezo isika kwaluha kale busihu bwani, nebana ni mukopano. Mi ki se fa . . . Ni na ni sona fa, ni kubulela kuli, “Ku ñozwi fa pampili fa kuli ku ka taha liñungwa lelituna ona mwa naha mo sunda yetaha,” kamba nto yeñwi, sika, mwa ziba, nto yeñwi ye cwalo ikanga sibaka. “I ñozwi, kubulelwa ka malimi, ni kutolokiwa ka balumeli bababeli ba keleke mo, Muzwale wa *Kuli-ni-kuli* ni Muzwale wa *Kuli-ni-kuli*. Lipaki zepeli zateni lifile bupaki bwateni fa, ba ñozi mabizo abona fateni, ni kuli li bulezwi kuli ‘ki za Mulimu,’ ki za *kuli-ni-kuli* ni za *kuli-ni-kuli*.” Sani kona siemba saka sa pili.

286 Mi Ni li, “Ku lukile, lu ka itukiseza taba ye, mañi ni mañi mube mwa tapelo. Mwabona? Cwale kana kuna ni kupo yeipitezi, mañi ni mañi?” Mwa ziba. “Ha lu lapeleñi.” Lwa yema ni

kulapela. Kulibana hande ni Linzwi, ku zamaelela hande ni Linzwi.

287 Mi kapili fela sebelezo ifela, pizo ya kwapili ya bizwa. Mwabona? Pizo ya kwa katala kona yelu iseza hahulu ngana, yona pizo yakwa katala, kuisa sicaba kwa katala. Mi cwale kasumulaho wa pizo ya aletare yani, mwendi Ni ka lapelela bakuli, mwabona, kamba nto yeñwi ye cwalo.

288 Sebelezo ne i ngile kaufela kakuli moya wa bapolofita uipeya ku utwela mupolofita.

289 Kona zene Ni nahana za . . . Mwa hupula busihu ha Ni bona pono fani lingeloi ha li taha lizamaya ku na? Ne ni inzi mwa muzuzu wani, inge ni nahana. Kaza, oh, mwa nako ya busihu, kuli, “Moya wa bapolofita ki . . . ’ Zeo likona kuba cwani?” Na talima fa Liseli le li monyeha lani, mi fa kiyo Ataha inza zamaya kukena mwani mo ne Ni inzi. Mwabona? Fani kona fa Na ni lumezi ona fani, mwabona, mwa mikopano ye.

290 Cwale, batili, ki—ki mutu ya fa liñusa. Kuli, ki puzo mañi ya mina, Na lumela, “Ki mutu ya fa liñusa, kikuli uka . . . ki—ki mutu ya fa liñusa, kikuli na ka ziba kuli ki lingeloi la Mulena kamba nee?”

291 [Muzwale uli, “Cwale, puzo kikuli, ubulela kuli kuna ni malimi a mangeloi . . .” Hakuna manzwi fa tepu—Mu.] Hani sepi kuli wa kona. Cwale, kona mo lu li fumanezi cwale. Kono, mwabona, ha luba ka nzila yelulukela kuba ka yona, ko ba lukela kuba ni mukopano wa kamita, halu . . .

292 Mwabona, yeñwi ni yeñwi ya zona ki bulumiwa. Kuli, *wena* u bulela ka malimi, *yo* wa toloka, mi *yo* wa bulela ka malimi, *yo* wa polofita; mina mu puteho fela, ki keleke, kono niteñi mu na ni bulumiwa mi muna ni sesiñwi. Mulika kutusa Mubuso wa Mulimu, kueza sika ka sona, mwabona, mi kacwalo mina mizwale mu kopane hamoho. Leo kona libaka balisana, sina cwana, lu kopana hamoho, luna ni nto yeñwi ye swana. Mina mizwale mukopanange hamoho, mubale Mañolo, ni kubulela ka malimi ni kutoloka, ni kufa mañusa, mwa bona.

293 Kono, cwale, haiba muuna yo, konakuli, haiba wa lemuha . . . Ubile kwa mukopano, una ni mpo ya malimi. Kihande, utaha kwa mukopano, u bulela ka malimi kono hakuna toloko ye fiwa, mutoloki ha li utwisisi.

[Muzwale ubuza uli, “Cwale kikuli ubulela kuli sicaba sani sa hulisa Mubili, kono liofisi zecwale ka balisana, baluti, ni zeo, ona Mubili opetehile hande?”—Mu.]

294 Eni, kona ze li lomezwi zeo, ki kupetahala. Mwabona? Zeo lifilwe bakeñisa kupetahala, mwa bona. Na lumela, kuli—kuli—kuli Mioya ifezwi ku petahala, ki ku petahala kwa keleke.

295 Cwale, bona, bona batu baba bulelanga, batezi Moya, hakuna ku kakanya. Cwale, ki yo fa muuna, mwendi ubulela

mwa mukopano mo, mi u fa . . . Cwale, u yemi fapila batoloki, mwabona, mi ibo hakuna ya fa toloko, kuna ni fela se si fosahalile. Mutoloki hakoni kueza sika ka zona, mwabona. Una—una ni kutoloka ka susumezo ka kuswana sina ya bulela cwalo. Mi hakulata una ni mpo ya luli ya kubulela ka malimi, kono haana mpo ya malimi, mushobo. Mwabona, una . . .

<sup>296</sup> Mi cwale taba yakuli aeze ki kuli, ha itusisa lulimo loo, kipeto ubona . . . Cwale, sa sweli ku—ku ha liki . . . Haiba ulika kuikankabeka fela cwalo hape, u fumbukisa fela hembe ya hae. Yena haezi . . . Wa—wa fosa ka kukala, mwa bona, hana kuya fahule yacwalo. Mwabona, mu nahana kuli, “Kihande, kufuyolwe Mulimu, mutangana yani fela ha lati kutoloka malimi aka. Kona fela zeliteni ku zona.” Cwale, mwabona, u fosize ka kukala. Ona foo una ni—una ni mulelo o fosahalile, ki muhupulo o fosahalile. Mwabona?

<sup>297</sup> Kono haiba ki yomunde mi ya ishuwile, uli, “Kihande, mwendi Mulena na sa lati kuitusisa na mwa sebelezo ya Hae. Kono niteñi Ni . . . U fuyolanga fela moyo waka. U bata ku ni zibisa, ka kuziba kuli Ni fa kaufi ni Yena ha Ni bulela ka malimi. Kacwalo Ni ka zamaya fela mwa litema la litolwana, ‘O Mulimu!’ Mi nata akala ku ni wela fahalimu mi Ni kala kubulela ka malimi. Ni taha inge ni katuluhile, mwa bona.” “Oh, Mwa bona, Usweli kuambola ku na, Mulena, U ni beya fela mwa mukoloko ka kubulela ka malimi.” Mwabona? “Mi, Mulena, kacenu Ne ni lukela kubulela ku muuna yani. Ni swalele, Mulena. Ni—Ni—Ni fitelezi sika se Ni sa lukeli kufitelela. Ndate, nakupa shangwe ni swalele.” Mi, kapili, kiyoo, ukala kubulela ka malimi. “Ah, whew, wa ikutwa hande ka zona cwale!”

<sup>298</sup> Mwa bona, zeo li lukile. Mwabona, mpo—mpo ya hao ha i lukeli kuitusiswa mwa keleke, kono ilukela ku mi hulisa. “Ya bulela ka lulimo lusili (lolusa zibwi) mushobo usili wa i kulisa.” Mwabona? Cwale, haiba hakuna mutoloki, konakuli . . . Mwabona se Ni talusa? Mwabona, kona cwalo. Kacwalo na sike a ziba iliyena. Yena fela . . . Kono uka ziba ha sa li bukaufi.

Cwale, cwale mulukela fela ku li zamaisanga hamoho, mwa bona, yeo kona nto fela yemulukela kueza kufitela mu li kauhanya. Kona ha Ni nahana cwalo . . .

### **116. Tatulula Makorinte Bapili 14:5.**

<sup>299</sup> Ki mañi ya i fumani kapili? Iliñwi ya yona? [Hakuna manzwi fa tepu. Muzwale ubala Makorinte Bapili 14:5—Mu.]

[. . . *kaufela ba bulele ka alimi, kono nitabela kuli mu polofite: kakuli yomutuna ki ya polofita kufita ya bulela ka malimi, konji haiba akona ku atoloka, kuli keleke i amuhele kuhuliswa.*]

<sup>300</sup> Ku lukile. “Ni tabela kuli . . . Ni tabela kuli mina kaufela mu bulele ka malimi.” Paulusi na lika kubulela kuli . . . Inge keleke, mina—mina mu be keleke yaka. Zeñwi za likeleke za Paulusi ne si

zetuna hahulu sina sina ze Ni fumani kwanu. Yeo ki niti, fokuñwi ki lishumi kamba twelufu. Mwabona? Mwabona? Cwale, cwale na ize, “Ni tabela kuli kaufela mubulele ka malimi.” Zeo za mi kataza?

<sup>301</sup> Mwabona, fani ke—ke—ke keleke ya . . . mwa Likezo 19, Ni lumela kuli neina ni ma membala ba sikai fela kuyona ba twelufu. Mwabona? Litumo zelikani fela, mwa bona. Kacwalo kubile ona cwalo mwa bunyinyani, mwabona. Mi Ni nahana kuli ibulezi kuli nekuna ni babañata cwalo, baana baba twelufu ni basali, mwa bona, ku yona.

<sup>302</sup> Cwale, haiba mu—mu bona fa, na ize, “Ni tabela kuli kaufela mina mu bulele ka malimi. Ni—Ni lakaza kuli kamuna mina mubulele, kaufela mubulele ka malimi, mutale fela ka Moya o Kenile mu ka bulela fela ka malimi. Kono” ali “Ni tabela hahulu kuli mu polofite; konji haiba kuna ni mutoloki, ku fumaneha mutoloki.”

<sup>303</sup> Kana seo si bala cwani foo? Kimañi. . . Kana muna ni yona foo, kiniti. . . ? . . . Halu ibaleñi hape. Cwale amuteezeze:

<sup>304</sup> [Muzwale ukala kubala Makorinte Bapili 14:5—Mu.]

[*Ni tabela kuli kaufela mina mubulele ka malimi, . . .*]

Cwale amu swale fo fa muzuzu fela, “Ni tabela kuli kaufela mina mubulele ka malimi.”

[. . . *kono sihulu kuli mupolofite: . . .*]

“Ni tabela kuli kaufela mina mupolofite.”

[. . . *kakuli yomutuna ki ya polofita kufita ya bulela ka malimi, . . .*]

Cwale mu libelele fa muzuzu.

<sup>305</sup> Cwale, taba yakuli, “Yomutuna ki ya polofita”? Fani kona fo ne mubata kuli ni yemele nji? [Muzwale uli, “Ne ni bulela fela kuli, ‘Yani neli shutano. . . ? . . .’”—Mu.] Eehe. Mwabona? Eehe. Mwabona? Cwale, fa kona . . .

<sup>306</sup> Cwale, mubulele ka mutala, cwale, luna ni baana bababeli baba si ka ituta mwahala luna busihu boo. Hakuna ze ba ziba ka se, mi Ni kena mwahali mi mina kaufela ki . . . lukalisa mukopano wo mwahali mo, mi—mi kipeto ukala fela kubulela ka malimi, mañi ni mañi wa mina ubulela ka malimi, kubulela ka malimi, ni kubulela ka malimi, ni kubulela ka malimi. Mi, kihande, ki sikamañi seo? Mwabona, muuna ya si ka ituta uli, “Uh! Kaufela ba hanili ki likuba!” Mwabona? Kono haiba alimuñwi a polofita, mwabona, konakuli ubulela sika sa kona ku utwisisa.

<sup>307</sup> Cwale, zwelapili ubale ze siyezi za zona cwale. [Muzwale uzwelapili—Mu.]

[. . . *konji haiba a toloka, . . .*]

Ki fo he cwale. Cwale, “kwanda kuli,” mwabona. Ni—Ni ka . . . Yena ya—ya polofita ki yomutuna kufita ya bulela ka malimi *konji* haiba akona kutoloka. Cwale, zwelapili, mwabona.

[. . . *kuli keleke ikone ku amuhela kuhuliswa.*]

Ki fo he cwale, mwabona, keleke ya huliswa.

<sup>308</sup> Cwale, ka manzwi amañwi, kiñi, keleke, mutangana yo. Kiyo—kiyo fa babañata *mo* ha ba si ka ituta, muinzi fela mwahala luna busihu cwana; luna ni mukopano wo. Kaufela luna luteni mo lu bata . . . lu bata kuziba za Mulena, kaufela mina mu kalile fela kubulela ka malimi. Hakuna mutu ya na bulezi sika, akala fela kubulela ka malimi. “Ni bata kuli mina . . . Ni ka . . . Zeo zakona kuba hande,” Paulusi ali. “Kaufela mina hane mu ka bulela ka malimi, ikona kuba hande.” Kono kucwani haiba babañwi ba mina mwa polofita, mwa yema ni kubulela kuli, “SA BULELA MULENA KISONA, ‘Kuna ni muuna ya inzi fa mi ki muenyi mwahala luna. Libizo la hae ki *John Doe*. Uzwelela kwa sibaka sa *kuli-kuli*. U siile musala hae ni bana babane kwani. Uteni mo busihu cwana kakuli ubata tuso. Nali ni dokota kacenu mwa Memphis, Tennessee. Mi ki hali . . . Dokota na mu bulelezi kuli nana ni kansa ya kwa maswafu. Wa shwa’”?

<sup>309</sup> Ki hali, “Haiba kamukana kamukana ba bulela ka malimi mi alimuñwi ya si ka ituta, ataha mwahala mina, ukali . . . kipeo u ka li, ‘Hanili kaufela mu lyangani?’ Kono haiba yomuñwi a polofita ni kupatulula kunutu ya mwa pilu, mi awela fafasi, uli, ‘Luli Mulimu una ni mina!’” Mwabona foo?

<sup>310</sup> Kihande, cwale, fa. Cwale mubulela ka malimi, kono yomuñwi ufa toloko, yeli, “SA BULELA MULENA KISONA,” mwatasa toloko, “‘Kuna ni muuna ya inzi mwahala luna, ya siile musala hae, na li mwa Nashville kacenu,’” kamba Memphis, kamba kaufela sibaka sateni, “‘mi una ni kansa ya kwa maswafu. Utile kwanu, mi libizo la hae ki *John Doe*,’” *Wa kuli-ni-kuli* cwalo. Mwabona?

<sup>311</sup> “Konji haiba libe ni toloko,” kamba, mwabona, kona li ka fa kuhuliswa. Mwabona? Kipeto ba li . . . Kipeto mutangana yani uka zwela fande, ali “Ha lu boneñi ni mu bulelele nto yeñwi, musike mwa ni bulelela kuli Mulimu ha yo ni bona batu bani kwani. Kaniti! Sicaba sani ne si sa ni zibi ni hanyinyani.” Mwabona?

<sup>312</sup> Kaewalo lu bata limpo za sipolofita *hamoho* cwalo ni limpo za kubulela ka malimi. Kono, ka kubulela ka malimi, mwabona, ilukela kuba ni toloko. Mi cwale, ha i tolokiwa, iba bupolofita. Mwabona? Ki sipolofita. Cwale, Ni na ni puzo yeo kulo fa mwa muzuzu fela, kaewalo Nika—Nika fita ku yona kapili fela mo ku konahalela. [Hakuna manzwi fa tepu—Mu.]

### 117. Mateu 18:10.

[Muzwale ubala Mateu 18:10—Mu.]

[...kuli musike mwa nyanyifaza yomuñwi wa babanyinyani ba; kakuli Ni li ku mina, Kuli mwa lihalimu mangeloi—mangeloi abona abuha pata ya Ndate ya kwa lihalimu.]

313 Ku lukile. Cwale, muzwale, yo uli yena kaufela, kakuli hakuna mabizo, ki tupepa to tunyinyani fela, mwa bona, yena yabulezi ze. Ni kolwa hande Na . . .

314 Cwale, mwakona kunga linzila zepeli za yona, mwa bona. Kono Ni sepa kuli toloko, haiba mu ni buza fela kuli, “Tatulula se,” mo Ni tolokela se ki cwana.

315 Cwale, mu apule mwa Makorinte ba Bubeli, yomuñwi, 5:1, i bulela cwana, “Haiba tabernakele ya lifasi ye isinyeha. . .” Mwa i ziba, mwabona. “Haiba tabernakele ya lifasi ye isinyeha, luna ni yeñwi yelibelezi,” mwa ziba, “kulibelela.” Ku lukile.

316 Cwale, cwale Na ka. . .Haiba mu lemuha, mwa Mateu 18:10, Na bulela ka za kunga “bana.” Neli bana babanyinyani, tumbwita-mamima fela, twa myaha yemilalu kamba yemine ya kupepwa, a ba nanula. “Ba ti sa bana bana ku Yena.” Bana lizwa kwa linzwi la kuli “mwana.” Mwana ki mutu fela yomunyinyani—yomunyinyani kihona, isiñi mbututu kona ya li mwahali a fani ni yomunca. Mwabona? Ha si ka fita kale fa kuitebuhela zahae.

317 Cwale, Na ize, “Mu tokomele kuli ha mu *keshebisi*.” Haiba lu mu nga toloko ya linzwi leo, ki “kunyandisa.” Mwabona, “Ku nyandisa alimuñwi wa bani.” Ku nyandisa mwana, ha u lukeli kueza cwalo. Ki bana, ha ba zibi. Mwabona?

318 Mi cwale mulemuhe, ali, “Kakuli bona. . .mangeloi a bona kamita abuha pata ya Ndate ya kwa Lihalimu,” mwa bona. Ka manzwi amañwi, “Mangeloi a bona, balumiwa ba—ba bona, mibili ya bungeloi ye bakaya ku yona ha ba ba shwa, kamita a fapila pata ya Ndate mwa Lihalimu.” Mwabona?

319 Cwale, “Haiba tabernakele ya lifasi ye isinyeha, luna ni yeñwi ye libelezi.” Kana ku cwalo? Wani kona mubili.

320 Mutalime kwanu. Kambe Ni na ni nako ya kufita ku zona ze! Kakuli, Ni ziba kuli Ha—Ha nina kuba ni zona. Kono, fa, halubone fela ni mife yona kuli ibeiwe fa tepu, mi muka u utwa nihakuli cwalo.

321 Mutalime, busihu bobuñwi Pitrosi nali mwa tolongo. Ba ba ni mukopano wa litapelo kwa ndu ya Joani wa Mareka, mwabona. Mi kacwalo Lingeloi la Mulena la taha mwateni, ka Siita sa Mulilo sani, liseli la taha fafasi, mi Pitrosi a hupula kuli na lola ha na boni Liseli le ha litaha ku yena. Biblele ibulezi kuli, “Neli Liseli.” Mwabona? Mi Ni lumela kuli Ki Yena yaswana ni luna, mwabona, ya Na tile fafasi. Mi lukenanga mwa butata bo buswana, kuli mwendi nto yeswana ika ezahala. Mwabona? Mi ataha kwani, mi kacwalo A li, “Taha, zamaya ni Na.”

322 Kacwalo Pitrosi a hupula kuli, “Na lola cwale, kuli Ni bone fela tolo ye se italusa.” Kacwaslo a fita balibeleli fakau fi, ni kuhupula kuli, “Uh-huh. Cwale lu ya ka, sikwalo kufita fateni sa i kwaluhela sona siñi.” Ba zwa mwa munyako otatama, wa ikwaluhela fela ni ona. Ba yo punya fa munyako oliba mwa hae, mi ni ona wa ikwaluhela fela ona uñi. Mi na sa hupula kuli na lola. Kacwalo ha na yemi fande kwani, mi ali, “Kihande, Ni lukuluhile, kacwalo Ni libe fela kwa ndu ya Joani wa Mareka ni yona ni kopano.”

323 Ne bali kwa mulaho kwani, “O Mulena, luma Lingeloi la Hao mi u lamulele Pitrosi.”

324 Mi ka yona nako yani sesiñwi sa utwahala [Muzwale Branham wangongota—Mu.]. Musizana yomunyinyani aya kwa sikwalo mi kihali, “Kimañi yoo?” A kwalula sikwalo nyana sa kucikisa, mi ali, “Hau, ki Pitrosi!” Kacwalo akuta mwahali, ali, “Yela, hamu—hamu tuhele kulapela cwale, Pitrosi ki yo fande.”

Yo ali, “Oh, mawi! Zwelapili wena,” ali, “una—una—una ni . . .” Mwabona?

325 [Muzwale Branham wangongota hape—Mu.] Ali, “Kwalula! Na kena mwahali.” Mwabona? Mi kacwalo ali . . .

Kacwalo a kuta, ali, “Batili, ki—ki Pitrosi fa munyako.”

326 “Oh,” se bali, “ba mu pumile kale toho, lani ki lingeloi la hae fa munyako. Mwabona, tabernakele ya hae ya Lihalimu, na sa i amuhezi kale, kuli ya lifasi le ne i sinyehile, kakuli ne li libelele mwa Lihalimu kuli atahe.”

327 Sene Ni boni zazi leliñwi mwa pono yani, mwa ziba, ne ni silezi mwabuse. “Haiba tabernakele ya lifasi ye isinyeha, luna ni yeñwi.”

328 Mi bona bana babanyinyani ba ba si ka eza fateni sibi fa, mwa bona . . . Mwabona?

329 Mi mbututu haiba—mbututu ha bupiwa mwa mba ya mahe, a sa beiwa fela mwatani . . . Mwabona? Mwabona? Kono pili ki moya. Mi sina moya wani ha ukala kunga apala nama, peu nyana ya bupilo ikala ku apala mubili, mi a sa wa fela ku . . . Cwale, mwa mba, ki nto yenyinyani, ye njanja, ki mata asweli kunyakaula fela. Lwa ziba cwalo. Ani kona maselu. Kuswana inge kunga booya bwa pelesa kububeya mwa mezi, bu ka sikama ni ku minyauka, mi ha u buswala bu ka tula. Kona ni mbututu mwa inezi.

330 Kono a sa pepwa fela mwa lifasi ni kubuyela moya wapili, uba moyo o pila. Mwabona? Kakuli mubili wa lifasi u sa pepwa fela mwa lifasi, kuna ni mubili wa bungeloi, kamba mubili wa moya, kuli u swaliwe. Mi haibile fela mubili wa nama u sa pepwa fela, kuna ni tabernakele ya Lihalimu ye libelezi. “Haiba tabernakele ya lifasi ye isinyeha, kuna ni tabernakele ya Lihalimu ye u libelezi.” Kapilin fela ona—ona fani mbututu

a sa pepwa fela mwa lifasi ka mubili, kuna ni mubili wa moya o libelezi ku u amuhela. Mi haibile fela mubili wa moya . . . mubili wa nama u sinyeha ku na ni mubili wa moya o libelezi kwabuse. Mwabona? Ki “mubili wa bungeloi” mo lu u bizeza, mwabona, ki wa bungeloi.

[Muzwale wabuza, **“Kihande, konakuli cwale, mubili wo kikuli una . . . ki wa swalelele, u nzo libelezi zuho ya mubili wo nji?”**—Mu.] Ehe. Mwabona? Eehe. Oh, eeni. [**“Boo kona buino bo lu ka pila ku bona kufitela—kufitela zuho?”**] Yeo ki niti. Mwabona? Mwabona?

<sup>331</sup> Ha li si ka patululwa kale kwa bana ba batu. Na lumela . . . Na—Na ziba Ni li boni. Mwabona? Kono ha Ni zibi mufuta wa mubili oli ona, kono Ne ni ba utwa inge mo Ni utwela ha ni swala mazobo amina kamba sika kaufela. Kakuli, se siteni fa tepu mi mu ka si liza lilimo kasamulaho Ni ma no timela. Mwa bona? Kono . . . Mi sani, seo kaufela seo sili sona, mwabona, Ne ni—Ne ni kumbatela batu bani ni ku ba swala, mi nelin fela ka niti sina—sina mina mo mubezi cwalo, mi ibo ha ki . . . Ne ba sa ci kamba kunwa. Nekusina maabani kamba kamuso. Mwabona, neli Kuyakuile.

<sup>332</sup> Mi cwale tabernakele yani . . . ne ba zwile mwa mubili wani, ba kutela mwa lifasi, mi mufuta wa mubili wani o ne ba se ba apezi ku sa shwa. Ki—ki liluli la lifasi lene li kopani mwa mubili wa bungeloi wani mi baba batu hape, ne ba ca sina mo ne ba cezi mwa Edeni. Mwabona? “Kono haiba tabernakele ya lifasi ye isinyeha, luna ni yeñwi ye libelezi.”

<sup>333</sup> Kaewalo bana babanyinyani ba bene basina sibi, mwabona, hakuna sibi mwateni, *mangeloi* ani, “mibili” ya bona (ona wo Pitrosi natilo kena kuona . . .) mwabona, na libelezi. “Ba buha pata ya Ndate, mwa Lihalimu,” kamita li fapila Hae; “ba ziba cwalo.” Ki zeo foo.

<sup>334</sup> [Muzwale uli, “Kono neku na ni butata nyana fani fa na bulezi Jesu kuli, mwa kalulo ya pili ya zuho ya Hae, Na ize, ‘Amu Ni swale,’ Na si ka kambamiswa kale. Mi cwale ha Na tile mwa muzuzu mo ne kuinzi Tomasi, Na ize, ‘Taha kwanu uo beya lizoho la hao kwa makupo a Ka; u cupwe munwana wa hao.”—Mu.] Yeo ki niti, Na si ka kambamela kale kwa lihalimu. [“Mi ni—ni shutano ya zepeli, koo Na—Na ba bulelezi kuli basike ba Mu swala, mi kwani A bulelela Tomasi kuli a Mu swale.”] Na si ka kambamela kale kwa lihalimu, mwa bona. Yena . . . [“Kakuli ha Ni si ka kambamela kale ku Ndate.”]

<sup>335</sup> Yeo ki niti, mwabona, Na sa lukeli ku swaliwa konji Ha . . . kasamulaho wa zuho ya Hae. Na zwile mwa lifasi, mwa bona. Na zwile mwa lifasi mi a zamaya mwahala batu, kono Na si ka kambama kale. Ki hali . . . Abulelela Maria, Ki hali, “Usike wa Ni swala.”

Ki hali, “Rabboni.”



336 Ki hali, “Swala . . . Usike wa Ni swala, kakuli ha Ni si ka kambamela kale ku Ndate. Kono Ni kambamela ku Mulimu wa Ka ni ku Mulimu wa mina, ku Ndate ni Ndata mina.”

337 Mi cwale busihu bwani, kasamulaho Amano ya fapila Mulimu, mi a zuha kwa bafu, aya fapila Mulimu. Ha yo kuta, A mema Tomasi kuli atahe ato swala kwa makupo a Hae. Mwabona, Na kambami kale fapila Mulimu. Yeo ki niti. Kihande.

**118. Cwale. Mwa Makorinte Bapili 14, “Mulatelele—mulatelele lilato, mi mu lakaze limpo za moya, kono sihulu kuli mupolofite.” Webster, uli, “kupolofita: ku bulela likezahalo za kwapili, sihulu ka susumezo ya bumulimu.” Kana liñusa . . . Cwale bona . . . zeo—zeo kona za bulezi Webster ni zana—zana bulezi muzwale. Kana liñusa la kona ku bizwa “bupolofita” le li sa buleli ze ka ezahala kwapili?**

Batili, sha. *Kupolofita* ki ku “bulela ze sa taha kwapili.” Mwabona? Ku lukile.

**119. Cwale. Makorinte Bapili 14:27, Ni lumela kuli mañusa kaufela alukela kutolokiwa mi ni kuli kusike kwaba mañusa amalalu mwa malimi alukela kufiwa mwa sebelezo iliñwi.**

338 Ao kona Mañolo. Ni a ñozi fa. Kakuil, ha lu . . . lu li twaezi zeo mi hape lwa li ziba zeo, mwabona. Zeo ki . . . Eeni, sha, ki . . . lilukela fela kuba ka libima zetalu. Zeo ki mwa Makorinte Bapili 14, hape. Mwabona? Yeo ki niti, “lituto za zetalu.” Cwale mutokomele zeo mwa mikopano ya mina, mizwale. Cwale, muka—muka fumana zeo litaha fahalimu cwale, mu ka fumana kuli buñata bwa batu ba banga ni tabo. Mi musike mwa bulela kuli habana Moya o Kenile, cwale. Kono, mwa bona, Paulusi naile ku yo beya keleke ya Makorinte mwa sikuka hande ka mulao. Kaufela lwa ziba cwalo, nji cwani? Nana ni kuibeya hande mwa sikuka. Mi ki hali, “Lika kaufela li ezahale ka swanelo ni ka mulao.”

339 Cwale, haiba mulemuha, Paulusi, ka kushetumuka, kamita na banga ni butata ni keleke ya Makorinte. Ha mu na ku mu fumana ka nzila yeo . . . Na si ka bulela sika ka zona kwa keleke ya Maefese, na ba luta silelezo ya Kuyakuile. Hakuna sika ka za silelezo ya Kuyakuile mwa—mwa keleke ya Korinte. Nebali limbuttu kamita, ze likalika, “Yo una ni lulimi, yo una ni pina.” Kana kona cwalo? Mwabona? Mi haiba u lumeleza kopano ya hao kukalisa taba yeo . . .

340 Sina Martin Luther, na talizwe hahulu ka Moya kufitela abulela ka malimi. Na bulezi, mwa buka ya hae, kuli, “Ni bulezi ka malimi,” ki hali, “kono haiba Ni luta sicaba sa ka cwalo” ali “ba ka bata mpo kufita Mufani wa yona.” Yani neli niti, mwabona, ba ka bata mpo kufita Mufani wa yona.

<sup>341</sup> Mi zeo kona ze ba amuhela batu, mi kipeto ba filikana ni ku ikuhumusa ha ba ba tuhelela kubulela ka malimi kamba nto ye cwalo. Mi haiba ha ki za Mulimu, konakuli halina ku . . . ikaba za mbango. Kono luna . . .

<sup>342</sup> Cwale, likeleke za kacenu li kasheza taba yateni kwande, kono luna nya. Lu lumela kuli ki mpo ya Mulimu mi ikona kubeiwa mwateni ka Moya wa Mulimu. Kucwani ka zeo, Muzwale Roy? Yeo ki niti. Eeni, sha. I beilwe mwa keleke! Ki ya keleke. Mpo ya kubulela ka malimi i lukela kuba mwateni, mwabona, mwa Keleke ya Mulimu.

<sup>343</sup> Cwale, ha lu boneni cwale handende puzo ya hae mo iinezi fa. Ibulezi, kuli:

**Ni lumela kuli mañusa kaufela . . . (yeo ki niti) . . . alukela kutolokiwa, ni kuli ka libima zetalu.**

<sup>344</sup> Yeo ki niti, mwabona, kakuli haiba mutuhela fela . . . Cwale ha lu buleleni kuli, ka mutala, inge kuli muna ni mukopano mi lünzi mo ni—ni . . . Cwale, ki bunde mañi bo bukona kubateni kuli *yo* a bulele mwa malimi, *yo* abulele ka malimi, *yo* abulele ka malimi, *yo*? Kiñi, kaufela lukona kuba fela baba lyangani mane halukoni kuziba ze lueza. Mwabona? Ka libima zetalu, halu . . . inge, Hollin, u bulela ka malimi, haiba u bulela mwa malimi . . .

<sup>345</sup> Mi kulukela kuba mutoloki hape. Cwale, kwa kona kuba mutoloki alimuñwi konji haiba wakona ku itolokela lulimi lwa hao isali wena. Cwale, mina . . . “Ya bulela ka malimi asili hape alapele kuli akone kutoloka.” Wa kona kutoloka malimi a hae tota ili taba yeswana fela inge—inge ha kuna ni mutoloki. Kono ku lukela kuba mutoloki alimuñwi malimi a si ka ba kale . . . Haiba muna ni sikwata sa batu baba bulela ka malimi mi hakuna mutoloki, kipeto u lapele wena kasibili kuli ukone kutoloka zo—zo bulela.

<sup>346</sup> Cwale, usike wa eza fela kuli u ikuhumuse, kakuli usweli fela ku i kulisa ili wena foo, mwa bona. Usike wa eza cwalo. Kono bulela ka malimi kuli ukone kulumba Mulimu, ukone kuhulisa keleke. Mwa bona, kaufela ki bakeñisa mulelo ulimuñwi omutuna, muzwale. Limpo ze ki za kuhulisa Mulimu, za kuhulisa keleke, kutisa sicaba ku Mulimu, kuli bazibe kuli Mulimu una ni luna. Ha ki Mulimu ya shwile, Ki Mulimu yapila ya sebeza mwahala luna. Mwabona?

<sup>347</sup> Mi luna ni kutokomela seo ka tokomelo luli kakuli, mushimani, diabulosi u li toile sina sika kaufela, mwa bona, kubona limpo za niti. Kakuli limo za fokola, mi yena wakona kubeleka ka limpo zeo. Mutu, oh, mutu, ukona kulikanyisa yeñwi ni yeñwi yazona. Kacwalo kona libaka leo . . .

<sup>348</sup> Cwale, mutalime, shutano mwahala mpo ya sipolofita ni mupolofita, kuna ni shutano yetuna luli ka limaili ze milioni. Bupolofita busikaba kale . . . Mutu yana ni mpo ya kupolofita mane yakona kubulelwa fapila keleke, bababeli kamba babalalu

bana ni kulemuha cwalo ni kubulela kuli “ki niti.” Yeo ki niti. Kono isini mupolofita. Mwabona? Mupolofita ki ofisi. Mpo ya bupolofita ki mpo. Mupolofita u pepwa, ana ni sa kuli SA BULELA MULENA KISONA, muzwale, ona cwalo ni cwalo. Hakuna sika ku zeo, mwa bona. Yani ki mupolofita. Kono mpo ya kupolofita, yeo ki mpo, mwa bona. Yeñwi ki ofisi ya Mulimu, yeñwi ki mpo ya Mulimu. Mwabona? Mi yeo kona shutano.

<sup>349</sup> Cwale, mañusa, lubulele kuli, cwale, ka mutala, cwana kona mo ku lukela kubela. Cwale, lu ka bulela kuli, sina Muzwale Junie, busihu boo, wa toloka. Lu ziba kuli ki mutoloki. Muzwale Neville ki mutoloki, mwabona, utolokanga malimi. Lwa ziba cwalo. Cwale, kucwani mo luinezi cwanamo busihu boo, oh, Moya wa Mulimu kipeto wa panca fela kuli ubulele. Mawi, ndate! Mi ha lu . . . luna ni ku . . . luna ni . . . Mulibelele, keleke ika kalisa ka mizuzu yelikani. Mwabona, lwa—lwa kopana keleke i si ka kopana kale. Ni li beya hande mwa sikuka inge mo ne luka bela ni zona mo.

<sup>350</sup> Kihande, he, taba yapili mwa ziba, ki yo Muzwale Ruddell wa yema ni kubulela ka malimi. Mulibelele fela fa muzuzu. Mwabona? Junie wa tulela mwahalimu, “SA BULELA MULENA KISONA, “Taba ya *kuli-kuli*.” Ku lukile, yomuñwi fa, bañoli kipeto ba li ñola fa, mwabona, kaufela se si bulezi; uh-huh, ha lu li talimeñi fela kapili, kakuli ki . . . lu linge ha li sa li zenca, ona sa na bulezi. Ku lukile, bona . . . Haiba—haiba za haniwa, kipeto muka—muka li tuhela fela, mwabona, ku ka pazaula fela. Kono haiba ha li nahiwi, za amuhelwa ki batu bababeli, kipeto za ñolwa fa, ba ñola libizo labona fateni. Mwabona? Zeo—zeo—zeo ki za keleke ya mina. Zeo ki . . . Ni mi bulelela zeo kwa tuso ya mina, mwabona, Hani zibi kamba ne ba eza cwalo kwa simuluhu kamba nee.

<sup>351</sup> Mi taba yapili mwa ziba, kiyo Hollin utulela mwahalimu, ni ku bulela ka malimi. Cwale, mutoloki wakona ku kopanya liñusa leliswana, mwabona, ikona kuba nto yeswana, sika se si lukela kuezahala, sipolofita; mwabona, sika se si libelele kuezahala, kamba sika so lukela kueza. Kiyo Muzwale Roberson utulela mwahalimu, kwa mulaho, u bulela ka malimi. Ku lukile. Ikona kuba liñusa leliswana, kufa toloko yeswana, mwabona, kamba ikona kuba mañusa amalalu.

<sup>352</sup> Cwale, Mulimu hana kuluma mañusa amalalu mwa busihu bulibuñwi. Lwa ziba cwalo, kakuli hamuna—hamuna kuli utwisisa. Mwa bona? Kono kaufela sesi lwanisa keleke, sina . . . kamba sesiñwi sesi ezahala, ki sa kuhuliswa kwa keleke. Mwabona? Konakuli Ha—Ha—Ha ni koni kulumeleza yomuñwi hape kuzwa fo, mwabona, kakuli I bulezi kuli, “Ku bange ka libima zetalu kulitelananga.” Mwabona?

<sup>353</sup> Ka libima fela zetalu, mi—mi Ni kona kubulela kuil “Zamaya u yo ñola zeo, mi u li beye fa katala.” Mwabona? Mi kamuso

busihu lwa kopana hape. Mwabona? Mi haiba kuna ni se si libelezi kuezahala mwahala cwale ni kamuso busihu, Mulimu uka bulela ku yeñwi ya mañusa ani. Mwabona se Ni talusa? Ha li bange ka libima zetalu mwahala zona. Mi Ni nahana cwale, Webster uli, sipolofita sakona . . .

**Kana puz- . . . liñusa li ka bizwa bupolofita kono li sa buleli zetaha kwapili?**

<sup>354</sup> Batili. Haiba ki sipolofita, sa polofita, ku bulela ze ka ezahala. Zeli za niti, hape.

<sup>355</sup> Ku lukile, mi Ni nahana kuli . . . Cwale, ye ki ya mafelelezo kufitela lu fita ku ze fa.

**120. Muzwale Branham, kana—kana kuna ni yomukana wa zee . . . Muzwale Branham, yeñwi ya lipuzo ze . . . I ñozwi ka taipiraita mane ibonahala kutakuha cwalo. Kana yeñwi ya lipuz- . . . Muzwale Branham, yeñwi ya lipuzo ze yo sa utwi kuetelelwa kuiseza kwa . . . kamba kubulela fateni (ehe), kubulela sika, ibeye kwatuko, Hanina ku i kutwa bumaswe ni bobukana. Ki ifi misebezi ya dikoni ka kutala kuya ka Mañolo?**

<sup>356</sup> Kihande, Na—Na lumela ba na ni zeo kwande kwani. Haiba ki . . . Ni ziba kuli ki alimuñwi wa madikoni ba keleke ya luna. Kacwalo Ni lumela kuli bana ni mulao wa zona kwani. Lu swanela kuba ni libuza zatani kuli lufe ufi ni ufi wa madikoni haiba haluna zona. Ha ni zibi haiba nakona kuba ni buka yani, Gene, iliñwi . . . kamba, wena kamba Muzwale Leo, kamba yomuñwi wabona, mwendi . . . unge ze silezi kamba eiti za zona ni kulifa kwa madikoni ba luna. Zeo kona ze tatulula misebezi, ka Mañolo, za lukela kueza dikoni.

**121. Haiba luba ni bupolofita kamba liñusa mwa malimi le li zwile mwa sikuka, lu ka li sikulula cwani?**

<sup>357</sup> Cwale, yani ki taba yende ya sipundumukela, mwabona. Mwabona? Cwale, u fuyolwe, dikoni wena ya bulezi taba ye, kakuli ye ki taba yende. Mu lukela ku li babalwla ka masila a kutina kwa mazoho. Cwale, haiba mu fa . . . Haiba mutu utaha mwa kopano ya luna mo ni kufa liñusa kamba sipolofita kuzwa isi ka swanelo, hakuna ze mukona kueza haiba ukalile kubulela ka nako yeo. Mwabona? Fela mueze . . . U ziba kuli u zwile mwa nzila mi ika—ika . . . lyanganisa sebelezo. Mwabona? Kono, haiba ku cwalo, nto yende fela ya kueza, ki kuli madikoni, ba kutumane fela. Mwabona? Kakuli mupolofita fa katala ki yena luli yali . . . Mina—mina mu basilelezi ba hae, ki mina mapolisa ba hae, mwabona, ki mina balibeleli ba luna. Mwabona?

<sup>358</sup> Cwale, haiba ki mutu mwa kopan- . . . Haiba u zwa mwa kopano isili, mutu yo ha si ka lutiwa, mwabona, ha si ka laelwa. Kona se lu lika kukena mwateni mo, mwabona, kuli lu—lu zibe sa kueza. Lu zibe mwa kulutela sicaba sa luna. Kono haiba ki—ki ya

zwa mwa kopano isili, kihande, ha lu zibi mwa lutezwi mubotana tuni yoo.

359 Ka mutala, sina. . . Billy wa hupula se, Costa Mesa, California. Nako kaufela ha Ni bata kubizeza batu kwa katala kuna ni musali ya tulela mwahalimu, ni kumata mata mwa lipula, inza bulela ka malimi, ni ku shandaula aletare yani mwa liemba emba. Mi kipeto Ni zwela fande. Mwakona kubona Moya ha u—u halifisizwe, mwa bona. Hakuna se si ka filikanya Moya wa Mulimu haiba u mwa sikuka hande. Mwabona? [Hakuna manzwi fa tepu—Mu.] . . . asika itukisa fela kukalisa, mwa na itukiseleza fela, kakuli Ne ni mutalima. Mukutazi kaufela uka eza cwalo ha bona sika se si siyo mwa sikuka. Mi musali yo nali kwa mulaho kwani mi a bulelela Billy, mi Billy a ni bulelela ha Ni taha busihu bwani, ali, “Tate, mwa ziba musali yani ya na lyanganisize pizo yakwa—yakwa aletare, masihu amabeli?”

“Eehe.”

360 Ali, “Na inzi fande fani,” ali, “musali ali, ‘Kanya ku Mulimu, Billy, Ni na ni liñusa leliñwi busihu boo!’”

361 Kihande, cwale, mwa bona, Ne ni mu talima mwahala sicaba. Nekuna ni batu baba likiti kiti kwani; fani kona fani ba *Reader’s Digest* hane bañozu ka za foliso ya Donny Morton, mwa ziba, *Makazo ya Donny Morton*. Kacwalo Na talima musali yani, mi ka nako yene Ni kala kubiza sicaba sa hesu, yena. . . Cwale, nali fela ya si ka lutiwa; hakuna kukakanya, neli musali yomunde. Kono atalima kwa ni kwa, akala kulukisa milili ya hae. Nana ni milili ye kutilwe, mwabona. Kacwalo, mwa bona, neli wa ba Assemblies kamba likeleke zeñwi zani ze—ze lumeleza zani. Na sweli kukamuna milili ya hae. A inama ni kuhoha masokisi a hae, sina cwalo. Ka yona fela nako yani Na kala kubizeza sicaba kwapili. . . Se nili, “Cwale, ki babakai mwahali mo. . . ki babakai baba liteni babaabela kutaha kwapili ni—ni kufa lipilu za bona ku Mulena Jesu?”

362 Kiha tulela mwahalimu. Se nili, “Ina fafasi.” A kala kutaha. Se nili, “Ina fafasi!” Mwabona? Mi, mushimani, mañi ni mañi. . . Na itulela fela. Na eza inge kuli na sa ni utwi, mi Na huwa hape. A ni utwa ka nako yani, kakuli Ne ni bata kunyunga muyaho wani ka bi maikulofoni byebiyuna byene bi beilwe kwani. Mi aina fafasi.

363 Se nili, “Cwale, sina hane Ni bulela, ki babakai baba bata kutaha kwa katala ku to fa lipilu za bona ku Mulimu?” Mi Na zwelapili ni mukopano, mwabona.

364 Mi busihu bwani hane Ni ya kwa mota, Ne ni potolohilwe. Mi fa sikwata sa basali bani inge ba yemi fani inge sikwata sa likuhu, mwa ziba, “U nyefuzi Moya o Kenile.”

365 Se nili, “Ni ezize cwalo?” Se nili, “Ni kona kunyefula cwani Moya o Kenile ka kulatelela litae-. . . lipulelo za Mañolo?” Mwabona?

366 Mi musali yo ali, “Ne ni na ni liñusa le li namile hande lelizwa ku Mulimu.”

367 Se nili, “Kono no sweli ku lifa ka nako yefosahalile, kezeli.” Se nili, “Ha ni . . .”

“U li yani nesi—yani ne si ya Mulimu?”

368 Se nili, “Ne ni koni ku kubulelela, kalibe.” Se nili, “Na—Na—Na lumela neli cwalo, mwabona.” Se nili, “Ni ka bulela cwalo ka tuso ya hao, kuli, ‘Ni bulela kuli Na lumela neli cwalo.’ Mi Ni lumela kuli u musali yomunde, kono no zwile mwa nzila.”

369 Mi nekuna ni mulisana wa hae yana yemi fani. Ne ni ziba kuli neli yena mulisana wa hae, mwabona. Mi se Nili. . . Se—Se nili, “Kuna ni fela nto iliñwi ye Ni kona kubulelela, ikana yaba kuli no li mwa nama kamba una ni mulisana ya kulutile cwalo ya sina sa ziba ka Mañolo.” Se nili, “Una ni kutaha ku to ambola ni luna fa nako nyana ka Mañolo. Ani ki mafosisa, u zwile mwa nzila. No latehisize mioya yemiñata, busihu bwa maloba, ni yemiñata maabani busihu hape, mi no ka eza taba yeswana ni kacenu busihu.”

370 Mi muuna yo ali, “Muzwale Branham,” ali, “Mu ni swalele.”

Se nili, “U talusa ñi?”

371 Ali, “Nana ni tukelo ya kufa liñusa lani, hanili wena no so mufelize kale.”

372 Se nili, “Ne nili fa katala, mi moya wa bapolofita uipeya ku utwa mupolofita. Ni sali fa katala.”

Mi ki hali, “Kihande . . .”

373 Na li, “Ne ni sa na ni Liñusa. Ne ni sweli kubizeza sicaba kwapili, kwani ne li ku lyanganisa. Ne ni cimbekele kanyandi kaka, Na ka hoha cwale. Usike wa cimbekele mwateni mawaya a holofaza kamba ku ka pazula, mwabona.” Se nili, “Ne ni sa hoha kanyandi kaka.” Mi—mi Na li, “Na lyanganisize za—za kutisa mioya mwateni. Ki . . . Ki bunde mañi bufi bobuliteni ha u ka kutaza fela kamba sika kaufela kusina kubizeza baezalibi kuyema? Mwabona?”

374 Mi ki hali, “Kihande, liñusa la hae neli la mwa mulaho kufita la hao. La hae ne li sa zwi kwa katala . . . La hae ne lizwelela handende ku Mulimu.”

375 Se nili, “Haiba mutu u ipona kuli una ni moya kamba ki mupolofita yo alemuhe kuli ze Ni bulela ki Litaelo za Mulena. Kono haiba uba yasa zibi, abe feela sitimbi. Haluna mulao o cwalo, nahaiba yona Keleke ya Mulimu,” kubulelela sina Paulusi, mwa ziba. Se nili, “Batili, sha, hakuna zenca! Yena . . . Jesu naize, ‘Linzwi la mutu kaufela libe lishano mi la Ka libe la Niti.’ Paulusi naize, ‘Kanti ni ha neikaba Lingeloi lelizwa kwa Lihalimu litahe ni sika kaufela se si shutana ni se si li Mo, leo libe anatema.” Na li, “Muñaa, mu zwile mwa nzila zangana.” Na li, “Ki keleke

ya mufuta mañi yo nani? Ni ku bulelela kuli ki sishañata sa kulyangana. Mwabona? Haiba u tuhelelanga sicaba sani kuezaze cwalo ubizezanga cwani sicaba kwapili he? Una ni bulumiwa, kaufela bona bana ni bulumiwa, kono una ni nako ya bulumiwa bwa hao, mwabona, bo bu filwe.”

<sup>376</sup> Kacwalo yeo ki niti. Batili, mi cwale haiba zeo li ezahala mwa keleke ya *luna* sina cwalo, sina cwana, ka mizwale yemiñwi ya luna kamba likezeli mo mwa keleke baba bulela ka malimi, cwale, madikoni kasamulaho wa keleke, sikwata sa baeteleli Ni sepa si lukela kuba kopanya hamoho, ni kubulela kuli, “Ha lu boneñi ni mi kutise kwa tepu, fa mizuzu yelikani fela, mwa bona.” Mwabona, mina mu. . . Kamba—kamba, mulisana, muli, “Ni—Ni ziba kuli mulisana ubata kubulela ku mina. Ha mu tahe kwanu mube ni luna fa nako nyana mwa sibaka sa kubalela, mwabona, muzwale.” Mi, kipeto mukene mwahali mwani muambole hande ni yena. Mwabona? Mi muli. . .

<sup>377</sup> Kono, cwale, haiba kaufela ba zwa mwa nzila ni kulyanganisa mulisana wa mina, mwabona, haiba—haiba ba lyanganisa mulisana wa mina, kona kuli mina babahulu mulukela kuya kuyena ni kubulela kuli, “Fa nako nyana fela.” Mi haiba mulisana u ku lemusa kuli u ba tuhelise, kipeto fo kele aswala moya wateni fani, kuli ki. . . kuli ba lyanganisa moya oli mwa mukopano, mwa bona.

<sup>378</sup> Kacwalo haiba mulisana uyema ni kuinamisa toho ya hae ka likute, kusina sa bulela. Mwabona? Kusina sa bulela; mutuhele mulisana yo. Kono mutokomelange mulisana wa mina. Haiba a ku zibisa ka kukusupeza kutuhela sika, u lukela ku si tuhela, mi zamaya ka lilato la Bukreste, uli, “Muzwale waka, kezeli,” kamba ki ufi kaufela, “Ni lumela kuli u zwile mwa nzila, kakuli u lyanganisa mupolofita, mwa bona. Una ni liñusa lelizwa ku Mulimu. Ha sa felize ka liñusa la hae, kipeto lu ka bona zeo kasamulaho nyana.” Mwabona, haiba za mu lyanganisa.

<sup>379</sup> Kono haiba ki mutu wa kwande, mi mulisana ka likute uka inama fela ni kulibelega fa muzuzu, kipeto uka. . . mwendi uka kalisa fela ni kuzwelapili, mwa bona. Kacwalo. . . Mi haiba mu lemuha, nainte pesenti ya nako ibanga cwalo, litoloko, kamita ki kubulela fela Mañolo kamba nto yeñwi ye cwalo, kanti zeo mane ki za nama fela kwa maneku kaufela. Mwa iba ze Ni talusa ka zeo. Mwabona? Ku lukile.

## **122. Kana ki swanelo kuli babañata kufitelela alimuñwi ba bulele ka malimi kusina mutoloki?**

<sup>380</sup> Batili. Ba lukela kutaha alimuñwi ka alimuñwi. Mwabona? Alimuñwi afe liñusa la hae. . . Alimuñwi wa bulela, mi ni kufa toloko. Mwabona? Mi cwale haiba mutu abulela, toloko; kakuli haiba mu sa ezi cwalo, mutoloki haana kuziba za sweli kuezaze kakuli kuna ni mañusa amabeli kamba amalalu fa amu bundami ka nako iliñwi, mwa bona, mi zeo likona kulyanganisa ku

yena. Mi Mulimu ha ki mukalisi wa kulyangana, mwa bona. Kacwalo mutuhele kuli alimuñwi abulele, mi yomuñwi atoloke. Mwabona? Mi cwale. . . Mufe mañusa amalalu, kono mutuhele kuli liñusa kaufela li tolokiwe.

<sup>381</sup> Mi lu kaba ni. . . Inge Muzwale Ruddell mwa na ka bulelela mi Muzwale Neville na ka fa toloko, Muzwale Fred akuze fela. Mwabona, a amuhele toloko yeo. Pili, lina ni ku atulwa pili, kubona haiba ki za Mulimu kamba nee, ka kukala. Mwabona? Mi ku lukile. Cwale, haiba Muzwale Ruddell wa bulela, Muzwale Beeler wa bulela, Muzwale Neville wa bulela, mutoloki ya shebile una ni mañusa amalalu mwa mukoloko cwalo; kiñi—kiñi, u ka ziba cwani za kueza? Mwabona? Yo aine fela anosi. Fa liñusami kuzeza ona foo, libelela pili. Ha ku patululwe nto yeñwi ku yatatama yainzi bukaufi ni yena; yoo cwale akutumane, aine akuzize fela. Mwabona? Mi kipeto toloko ya taha.

<sup>382</sup> Mi, ha mu eza cwalo, mu ñolange, mubone babalemuha litaba mo ba ka bulelela. Mwabona? Haiba ba bulela kuli, “Kihande, ki—ki za Mulimu.” Ku lukile, kuna ni liñusa, mwabona, amu li ñole. Kipeto mulibelele fela fa muzuzu. Mi nto yapili mwa ziba, kihande, kipeto Moya o zamaya ku yena, u ka bulela. Mi mutoloki a libelele fa muzuzu, mubone seo Moya o Kenile uka bulela. Ki yo fa Wa taha ka liñusa lateni, mwa bona. Mi cwale uka ñola ni yona yeo, mwabona. Mi ha libange ka linako zetalu cwalo.

**123. Muzwale Branham, lu ziba kuli u mulumiwa ya lumilwe ki Mulimu kwa lusika lwa keleke ye. Ona lisupo zeswana luli ze ne latelela Jesu lwa libona inge li ku latelela, mi luna . . . lwa utwisisa libaka baba kuziba ha ba nahana kuli ki wena Mesia. Lu tolokele shutano ya kutwano ya hao ku Mulimu ni ku Krete mwa tamahanela ku yena?**

<sup>383</sup> Kihande, Na ziba, mizwale, yeo ki niti. Mwabona, kono ha lu libeleleni, Ni na ni sesiñwi se si ñozwi fa, fa muzuzu fela. Mwabona, linako zeñata ha li si ka utwisiseha. Mwabona? Kono, cwale, ku mutu fokuñwi. . . Mi Ni bata kuli babañwi ba mina mu apule na mwa Luka, kauhanyo ya 3 ni timana ya 15. Hamusweli kueza cwalo, Na kona kubulela ku mina kuli. . . Ha mu ka ifumana, kuli ki Luka 3, ki. . . hakulata. . . ki mwa. . . Mutuhele fela ni. . . Hanina ku kwala sikwalo, kakuli hakuna mutu mwateni. Halu—halu boneñi ni mi zibise se, mizwale. Mu li utwile, kai ni kai. Kono halu boneñi ni mi bulelele, mwabona, sina ni kutaha ka nzila yeo. Li na ni kutaha ka nzila yeo. Haiba ne si ka nzila yeo Ne ni ka baka ka liñusa laka.

<sup>384</sup> Muteeleze, mizwale, Na mi lemusa fapila Krete kuli mu—mu—mu swale siemba sa kozo ya mina mukutumane, kono haiba mu ba moya ne mu ka utwisisa. Mwabona? Kana ha mu zibi sika sa pili sa Na bulezi kwa nuka kwani? Kikuli ha mu hupuli sa Na bulezi? “Sina Joani Mukolobezi hana lumilwe ku etelela kutaha



kwa makalelo kwa Kreste, Liñusa la hao. . .” Ki Liñusa le li ka twaaleta Kutaha kwa Bubeli kwa Kreste. Kona mo ne li bulelezi Lingeloi la Mulena.

<sup>385</sup> Cwale, cwale mulemuhe. Cwale, “Sina Joani Mukolobezi. . .” Cwale, kaufela mina mu utwile zeo. Mu li balile mwa libuka, ni ku utwa batu baba yemi kwani inge ba Li utwa, ni lika zeñwi kaufela, fani Lingeloi lani Kasibili ha li bulela liñusa lani, “Sina Joani Mukolobezi ha na lumilwe ku etelela kutaha kwa makalelo kwa Kreste, u lumilwe ni Liñusa le, uka twaaleta Kutaha kwa Bubeli kwa Kreste.” Cwale, “ki Liñusa.”

<sup>386</sup> Cwale, haiba mu lemuha, mi Na. . .Willie yomunyinyani kwande kwani na ñozi libizo laka mwatasi a linaleli lani, mi leo kona libaka ha Ni li fitelezi, mwa bona, kakuli Ha—Ha ni sepi. . . Cwale, Ni ka sepahala ka mo Ni lukela kubela, Hani sepi kuli Ni kaba ni sa kueza ni mulumiwa yani, mwabona. Yeo ki niti. Ni lumela kuli Nina mwendi ni lomezwi kwa siemba nyana sa Keleke ya Hae, ka kutusa kuyaha Liñusa lani kufita fa sibaka fo mutwaleti yo aka taha, kuli atahe.

<sup>387</sup> Kono Na lumela, na ka kuba seo Nili sona, Ni. . .Ni lumela kuli Ni na ni Liñusa la lizazi lateni. Ni lumela kuli le kona Liseli la lizazi le, mi Ni lumela kuli li supeza kwa nako ye sa taha yani, mwa bona, Ni lumela kuli Liñusa la na bulezi kwani, “lona Liñusa le mu nani.” Cwale, haiba mu lemuha Naleli yene tahile kwa mulaho kwani, neli ya. . .

<sup>388</sup> Ha lubone ni eze. . .Na ziba Ni—Ni sweli kufeza nako yaka fa, mi Ni na ni zeñwi ze fa, lipuzo zendende ze. Hani lati. . .Ki—ki kasamulaho wa teni cwale, kacwalo, mi Ni ziba kuli mubata kuya kwa ma hae. Mwabona? Kono muteeleze fa. Mutuhele ni mi bonise nto yeñwi. Kikuli muka nifa fela—fela nako yelikani? Ku lukile, ku lukile.

<sup>389</sup> Cwale mutalime, cwale mutuhele ni bulele nto yeñwi. Cwale, mina mizwale mubeye taba ye mwahala mina. Mwabona? Cwale, ipulukele zona mwahala mina. Ni lukela ku ku beya hande ku se kakuli u mulisana wa ka. . .mina mu balisana ba ka ni lika zeñwi, mwa bona, mi Ni—Ni lukela kueza se. Mi mina mu mizwale hamoho nina mwa musebezi wa Liñusa le. Mwabona?

<sup>390</sup> Cwale, kuya ka na kasibili, kuya ka mutu, Ni yamwatasi hahulu kufita ufi wa mina kaufela. Ni—Ni—Ni. . .Buñata bwa mina kaufela mutile ka lituto za Bukreste ni lika zeñwi. “Kina yomutuna wa baezalibi,” sina mo ne ku bulelezwi nako yeñwi, “mwahala mina.” Bupilo bo bu mwatasi hahulu, Na sepa, bobu kona kupiliwa, mi sina ya sa lumeli ni ya kakanya, mo Ni ne ni bezi.

<sup>391</sup> Kono kuzwa kwa bwanana bwaka Ni bile ni ziba kamita kuli kuna ni Mulimu, mi naziba kuli nekuna ni sene si ezahalile mwa bupilo bwaka. Mi zeo—zeo li fitelela puzo ifi kaufela,

muzwale waka. Mwabona? Kono mutuhele ni bulele cwana, kuli ku ka taha—ku ka taha Liñusa, mi ku ka taha mulumiwa. Ni lumela kuli haiba ki kuba mutu ikaba—ikaba mutu yaka taha mwamulahi waka. Mwabona? Ikaba cwalo. . . Kono Liñusa le Ni kutaza le kona Liñusa la niti la lizazi le, mi ki Liñusa la mafelelezo. Mwa bona se Ni eza, mizwale? Ni mi beya mwa sibaka sesiswana se Nili ku sona, kakuli mukeni ku sona sina nina mo Ni bezi. Mu balumiwa ba Liñusa le liswana le.

<sup>392</sup> Mutalime fa, Ni nani siswaniso. Ni—Ni sepa Na kona ku si bonahalisa hande ka siswaniso. Haluboneñi ni kwale fela sikwalo se fa nako nyana. Yo ki Jesu, mi *yani* ki Jesu; kihande, Ni ka beya se fa, Getsemane, ni se *fa* ni *fani*. Cwale, ha ukoni. . . Ne ni si ka bulela se kwa keleke kwande kwani. Cwale, muhupule, ki liseli la mufuta mañi (ki naleli) lene li etelezi mutu yana bata butali, “*ku luisa kwa Liseli la Hao le li petehile*”?

<sup>393</sup> Cwale Ni ka shetumuka kulo fa mwa muzuzu fela ni ku mi bulelela nto yeñwi. Ha lu tutuleñi nto ye hanyinyani. . . ya na ezize Willie fani, mi ni kubulela kuli i lukile. Ha lu buleleni fela kuli ku lukile. Ha ni koni kubulela cwalo, mizwale. Yeo ki hembeya muikuhumuso. Kuli, Hani koni ku. . . Niha ne Nika i lumela, Hani koni ku ibulela. Mwabona? Yomuñwi fela uka i bulela, ki yena yoo.

<sup>394</sup> Kono, fa, inge fela mo ne Ni buzelize, babañwi ba bashimani, haiba ne ba ka paka nyana za lika ze ezahalile. Ha ni tabelangi kutaha fa katala ni kupaka litaba ze kile za ezahala mwa mukopano. Mutuhele muina sipula kamba mutu yomuñwi fela aeze zeo, yomuñwi a li eze. Na ha ni tabelangi kueza cwalo.

<sup>395</sup> [Muzwale uli, “Hanili mane nebatile ku Joani mi bali, ‘Kana ki wena Kreste?’”—Mu.] Eehe, kona cwalo, se Ni lika kufita ku sona. [“‘Kana ki wena Mupolofita yoo?’”] Na li latuzi. [“Na si ka bulela nihaiba alimuñwi, na ize, ‘Ni alimuñwi fela ya huweleza mwa lihalaupa.’”] “Linzwi la ya huweleza mwa lihalaupa.” Na i peile hande mwa sibaka sa hae.

<sup>396</sup> [Muzwale yomuñwi uli, “Ne ba mu buzize haiba nali yena Mupolofita yani, na ize ‘Ha ni cwalo.’”—Mu.] Eehe. Cwale. . . Kakuli Mupolofita neli Yena yana bulezi Mushe ka yena. Mwabona, yani ki yena Mupolofita, mwabona. Mwabona? Kono na ziba yo nali yena, mwabona. Kono na bulezi, cwale, kuli. . . Na ba bulelezi, mwabona, mi na bulezi kuli, “Kina linzwi la alimuñwi. . .” Yani neli yena. Na—na bulezi sa nali sona. Mwabona? Kono nali wa. . .

<sup>397</sup> Zwelapili cwalo. [Muzwale uli, “Mi Kreste ha taha, inza latelela Joani, ba taha ku Yena, se bali, ‘Lu lutilwe kulumela kuli Elia na ka taha fapila Mesia.’ Ki hali, ‘Haiba mwakona ku li amuhela.’”—Mu.] Yani neli yena. Yeo ki niti. Yeo ki niti. Mi Joani azwelapili kubulela kuli, “Ha ni sesiñwi! Ha ni sesiñwi! Ha ni swaneli neba kutumulula kwele ya likatulo za Hae!”

398 Kono kucwani he ka nako ya bulela Jesu ka yena? Ki hali, “Ki mañi ye mu ilo bona?” Eehe. Eehe. “Kana muilo bona lutaka lo lu zukuzwa ki moya? Kamba ki sikamañi se muilo bona, mutu ya apezi liapalo za bulizi ni zeñwi?” Ali, “Bapila mwa muleneñi wa mulena baba cwla. Kono kana muilo bona mupolofita nji? Ni li eni, mane ufita mupolofita.” Na fitelela mupolofita, nali numwana wa bulikani. Sani kona sa nali sona. Na fitelela mupolofita. Ki hali, “Hakusikaba kale muuna ya pepilwe ki musali yomutuna sina yena mwa nako ye.” Mwabona?

399 Kona mo ne kuinezi cwalo, mwabona, nali numwana wa bulikani. Nali yena yana mu zibahalisize ni kubulela kuli, “Yo ki Yena.” Bapolofita babañwi kaufela ne ba bulezi ka Yena, kono Joani ali “Yo ki Yena.” Mwabona?

400 Cwale mulemuhe. Cwale mutokomele. Muuna ya butali na latelezi nalela. Ni ka li kutisa ka nzila zenyinyani cwalo, mwabona. Muuna ya butali na latelezi naleli, inza buza, “Kana U kai Mulena wa Majuda?” Mu utwile pina yeo. “Lu boni naleli ya Hae kwa upa mi lutile ku to Mu lapela.” Mu utwile zeo, mu li balile mwa Mañolo. Ku lukile.

401 “Kuya kwa neku la wiko, isa zwelapali, Luise kwa Liseli la Hao le li petehile.” Mwabona, naleli ne i sweli kuzamaisa kuliba kwa Liseli le li petehile, kakuli naleli ne i monyeha fela Liseli. Kwani kona ko ne lu zusize taba ye kwanu zazi leliñwi. Mwabona? Ki babakai bene bali kwanu la Sunda ku to bona sani? Mwa bona, kona ni feza kukutaza ka zona. Kanya ya Shekina ne i bonahalela mwa naleli, mi naleli ne Li bonahalisa. Ki le fa Lingeloi la Mulena inge liyemi fa katala fa inge li Li monyehela kwa mulaho kwani, ka Kanya ya Shekina. Ona cwalo fela ki not yeswana. Ki lani nelili fani handende. Kotalima fa ku la niti, kotalima kwande kwani mi Li sweli kumonyeha handende kwa matuko sina cwalo. Mwabona?

402 Cwale mulemuhe se, cwale, naleli yani ne i kalezi kwa upa. Kana ku cwalo? Ne li naleli yetuna. Ku lukile. Mi naleli ya lifasi neli ifi mwa nako ya kutaha kwa Jesu? Kipalañi, Joani. Nali yena yana ba zamaisize mwa Liseli leli petehile lani. Ki niti yeo nji? Kwani neli kwa upa ka kubonahala kwa pili kwa Jesu. Mi, cwale, kuna ni linaleli zenyinyani zeñata ze silana mwa mbyumbyulu kufitela litaha kwa naleli ya manzibwana.

403 Mi naleli ya manzibwana i monyehanga manzibwana. Naleli ya kakusasana i monyehanga kakusasana. Mi bubeli bwa zona ki buima bobuswana ni naleli ya mufuta o swana. Cwale mubeye tuu ni tuu hamoho mukaba ni kalabo, mwabona. Mwabona, ki fo he cwale. Kacwalo ha ki. . . Naleli ha ki Mesia, u bonisa fela Mesia.

404 Cwale, naleli ha i monyehi liseli la yona. Naleli imonyeha liseli la lizazi. Kana ku cwalo? [Muzwale uli, “Batili.”—Mu.] Huh? [“Ka manzwi amañwi. Ki kweli yeza zeo; linaleli li monyeha

liseli la zona.”] Eehe. Eehe, kweli, eehe, ya- . . . Ni talusa kuli kweli imonyeha liseli le. Eehe, Uh-hum. Cwale, haiba—haiba naleli i monyeha liseli la yona, kona kuli liseli la yona lina ni kuzwa . . . ku Mulimu, kakuli ki lumonyi lwa mufuta omuñwi. Nji cwani? [Muzwale uli, “Lizazi.”] Huh? Lizazi lona luli, kuzwa kwa lizazi. [“Lizazi li kwahule hahulu ni lizazi la luna.”] Eehe. Mi ba. . . Lu bulelelwa kuli lizazi lani lizwile kwa lizazi lelituna. Lizazi li kasheza mandalamiti nyana a kwateni mi ki tu ndalamiti nyana to tu tuka sina lizazi. Kona kuli ki lizazi mwa bunyinyani ku luna. Kana ku cwalo? Maseli a manyinyani. [“Amañwi ki. . . buñata bwa ona ki amatuna kufita lizazi la luna.”] Ni talusa ku luna, ku *luna*, mwabona. Lu ambola za luna bañi fa. Ku lukile.

<sup>405</sup> Cwale, haiba ki mazazi ku luna, kamba mamonyi a liseli, konakuli ki liemba za mufani yomutuna. Mwabona? Lizazi lelituna li lufa liseli lelituna, ili liseli le li petehile. Lizazi nyana, kamba linaleli zenyinyani, ze lu bona mwa milalambinda, likona kuba kwahule ni—ni lizazi le li monyeha, kono se limonyehela ku luna ki liseli mwa bunyinyani. Kono zona li lufa fela bupaki bwa liseli lani. Kana ku cwalo? Mi cwale lizazi lelituna ha li pazula, tuzazi to tunyinyani twa likela. Kana ku cwalo? Ha ki—ki lizazi ku luna, ki siiponi inge lizazi. Mwabona se Ni talusa?

<sup>406</sup> Cwale, le lituna mwahala zona (kakusasana) le li biza kutaha kwa lizazi, kulikela kwa lizazi ni kutaha kwa lizazi, ki naleli ya kakusasana ni naleli ya manzibwana. Kana ki niti yeo? Linaleli zepeli zetuna hahulu, naleli ya kwa upa ni naleli ya kwa wiko.

<sup>407</sup> Cwale, cwale mwabona ko iinzi? Elia neli mulumiwa ya na li bizize, kubiza kutaha kwa naleli ya kwa upa, mi abulelela muzibahazi wa—wa naleli ya kwa wiko, kamba kutaha hape kwa lizazi lelinca kasumulaho wa kulikela kwa lizazi le. Cwale mwa bona seo sili sona?

<sup>408</sup> Kwa upa, “Ku kaba liseli mwa. . .” Mwabona, bukaufi fela ni Lizazi li si ka pazulwa kale kwa lifasi, naleli ya kakusasana ipaka kuli “Lizazi la taha.” Kana ku cwalo? Mwabona, sani kona se si tisa naleli ya kakusasana. Kihande, cwale naleli ya kakusasana ni naeli ya manzibwana ki linaleli za mufuta o swana, mi kuna ni linaleli zeñwi zenyinyani kai ni kai. Kana hamuboni se Ni talusa? Balumiwa.

<sup>409</sup> Kihande, he, Ha talimwa na bonahala sina Alfa ni Omega, wa Makalelo ni wa Mafelelezo, licwe la Jasper ni Sardijs. Mwabona se Ni talusa? Cwale, kutaha kwa—kwa Krete ku sutelezi fakaufi, konakuli Liñusa la na lukela kukutaza Elia mwa mazazi a maungulo, haiba kuna ni kukutela kwa litaba za kale. . . Inge fela naleli yakakusasana mo i zibahaleza kutaha kwa yona, naleli ya manzibwana i zibahalisa kutaha kwa lizazi lelinca, zazi leliñwi. Kwa kona kutaha kwa lizazi ni kuzibahalisa kwa—kwa kuta kwa—lizazi le lubile ni lona ni kutaha kwa

lizazi lelinca, mwabona, lusika lolunca, nako yenca ya kutaha mwateni.

410 Cwale, muteeleze ku ze: Mi, haiba Joani na tisize liñusa la hae ni ku zibahalisa kutaha kwa Kreste, mi Elia utaha ka lizazi la mafelelezo, mupolofita naize, “Ku kaba Liseli mwa nako ya manzibwana.” Ka manzwi amañwi, ku kaba Liseli ka nako ya manzibwana.

411 Liseli la manzibwana, liseli lelituna la manzibwana le lunani ki naleli ya manzibwana, liseli lelituna le lunani. Kihande, he, li lukela ku zibahalisa liñusa leliswana lene liliteni fa naleli yeñwi ye. Li sweli kubiza lizazi, ku ambola ka lizazi.

412 Kihande, cwale lu mwa nako ya manzibwana, Maseli a manzibwana ateni fa. Lusika lo lu felile. Mwabona se Ni talusa? Zazi le li felile, mi ku kaba ni kupazula Lizazi leliñwi le li sa taha.

413 Kakuli, mwabona, zeo luli. . . Haiba mutu nali kwa wiko ni kutalima kwa naleli yani, ikona kuba kwa upa. Mi cwale, mwa bona, “lu boni naleli ya Hae kwa upa,” kono bona nebali kwa. . . ne bali—ne bali kwa upa inge ba talimela kwa neku la wiko naleli yani. Kana ku cwalo? Muuna ya butali na kwa wiko. . . kwani kwa upa inza talima kwa mulaho kwa naleli ya kwa wiko. Mwabona se Ni talusa? Kono neli naleli ya kwa upa ku bene bali kwa wiko.

414 Mwabona, inge ha ne lu ka bulela kuli. . . Na bulelanga hañata kuli, “Fafasi neku le linanuhe.” U ziba cwani kanti yeo kona niti? Lu yemi mwa Kuyakuile, konakuli Neku la Mboela lakona kupahama mi Neku la Mutulo lakona kuba fafasi. Ha lu zibi. Mwabona, nzila ya ku kambama ki kushetumuka. Mwabona? Luna lu. . . Lu ka siya se; kasamulaho wa se lukena mwa Kuyakuile. Ki ku huweleza, kubiza kutaha kwa Kuyakuile, mwa lizazi lelishutana, nako yeshutana, ni zeñwi hamoho.

415 Cwale lu mwa nako ya manzibwana. Lwa lumela cwalo. Lu lumela kuli kutaha kwa Mulena ku sutelezi. Ku lukile. Cwale, haiba zeo li cwalo, konakuli ku lukela kuba Liseli la manzibwana. Mi Liseli la manzibwana, kuya ka Malaki 4, lene li lukela ku “fetula lipilu za bana kwa bashemi,” kukutela kwa simuluho.

416 Kono cwale ha na tile ka nako yapili, na sweli kufetula lipilu za bashemi kwa bana. Bana neli bona bene ba kopanezi ku yena. Na lukela kutisa bana. . . lipilu za bashemi (ba kale, bashemi ba orthodox) kukutela kwa liseli le la na sweli kupatalaza fa.

417 Kono cwale ha taha hape, u swanela kukutela hape (kana mu lemuhile, lifasi li si ka sinyiwa kale, “lizazi lelituna le li sabisa la Mulena”) mi “afetula lipilu za bana kwa bashemi,” naleli ya manzibwana—naleli ya manzibwana yeneli naleli ya kakusasana ka nako yani. Amen.

418 Na sepa—Na sepa Ni li bulela ka swanelo, mwabona. Naleli ya manzibwana yeneli naleli ya kakusasana, kakuli ki naleli yeswana. Lu kwa wiko, lu talimela kwa upa. Nebali kwa upa, inge ba talimela kwa wiko. Ki yona naleli yeswana fela. Mwabona se Ni talusa? Ku itingile fo i nezi, mwabona, kamba ki naleli ya kwa upa kamba naleli ya kwa wiko. Mwabona se Ni talusa? Ku lukile.

419 Cwale, i tisa . . . yeñwi itisa tumelo ya bashemi kwa bana; mwa nako ye ki “tumelo ya bana kukutela kwa bashemi.” Mu ile kwa ni kwa, ni kukuta hape. Kana hamuboni se mu talusa? Mwabona se Ni talusa? Ki naleli yeswana ka nako kaufela. Ki nto yeswana, ki Liñusa le li swana, nto yeswana ikutile hape. Zeo li felile.

420 Mi u ziba cwani nzila yo lukela kuya ka yona? Ni lumela kuli nako ya taha ha ba ka ziba kuli mane lifasi ha li potolohi. Ni lumela cwalo ka pilu yaka kaufela. Ha ni sepi. . . mo ba li boniseza ka sayansi kamba sika kaufela. Ba ezize lika zeñata za sayansi ze bonisa kuli ne ba kuta kwa mulaho. Mulimu naize kuli lifasi la yema . . . lizazi. Ni talusa kuli lizazi la yema kufita lifasi. Mwabona, ki lizazi. Na kaniti hani lumeli kuli lizazi . . . Na—Na—Na hani lumeli kuli lizazi liezanga ze ba bulela. Ni ziba kuli kweli ya potolohanga, mi Ni lumela kuli—kuli lizazi la potoloha ni hape. Mwabona?

421 Kono babañwi ba bona bali, “Na talimile ku sa ziba kwa Joshua, mwabona, mi” ali “Na tuhelimize . . . ali ki . . .” Kihande, ki hali, “A yemisa lifasi.”

422 Na li, “Mi u ni bulelela kuli, ‘Haiba li—haiba lifasi likona kuyema, likona fela kuwa inge licwe le li shengunukiswa ki lizazi mwa mbyumbyulu.’ Mwabona?” Se nili, “Konakuli, ki sikamañi sene si ezahalile?”

423 Ne ni sweli kuambola ni Bo. Thiess kwani, muluti wa Biblele mwa sikolo se si pahami; mwa ziba yo nali yena, kono na bulezi cwalo. Se nili, “Ni lumela se ibulezi Biblele, kuli lifasi li ka tuhela . . .” Se nili, “Ni talusa, ‘lizazi ne liyemi.’ Joshua ali kwa lizazi, ‘Aku yeme!’ mi ayema fani.”

424 Ki hali, “Kihande, Na yemimize fela lifasi, Na boni fela butimbi bwa Joshua.”

Se nili, “Aku eze zeswana ni wena ka butali bwa hao, kanti.” Mwabona?

425 [Muzwale uli, “Ni lumela kuli bakona ku bonisa ka sayansi butelele bwa—bwa nako yeo lizazi ne li tuhelezi.”—Mu.] Eeni, kwani bona . . . Ni utwile cwalo, nina. Eni, kona mo bulelela . . . Ne ni utwile mubali wa linaleli kwanu nako yeñwi kwa mulaho yana ambola ka zeo, kuli na ka libonisa. Mi ka nako yeswana yene ba . . . sesiñwi sa ezahala mwahalimu mwa mbyumbyulu zene ba bona ko ne kuezahalile sika mwa Lihalimu mi sa kwalula Liwate Lelifubelu ka nako yani ni nto yeñwi. Ne li bonimize zeo

kaufela. Kihande, mushimani, Na ku bulelela, linaleli kuzwa mwahalimu kafoo kokuñwi ze ne ezize nto yecwalo ka nako yani. Konohe, zeo li tungile hahulu ku luna.

<sup>426</sup> Kacwalo, he, libaka leo Liñusa le . . . Liñusa le li ka talimwa ka mabaka a cwana, ili kupaka kuli ku cwalo. Cwale, lwa ziba, mizwale, kuli mutu hakoni kuba Mulimu. Mutu, ibo ki mulimu, mañi ni mañi wa mina ki mulimu. Ne mu bupilwe kuba mulimu, kono isiñi ha mu sa li mwa bupilo bo. Mwabona? Jesu nali mutu sina luna mo luinezi, kono Mulimu nali ku Yena. Mutalelela wa Mulimu noli ku Yena; luna ni Moya ka kulikana ni sikala.

<sup>427</sup> Kono bakeñisa kuli Liseli le litile, mi haiba Ki lona Liseli la niti le li swanela kubiza Liñusa leo Joani Mukolobezi na kutalize, sina ha Na bulezi kuli kono mwana ezelize cwalo kwa nuka kwani . . . Mi mutalime fela, likona kuba cwani—likona kuba cwani nto isili fela? Amu ni talime, mwabona, mane kusina neba tuto ya sikolo sa sikuwa. Ha Na ni bulelezi lika ze ne ka ezahala, hakuna nihaiba iliñwi ya zona ye palezwi. Hakuna ni yekana yazona ye palezwi. Mutalime Sa ezize. Mutalime, mane Yena mane una ni . . .

<sup>428</sup> Mi Na bulelela mizwale, kwa mulaho mwa lilimo zefelile, Ha ni zibi ya ka hula kuba yomuhulu hahulu, kono ababulelela ka litaba ze, ka za kubona Liseli le ni mubala wa Lona mo no bezi, ni lika kaufela. Cwale siswaniso si bonisa kuli ki niti. Lika ze shutana ze kaufela lipaka kuli ki niti. Kana ku cwalo? Kihande, he, haiba yeo ki niti . . . Mi lona ki Liseli.

<sup>429</sup> Cwale, lukale ka foo . . . [Hakuna manzwi fa tepu—Mu.] . . . fahalimwa timana ya 35 yeo, kamba Ni talusa kuli . . . Halu kaleleni fa timana ya 14, muzwale. Ki mañi ya i apuzi? Ku lukile. Lukalele ka timana ya 14 ya kauhanyo ya 3 ya Muhalalehi Luka foo. [Muzwale ubala Luka 3:14-16.]

*[Mi masole ni bona ba mu buza, bali, Cwale lu swanezi kueza lifi? A li ku bona, Mu si ke mwa nga sa mutu ka ku mu amuha ka tata, kamba ka ku mu tameleza milatu ya buhata; Mu koliswe ki mali a mu hola.]*

*[Sicaba se ne si libelezi ka sepo ye tuna, mi batu kaufela ne ba ipuza mwa lipilu kabakala Joani, kuli ki yena Krete, kamba nee;]*

*[Joani a alaba, ali ku bona kamukana, Na ni mi kolobeza fela ka mezi; kono ya taha wa ni fita kwa maata, mane ha Ni swaneli nihaili ku tamulula mihala ya makatulo a hae: uka mi kolobeza ka Moya o Kenile ni ka mulilo:]*

<sup>430</sup> Ku lukile. Neli sikamañi sani? Sicaba ne sili mwa tibeledo ya kuli Mesia abonahale, ha ba bona bulumiwa bo bu tozizwe boo, ka za muuna ya na zwa mwa lihalaupa ni kuba ni sikundi ni kukutela mwa lihalaupa, baana babañata, bene bali balateleli ba hae, bali, “Ki yena Mesia.” Ne ba libelela cwalo, mwabona.

431 Mi haiba le kona Liñusa la niti la Mulimu lene li twaaleta Kutaha, kwa Joani Mukolobezi, kwa swana . . . sina nto yeswana, Liñusa la Elia, li ka hupulwa mwa mukwa o swana. Mwabona? Kacwalo seo sa alaba puzo yeo, Na sepa, kiniti. Mwabona? Sina ni ku hupulwa ka mukwa o swana. Mwabona?

432 [Muzwale wa buza, “Kana kuna ni sika se lu swanela kueza fa kulika kutusa mutu yakona—yakona kuamuhela za—kuba mwa kangisano ye cwalo? Kamba ki sikamañi se lukona kueza?”—Mu.] Haku koni kuba sika, hakuna so kona kueza. [“Ngana ye lyangani . . . Kana seo sa kona kuhula kutaha mwa ngana ye lyangani?”] Kihande, li ka fita fa ngana ye lyangani haiba litaha ku se: haiba muuna, sani ne si bulezwi, ne si paka kuli neli yena Mesia, konakuli lu ziba na ka ba kreste wa buhata. Mwabona?

433 Mwabona, haibile fela mutu na ka swala mayemo a hae, mwa bona. Inge mo ne ba bulelezi Joani, Joani na sika . . . Ha si buleli taba fani ka yena kubulela sika ka bona. Nebali ba—nebali ba batu—batu bani, ili—ili Bakreste babande bao . . . kamba balumeli bene ba lumela ku Joani.

434 Se bali, “Muuna yo kaniti ki mupolofita wa Mulimu, hakuna ku kakanya.” Se bali, “Kana—kana—kana—kana—kana ha ki wena Mupolofita yoo?”

Yena ali, “Batili.”

435 Ki hali, “Kiñi, kana—kana—ha ki wena Mesia nji?” Mwabona, neba—neba hupula kuli nali yena luli. Mwabona?

Ki hali, “Batili.” Mwabona?

“Kana—kana—kana ha ki wena nji? Kiwena—kiwena mañi?”

Ki hali, “Ni linzwi la ya huweleza mwa lihalaupa.”

436 Mi cwale Biblele ibelezi kuli, “Sicaba ne si li mwa tibeledo.” Neli mañi yani? Bateelezi ba hae, bateelezi ba hae, balateleli ba hae, mizwale ba hae. Mwabona? Cwale, ne ba sa lati ku mu utwisa bumaswe, ne ba sa liki ku mu utwisa bumaswe. Kono, mwabona, bona—bona ne ba nahana mwa lipilu kuli nali yena Mesia.

437 Kihande, cwale, litaba za kale lina ni ku kutelanga fa ni fa nako kaufela. Lwa ziba cwalo. Lina ni ku kutela zona liñi.

438 Sina ha ne mu ka talima mwa Mateu 3, i ize kuli, “Kuli li talelezwe, ku bulezwi ki mupolofita kuli, ‘Kuzwa mwa Egepita Ni bizize mwana ka.’” Cwale, sani ne si . . . Ne si bulela ka za Jesu, yena Mwana; kono ne si fitile mwa siswaniso; neli Jakobo, yena mwana, ni yena hamoho. Mwabona? Mwabona? Kaufela lina ni litaluso zepeli.

439 Kacwalo he haiba seo . . . haiba—haiba taba yeo ne i si ka taha, Ne ni ka bulela kuli ne li sa taha kwa pili, kakuli Ni ziba kuli Liñusa le lizwa ku Mulimu mi ki ku twaaleta kwa Kreste, mi



ki Moya ni mata a Elia kakuli ki ku kutiseza lipilu za bana. Lika kaufela libonisa cwalo handende, kacwalo li swanela kuezahala mwa buino bobuñwi kuli libe kwa sicaba sa niti, se—se si lumela kaniti ni mizwale ba mina ni balikani.

440 Cwale, Ni bile ni . . . Nina ni dokota ona mwa tolopo moo. Na kona ku mi bulelela za dokota yoo . . . Hanina ku mi bulelela libizo la hae, ki mulikana ka ya na ni kumbatezi mazoho, mi ali, “Billy, ne ku kaba bunolo kuli ni ku bulelele kuli, ‘kiwena Mesia wa Mulimu wa lizazi la mafelelezo.’” Mwabona?

Se nili, “Doc, usike wa eza cwalo.”

441 Ki hali, “Kihande, Hakuna ye ni bona mwa lifasi ya kile aba ni sika ni kubulela lika ni kueza lika zo eza wena, Billy.” Li mu tusize hahulu, mwabona. Ki hali, “Na yanga kwa likeleke ze ni kubona bakutazi ba ni lika zeñwi,” ki hali, “wa shutana ku bona mi Ni ziba kuli ha u si ka ituta hahulu.” Mwabona? “Mi Ni ziba kuli ha u muituti wa za ngana ya minahano, kakuli wena . . . ngana ya butu haikoni kueza lika zeo.” Mwabona?

Mi se Nili, “Yeo ki niti, Doc.”

442 Hakuna tuso ya kuambola ni yena mane ha ku zibi, haukoni kuba ni mayemo a pili ni yena, mwabona, kakuli ha zibi sa kueza. Kono kona cwalo, mwa bona.

443 Ni ziba musali yomunsu ya pila bukaufi ni nzila ye bapani ni na, mi ubeleka ku muuna yomuñwi yo Ni ziba, mi musala muuna yo abizwa, ali, “Musali yani na ka ku kubamela luli ku ku lapela, kakuil na sweli kubulaiwa ki kansa mi wa mu beya mazoho musali yani mi wa li na li . . .” Musali yo ko abeleka, muuna hae ni dokota yomuñwi yo cwana (isiñi dokota yo ne Ni ambola za hae, dokota usili fela) ubapalanga golf ni lika zeñwi hamoho, mi na sa mupalezwi. Mi yani neli mulikana mushimani wa musebezi mwandu, mi na mu palezwi kuli aishwele, mi a foliswa handende. Mi dokota na si ka fumana neba mutala wa yona, wa kansa. Mi, mwabona, na bulelela kuli . . .

444 Cwale, ha talusi ka mukwa o Ni nahana kuli abulele cwalo kamba kuli lu utwisise ka ona. Mwabona? Ba talusa kuli ba—ba . . . Ba talusa kuli ba lumela kuli Mulimu una ni luna, ku luna, inza beleka ku luna; isiñi kuli mutu yenyene abe Mulimu, mwa bona. Cwale, ba ziba kuli Joani nali fela mutu.

445 Mi kona mwa na bezi ni Jesu ali fela mutu. Jesu nali fela mutu, Na pepilwe fela ki musali, nana ni kushwa. Kana ku cwalo? Na li mutu, nana ni kuca ni kunwa, ni kulapa, kulila, ni linyolwa, ni lika kaufela, inge fela mutu sina mina mo mu inezi, sina mutu fela inge Na. Kono Moya wa Mulimu no li ku Yena mwa mutalelela, kusina tikanyo. Nana ni mata a fitelezi.

446 Koo, Elia nali fela siemba sa Moya wani; mwendi na tozizwe ka butuna nyana mwahala bana bahabo yena, kono nali fela siemba sa Moya. Kono sicaba ne si libelele Mesia. Mi ba bona

siemba se fahalimwa mizwale ba bona, se bali, “Oh, mawi, yo ulukela kuba Yena!”

447 Kono cwale ha Na kalile kumonyeha, liseli nyana la Joani la tima. Mwabona?

448 Mi ona maseli nyana a ka tima nako Ya taha, yena Krete yomutuna ya tozizwe wa Lihalimu yana zwa kwa upa kuya kwa wiko. Mi ni . . . mi . . . Mwabona? Kono Haana kuba mwa lifasi cwale, Mesia haana kuba mwa lifasi konji Mileniamu ha se i ka kalisa. Mwabona? Mwabona? Kakuli Keleke, “lu ngelwa hamoho ku katanyeza Mulena mwa mbyumbyulu.” Ha tahi mwa lifasi. U ngela Munyaliwa wa Hae ona foo.

449 U nga manela, mwa ziba, inge . . . Neli papali mañi yani, Leo, fa na beile manela muuna yani fa ndu? Romeo ni Juliet. Yeo ki niti, abeya manela mi a uzwa munyaliwa wa hae.

450 Cwale U ka tuluka fa manela ya Jakobo, ni kubulela kuli, “Psst, Mulatiwa, taha kwanu.” Mwabona, lu ka yo Mu katanyeza mwa mbyumbyulu.

451 [Muzwale wa buza, “Muzwale Branham, kana se si ka zamaelela ni sani? Sicaba se ne si tile ku Joani Mukolobezi mi ne ba bata ku mu biza kuli Mesia. Mi Ni ku utwile nako yeñwi ha u bulela kuli Majuda ba nahana kuli Mesia ki Mulimu.”—Mu.] Uli cwani? [“Ni li, sicaba se ne si tile ku Joani Mukolobezi, ka ku nahana kuli nali yena Mesia, yena Krete. Ne ni utwile ha u bulela nako yeñwi kuli Mesia ukaba Mulimu, kwa Majuda.”] Eeni, sha. Yeo ki niti, ki “muluti.”

452 [Muzwale uli, “Kihande, Joani a ba kalimela, ka kubulela kuli na si ‘yena,’ kuli Krete na taha.”—Mu.] Yeo ki niti. [“Kono kana ha ki niti kuli balutiwa ne ba biza Jesu kuli ‘Mulena?’ Mi Jesu na lumela ku seo, ali, ‘Mu Ni biza kuli “Mulena,” mi kaniti Ni cwalo.”] Eehe. [“Mwa—mwa Joani 13, kwa Na tapisize . . . ? . . .”] Eehe, Na ka lumela cwalo. [“Ka kuba Mulena, eeni, Na lumezi cwalo.”] Na lumezi cwalo. [“Na li lumezi.”] Uhuh. Kono, mwabona, Jesu ka kuba *Mulena*, ha Na buzizwe haiba Nali yena, Ki hali, “Eeni, sha. Kina Mulena mina ni Muluti. Mu Ni biza cwalo, mi mu bulela hande, kakuli Ni cwalo.” Kono . . . [“Kono ha ku si kaba kale mutu usili yakona, kuli . . .”] yakona kubulela cwalo. No.

453 Inge ha ne lika . . . Haiba yomuñwi na ka bulela kuli Na ni mulimu, kihande, halu boneñi ni mi bulelele ka Libizo la Mulena Jesu kuli “Ao ki mafosisa!” Mwabona? Ni muezalibi ya pilisizwe ka sishemo, ni Liñusa *lelizwa* ku Mulimu. Mwabona? Mwabona?

**124. Kana ki swanelo kamba ha ki swanelo kuli keleke i iponelange litaba zayona, za yona—yona mwa (sibaka) kuiponela za yona isika tokomela kale za kwa libaka za kwahule? Konohe, kasamulaho yona . . . za yona . . . Ha se italimile kale litaba za yona, ki kuya ka Mañolo kuli keleke**

**yamwa sibaka kuli itusange mwa misebezi ya kuhasanya linzwi ka mo ikonela?**

<sup>454</sup> Eehe. Kiniti. Likute li kalisezanga mwa lapa, mwa bona. Lu—lu—lu tokomela zeili za luna mo, kakuli nelukaba ni... ye ki keleke ya Mulimu, kamba lifi kaufela, keleke yenyinyani ya mina, ki keleke ya Mulimu. Cwale, haiba hamukoni nihaiba kulifa bo mulisana ba mina, mupalelwa nihaiba kuitekela libuka za lipina ni lika zeñwi, hamu lukeli ku luma lituso zamina kusili mane. Mwabona? Kono cwale ha se mufelize kulifa za keleke ya mina, ni zeñwi kaufela, likoloti za mina li lifilwe ni zeñwi kaufela, ha se ilukisizwe ni kuzwelapili, konakuli fo mutuse muzwale yomuñwi ya tokwa tuso yali kwahule, mwa bona. Munge ze likani . . .

<sup>455</sup> Na lumela, hane . . . haiba mulifa za keleke ya mina Ni kaba ni kashelēni nyana kaka lukiselizwe musebezi wa buhasanyi ka lineo haiba sicaba si ikutwa kubata kufa kwa lituso za kwahule. Kakuli buñata bwa batu ba ka fa kwa lituso zakwahule kanti ba palelwa kutusa likeleke za mwa sibaka ni litaba zeñwi cwalo. Kacwalo haiba ha batusi kwa libaka za mwahule, ba ka itusisa kwa lika zeñwi. Kacwalo Ni ka bulela kuli mubange ni kakatana nyana ka mshelēni a likeleke zakwahule, mi Ni ka . . . Cwalo kona mo lu lika kuezeza.

**125. Luka 1:17, shangwe tatulula kutaha kwa Joani “ka moyo wa Elia.”**

<sup>456</sup> Kihande, Ni sepa kuli lunge fela Luka—Luka 1:17, uh-huh, kutaha mwa “moyo wa Elia.”

<sup>457</sup> [Muzwale wa buza, “Kana fo kona fo ba zwisa tuto yabona ba nzila ni mioya?”—Mu.] Shaa? [“Kana fo kona batu baba lumela mwa kutaha mwa mibili yeñwi ba zwisa tuto yabona?”] Ni sepa cwalo. [“Mwabona, ba lumela kuli na kutile mwa . . .”] Eeni. [“ . . . na kutile ni mubili usili] Eeni, mwabona, ki niti kuli moyo ha u shwi. Yeo ki niti. Mulimu unganga mutu wa Hae kono isiñi Moya wa Hae. [“Ba li, ‘Haiba ubile yomunde uka kutela mwa—mwa mubili wa mutu yomuñwi yomunde.”] Eehe. Eehe. [“Haiba ubile ya maswe wakona kukuta mwa nja.”] Eehe, bana ni . . . Eehe.

<sup>458</sup> Kihande, cwale, sina mwa—mwa—mwa India, neli sikwata sa batu ko ne lu fumani ze cwalo, mi nebaka—nebaka kolopa neba fa bulilo; kubulaya tusundila ka mahutu kamba nto yecwalo, ikona kuba muhabo kamba nto yeñwi cwalo. Mwa bona, ne ba si ka eza cwalo. Kono, mwa bona, bwani—bwani ki buhedeni. Mwabona? Bwani ki buhedeni. Yeo ki niti.

**126. Paulusi ali kwa . . . Paulusi ali kubona “Muikataze hahulu kubata limpo, kono Ni mibonisa nzila ye pahami.” Shangwe tatulula se sitaluswa ka “nzila yende” yeo.**

<sup>459</sup> Lilato, Makorinte Bapili 13, mwabona. “Mubate . . .” Munge Pili . . . Cwale munge Makorinte Bapili 13 foo, muzwale.

Makorinte Bapili, kauhanyo ya 13, mi cwale mubale fela litimana zetalu kamba zene za yona. Makorinte Bapili 13, ya mafelelezo. . . mwendi litimana zetalu za mafelelezo za kauhanyo—za mwahala a- . . . [Muzwale ubala Makorinte Bapili 13:11-13—Mu.]

*[Hane Ni li mwana, Ne ni bulela sina mwana, Ne ni utwisisa sina mwana, Ne ni nahana sina mwana: kono ha Ni se ni bile muuna, Ni beya kwatuko za bu mwana.]*

*[Kakuli cwale lubona ka siiponi, ka lififi; kono nako yataha fo ikaba pata ni pata: ka nako yacwale Ni ziba neku leliñwi; kono nako yataha ha Ni ka ziba sina mo Ni . . . zibelwa hape.]*

*[Mi cwale ze ina kuya kuile ki tumelo, sepo, ni lilato zetalu zee; kono ye tuna ku zona ki lilato.]*

Uh-huh, lilato, mwabona?

**127. Kana muzwale ulukela ku nyaziwa cwani yana ni bufokoli bwa kuipeyanga fa lilulo mwa keleke a si ka kupiwa kuezwa cwalo?**

Oh, mawi! Kihande, ha mu itiise nyana mu nyande ni yena, Na sepa. Mwabona?

**Kana muzwale uka atulwa cwani. . . Ha lukeli ku atulwa! . . . yana—yana ni bufokoli bwa ku ipa litulo mwa keleke a si ka kupiwa kuezwa cwalo?**

<sup>460</sup> Ka mutala, haiba na bata kuba—kuba dikoni. Mwabona? Mi ha kupiwi ku eza cwalo, kono niteni ubata kuba dikoni ni kupali kumane, mwabona. Kihande, haiba mutu u cwalo, u ziba kuli kuna ni nto yenyinyani, mwa ziba, ya fokola kokuñwi, nihakuli cwalo, mi kacwalo Ni ka mutalima fela ka lilato.

<sup>461</sup> Mi, kakuli, ha muna kutabela ku—ku eza sika se si cwalo haiba ha u zibi luli. Mubeye muuna wa mina yomunde yo mukona fa situlo seo, mwa bona, sina cwalo. Muzwale, musike mwabeya sika mwani sesi. . . Mulike muuna yani, pili. Dikoni una ni musebezi omutuna kufita musebezi wa mulisana. U lukela kuba yasina mulatu, yo kwateni ki dikoni. Mwabona?

**128. Kwa sebelezo ya mulalelo, mutu ataha kwa katala ku to lapela. Muzwale Branham na yemi kwa mulaho wa—wa lipiza za mulalelo ha ne basweli ku lukisa, ki hali na “na sa mulumelezi kulapelela muuna yani kwa katala.” Nikupa kuli utatulule shangwe.**

<sup>462</sup> Ne ni lumile mutusi, mwa bona, Muzwale Neville. Na hupula busihu ha ne si ezahalile. Ni lukela kuina tafule ya mulalelo yani, mwabona, neba hane. . . Mutalime kwanu. Cwale, Hanina nako ya kukena ku zona. Yomuñwi ya inzi mo ya buzize, eni sha. Ki se fa mo siinezi, muzwale. Mi—mi hamuna ni mulalelo, yani ki ponahazo ya mubili wa Jesu Kreste. Ikona kuba kuli. . . Ilukela ku silelezwa ka nako kaufela.

463 Mutalime, fani Elia hana ize ku—ku Gehazi, “Nga mulamu waka” (na fuyozi mulamu wani), ki hali, “ikele mwa musipili. Mi haiba mutu a bulela, usike wa mu alaba. Haiba mutu aku lumelisa, usike wa mu lumelisa. Zwelapili kuya, mi ubeye mulamu wo ku mwana.” Kana ku cwalo? “Ina ni mulamu woo!” Mwabona? Mi kona zene Ni eza.

464 Cwale, kambe nekusina mulisana wa mutusi kwanu, ya na yemi fani . . . Ne se ni felize kukutaza. Na hupula hane kuli cwalo. Mi Na . . . haiba neba . . . kambe Muzwale Neville na si ka yema fa, kamba mutu ya ka tusa muuna yani kwa katala . . . Ne se ni felize fela kukutaza, kacwalo Ne ni yemi fa tafule ya mulalelo. Mi hane ba bata kuca mulalelo, mi Ne nili kale mwa—mwa nako ya kufa mulalelo. Muzwale Neville na yemi fela, mi Ne ni sweli kufa mulalelo. Cwale, Muzwale Neville na yemi fani.

465 Kucwani kambe na ka taha kwa katala ni Muzwale Neville inge a sa li mwa kutazo ya hae, mi inza kutaza? Ne ni kaya kwa katala ni muuna yani, haiba na ka zwa mwa mukopano inge a sa kutaza, aya kwa katala. Ne ni boni muzwale waka nali . . . kuli nana ni tozo ya Moya. Ha na kutaza. Nali mukutazi mwa . . . nali mwa musebezi, mukutazi mwa musebezi wa hae.

466 Mi ha mu lukeli ku ba tuhelela kubulela ka malimi, ku lyanganisa, kamba mukwa kaufela, mukutazi mwa musebezi. Ibo, haiba Moya o Kenile ubulela ku yomuñwi mi u matela kwa katala ku yo piliswa, mutuhele mukutazi azwelepili ni musebezi wa hae; mutuhele mulisana, dikoni, mutusi wa mukutazi, haiba kuna ni mutusi kamba mukutazi kaufela, mu mutuhele atalimane ni mutu yoo kapili. Mi musike mwa kataza mukutazi ya li fa musebezi wa hae. Mwabona?

467 Mi Ne ni yemi kwa mulaho wa sipula fa musebezi, inge ni fa mulalelo. Mi ni yena mubakweli waka, Muzwale Neville, na yemi bukaufi nina. Mi muuna yomuñwi amatela kwa katala, Se nili, “Zamaya, zamaya ku yena, Muzwale Neville.” Mi Muzwale Neville aya ku yena. Kona ha ne Ni si ka ya.

468 Cwale, haiba nekusina mutusi kwanu, kamba kusina neba ya na kaya kukatanyeza muuna yani, Ne ni ka tuluka ni kutuhelisa mulalelo, ni kutuluka ni—ni kubona moyo o no piliswa wani. Mwa bona? Kono bakeñisa kuli nekuna wa ku luma, ne si ka ni zwisa fa sibaka sa musebezi, mwa bona, kone Ni sebeleza mulalelo.

**129. Ki sikamañi sa kona kuezza mutu . . . Ki sikamañi sa kona kuezza mutu ha sweli kutusa mutu ya bata Moya o Kenile, ni kuina hande ka Mañolo?**

469 Ku lukile. Muzwelepili fela kubulela Linzwi ku yena, kona nto yende ya kuezza. Linzwi lina ni Liseli. Kubulela fela kuli, “Muzwale, Jesu na Li sepisize. Muhupule, ki sepiso ya Hae.”

470 Musike mwa mu nyanganyisa, ku mu kasha kasha, kamba ku mu potolosa, kamba sesiñwi. Fela musike mwa lika ku—

ku . . . batili, musike mwa lika ku U fa ku yena, kakuli hamukoni kueza cwalo. Mwabona? Mwabona? Mina . . . Mulimu uka U fa ku yena. Muzwelepili fela kubulela lisepiso hande. Mwabona? Muzwelepili kuyema fani inge mubulela lisepiso. “Mulimu mwa Lihalimu, Ni lapelelela muzwale waka. Sepiso ya hao ki kuli U ka mufa Moya o Kenile.”

471 Mi haiba ulika ku mu susueza . . . U bulela kuli, “Oh, muzwale, mulisana, muzwale,” kamba ki mañi kaufela yali bukafu ni yena, “Ni—Ni bata Moya o Kenile.”

472 “Muzwale, Ki sepiso. Mulimu na file sepiso. Kana u lumela kuli U sepisizwe? Cwale, usike wa U kakanya. Haiba mu lumela sepiso, Moya o Kenile uka taha ku mina fa nako nyana fela cwale. Aku U libelele. Beya lika kaufela zo nani ku Yena, mi uli, ‘Mulena, Ni yemi fa sepiso ya Hao.’”

473 Cwale, tundamena kulibulela. Cwale, bulela taba—taba—taba—taba ya hao, mwabona, mutuhelise . . . Azwelepili kubulela. Muli cwale, “U bulelele Mulimu. Cwale, kana u bakile?”

“Eeni.”

474 “Cwale muli, ‘Mulena, U bulezi kuli hane Ne ni ka baka No ka ni swalela fela. Mu li haiba Ni baka ni ku kolobezwa ka Libizo la Jesu Krete kwa swalelo ya libi za ka, Ne ni ka amuhela Moya o Kenile. Cwale, Mulena, Ni ezize cwalo. Ni ezize cwalo, Mulena. Ni ezize cwalo. Ni libelezi, Mulena. U sepisize cwalo.’”

475 Mwabona, kona cwalo, zwelapili fela ku mu susuezanga. Mubeye fela mwa Linzwi. Haiba Una ni kutaha Uka taha ka nako yeo.

**130. Kana kuna ni mukutazi kamba Mukreste kaufela ya eza hande ya sa lumeli mwa . . . Batili: Kana kuna ni mukutazi kamba Mukreste kaufela ya eza hande ya sa lumeli mwa silelezo ya Kuyakuile?**

476 Cwale, halu boneñi. Ni akaleza kuli “. . . kueza . . .” Mwabona haiba mubala zeo mo Ni balela. Mu ibale. [Muzwale ubala puzo, “Kana mukutazi kamba Mukreste kaufela ya eza hande ya sa lumeli mwa silelezo ya Kuyakuile?”—Mu.]

Ni hupula kuli Ni i utwile hande. Cwale, kihande, Ni . . .

**Kana mukutazi wa lukisa ha sa lumeli mwa silelezo ya Kuyakuile?**

477 Ni lumela kuli mukutazi na lukisa . . . haiba hakuna sa ziba ka za silelezo ya Kuyakuile. Kono haiba wa ziba mi ili kuziba kuli ki Niti, kono u hana ku Li kutaza, u lukela ku no swabanga; yeo ki niti, kamba Mukreste kaufela. Cwale, Mukreste, cwale, Ni ka bulela ku—ku Mukreste ya sa utwisisi seo hande . . .

478 [Muzwale yomuñwi ubuza kuli, “Yeo ha ki tuto ye kwaluhile, kana kikuli, Muzwale Branham, ilukela ku kutazwa kwa sicaba

se si si ka . . . ?”—Mu.] Batili, batili, batili. Cwale, foo kona fone Ni ya. Eehe. Mwabona? Mwabona?

479 Cwale, mwa hupula sene Ni bulezi Sunda yefelile? Haiba u mukutazi, ipumanele katala. Haiba ha u cwalo, pila kutazo ya hao. Mwabona, yeo kona nzila yende ya kueza cwalo ka yona, pila kutazo ya hao. Haiba u mukutazi, ipumanele katala, mwabona, ni kuya kwa ku kutaza. Haiba ha u mukutazi, pila fela kutazo ya hao, kipeto bupilo bwa hao bu be katala ka hao. Mwabona? Ni sepa seo sa kondisa lika, nji cwani? Mwabona? Mwabona? Kakuli linako zeñata lu fumana kuli . . . Mi mina mizwale muezange cwalo mwa likeleke za mina.

480 Muhupule, keleke ya mina fokuñwi ilika kutatulula lika ni kueza lika zeñwi, ki hande kuli mu ba tokomolisange ku ku lieza. Mi haiba mutu kuna ni sa bata ku ziba, atahe ku alimuñwi ya . . . ya lutilwe mo si lukela kuezezwa. Mwa bona?

481 Muli, kihande, cwale, inge mutu mwa kona kubulelela, “Yela, Na bulelela . . . Ba ni bulelela, wena kwa keleke ya henu ulumela mwa silelezo ya Kuyakuile.”

482 Cwale, kihande mutokomelange. Mu kasuhana mwakena mwa butata bobutuna kufita mo mubile teni, mwa bona, ni ku mutiseleza kuba mwa bumaswe ni kufita sapili. Muli, “Na ku bulelela, kambe no ka taha ku to buza mulisana wa luna, mwabona. Mina—mina mu yo ambola ni yena, mwabona. Luna . . . Yeo ki niti, Ni ziba kuli mulisana wa luna wa lumela cwalo. Na lumela cwalo nina, kono ha Ni koni ku liyemela . . . Ha ni mukutazi. Na lumela fela cwalo, kona fela ze Ni ziba. Ni lumela cwalo kakuli Ni mu utwile ha li tatulula hande ka Bibebe, kuli ne li fitelela kukakanya kaufela ku na.” Mwabona?

483 Kono kihande mutuhele mu—kihande mutuhele keleke i bulele ni mulisana ka zeo. Mi, mulisana, a bone kuli wa ziba mwa ku alabela, ni yena. Konakuli mu balisise ka zona hande luli, kakuli linako zeñata ba ka ku tamelela ku zona, mwa bona. Sikamañi . . .

484 [Muzwale uli, “Muzwale Branham?”—Mu.] Ni swalele. [“Ni kolwa hande ka neku leliñwi, kono Ni—Ni ziba pizo yaka mi Ni kolwa hande za kuketiwa kwaka.”] Uh-huh. [“U bulezi fela kuli ‘Haiba u mukutazi, u lukela kuba ni katala.’”] Eeni, sha. Yeo ki niti. [“Ha ni mukutazi, Ni mubuleli.”] Eeni sha. [“Kono katala ka mutu kaufela ki ka ka.”] Yeo ki niti. [“Kono ona fa Na beleka, kuikataza kwa nama. Ha ki musebezi o tata, kono Na beleka, mi ha Ni na katala. Mi Ni lumela kuli nako ya musebezi ye Ni li ku yona ki ka tato ya Mulena. U ni bulelezi kueza cwalo, ka Linzwi ni kupaka za Moya. Mi Ni lumela kuli, kasamulaho, katala ka ka kwaluha.”] Luli, yeo ki niti. [“Kana ki niti yeo?”] Yeo ki niti, muzwale.

485 Muzwale, cwale, kihande kambe wa ya kwa mulaho kwanu u to ikungela buka ya masheleñi a keleke, u ka fumana kuli

Ni lisize keleke ye ka myaha ye sebentini, ni kukutaza zazi ni zazi, kukutaza zazi ni zazi ni kusebeza zazi ni zazi. Mwabona? [Muzwale uli, “Haiba wa beleka, ki sisupo sesinde kuli *u* bizizwe.”—Mu.] Eehe. Paulusi na eza cwalo, nji cwani? Paulusi na suha matalo kueza litende. [“Ni bata ku zwafanga fokuñwi kakuli, sina ha u bulezi kuli, haiba Ni mukutazi, ni lukela kuba ni katala. Niba. . . Ni ikutwa kuba ya zwafa, kono Ni ziba kuli Mulimu uni bizelize kuba ni musebezi, fa nako nyana.”] Luli. Paulusi na panganga litende, nji cwani? Na beleka ka mazoho a hae kuli asike aba ni ku. . . Yeo ki niti. Luli. [“Eehe, oh, kihande, fani kona ko Ni li fumani, ku Paulusi.”] Hmm. Yeo ki niti. Mwabona? John Wesley naize, “Lifasi kona katala kaka.” Kona kuli katala ka hao ka sa kwaluhile, muzwale. Babuleli baya kwa lifasi kaufela. Nji ha ki cwalo? “Muye cwale mwa lifasi kaufela.” Kona kuli katala ka mina ki lifasi kaufela. Eeni, sha.

Puzo:

**131. Kana ki swanelo, s-w-a-n-e-l- . . . Kana ki swanelo kuli dikoni kamba musepahali ainele mwa tuto ya kelekeya habo? Eeni. Yeo ki niti. Kikuli ki mulao kuli aekeze kamba kutusa kwa lituto bakeñisa mubonelo wa hae kamba sinulo? Batili, sha. Batili.**

<sup>486</sup> Dikoni kamba musepahali ulukela kuba ya petehile hande mwa kutwano ni—ni tuto ya keleke ya habo. U lukela kuina ka kupetahala ni toloko ya Mañolo a keleke ya habo, kakuli, ha sa bi cwalo, u lwanisa musebezi wateni. U sweli—u sweli ku ikolofaza iliyena. Mwabona? Usweli kulwanisa. . .

<sup>487</sup> Kikuli, ka manzwi amañwi, inge kuli haiba—haiba—haiba Ni bulela kuli Ni lata lubasi lwa ka kono inge ni ba fepa ka sifanu. Mwabona, kinto yeswana. Mwabona, hamukoni kueza cwalo, mina. . .

<sup>488</sup> Mu—mu sepahali kamba dikoni ka kunga ofisi ya keleke, kamba mubakweli wa ofisi ifi kaufela ye yemela kalulo kaufela ya mubili wa keleke, mwabona, yoo u yemela keleke.

<sup>489</sup> Kona ha ne Ni zwile mwa keleke ya Baptist, mwabona, ka nako yapili. Ne ni bile fela mwani fa nako nyana mi ne ba—neba ni kupa kuli ni beye basali fa bukutazi. Kihande, Ne ni sa koni kupila ka zona. Se nili, “Na—Na hana kueza cwalo.”

<sup>490</sup> Mi mulisana a ni halifela. “Ki sikamañi se? Wena u yomuhulu!”

<sup>491</sup> Se nili, “Dokota Davis, mwa likute kaufela kwa tumelo ya Baptist, ni lika kaufela ze Ni swanela kueza, Ne ni sa zibi zecwana liteni mwa tumelo ya keleke ya Baptist kubeyanga basali fa bukutazi. Yani neli nto iliñwi yene siilwe ku yona.”

Mi ki hali, “Yeo kona tuto ya keleke ye.”

<sup>492</sup> Se nili, “Muñaka, kana Ni lukuluhe busihu bwa kacenu, kamba kikuli uka ni alaba lipuzo zeñwi?” Mwabona?



493 Ki hali, “Ni ka alaba lipuzo za hao.” Ali, “Ki musebezi wa hao kuba kwani.”

494 Se nili, “Ku cwalo, sha. Yeo ki niti. Ni lukela ku kulubelwa mwa sika kaufela se i eza keleke ye. Ni inzi mwa sibaka sa musebezi, ni alimuñwi wa babahulu ba mwa sibaka.” Mi ki hali . . . Se nili, “Kana wa kona ku ni taluseza libaka leo mwa Makorinte Bapili 14 kamba 15 mwani, koo Paulusi naize, ‘Basali ba kuze mwa likeleke, ha ba lumelezwi ku bulela.’”

495 Mi ki hali, “Kiñi, kiniti!” Ki hali, “Haiba . . . Na kona kualaba yeo.” Ki hali, “Mwa bona, seo nesili sona,” ali, “Paulusi naize . . . Basali kaufela—basali ne bainela kwa mulaho mwa lilulu, neba tahanga ka siwela ona cwalo. Ki hali, ‘Mu si ke mwa balumeleza kueza cwalo.’ Mwabona?”

496 Mi se Nili, “Konakuli tatulula Timotea wa Bubeli ku na, fa na bulezi Paulusi, hape, ki muñoli ya swana, muapositola ya swana, naize, ‘Ha ni lumelezi musali ku kutaza kamba kuhatelela puso yeliteni, mwabona, kono uswanezi—uswanezi kuina akuzize. Kakuli Adama u bupilwe pili kasamulaho ki Eva, mi Adama ha si ka pumiwa kono ki musali ya pumilwe.’ U pumilwe. Cwale, Ha ni buleli kuli ubata kueza se si fosahalile kaufela, kono yena mane u pumilwe ku zona. Ha lukeli kuba muluti.”

Ki hali, “Kana kona mo bonela wena cwalo?”

497 Se nili, “Ao kona Mañolo mwa bonela kuya ka mo ni libonela. Kona se i bulezi Bibe.”

498 Ki hali, “Mucaha tuwe, wa kona ku amuhiwa liñolo la bukutazi bwa hao ka seo.”

499 Se nili, “Ni ka ba ya tuseha hande. Ni ka bafa yona fela, Dokota Davis.” Se nili, “Ha ki ku ku shwaula . . .” Mi ahana kueza cwalo, mane. A li tuhelela kuzwelapili, a li tuhelela kuzwelapili ona cwalo.

500 Mi a ni bulelela kuli ukaba ni kangisano ya sicaba kaufela ni na ka zona. Mi se Nili, “Ku lukile, ka nako kaufela.” Kono na—na si ka eza cwalo.

501 Kacwalo he ka—ka samulaho nyana, cwalo, Mulena a to ambola kuna, mi kaza—kaza Lingeloi la Mulena kutaha, mi—mi a to keshebisa Sani, mwa bona. Mi cwale Na—Na mu bulelela fela, Na li, “Kihande, Dokota Davis, kihande kuli Ni feze taba ye cwale, mwabona,” Se nili, “kakuli ikaba mutiyo. Ni beilwe fela bukutazi fa nako nyana, nihakuli cwalo, kona kuli ukaba mutiyo ku na, kihande fela Ni ikambuse zona fela cwale.”

502 Kacwalo he haiba ha Ni koni kuinelela mwa keleke ya Baptist ni kuluta tuto ya ba Baptist ni kuzamaelela ni tumelo ya ba Baptist. Haiba Ni eza cwalo—haiba Ni eza cwalo kakuli ki keleke, kona kuli Na fosa, mwabona, kuna ni se Ni pata. Mi haiba Ni—haiba Ni—haiba Ni sepahala na kasibili, Ni ka ya kwa sicaba sa Baptist (mulisana waka kamba kaufela ya kona ku ni

taluseza) ni ku mu buza za—za linzwi la Bupilo; haiba akona ku ni bonisa hande fo liinzi mwa Mañolo, ni ku kulisa maikuto aka, mi Ni ka bulela fela ka mukwa wa bulela ka ona, mwabona, mi Ni kaba wa Baptist.

<sup>503</sup> Kona libaka ha Ni i cemezi. Kona libaka ha Ni sa fumanehi kwa likopano, kakuli ha Ni lumeli mwa likopano. Mi Ni lumela kuli ha ki mañolo, kuli, kuba kopano.

<sup>504</sup> Kabakaleo, Ha ni koni kuba kwa kopano ifi kaufela ni ku ikutwa kuluka ka kueza cwalo. Mwabona? Kabakaleo, ha Ni tisi sicaba mwateni ni ku ba eza ma membala, ni zeñwi cwalo zani, kakuli Ni lumela kuli lu *pepezwi* kuba ba siemba, lu pepezwi mwa Keleke ya Mulimu yapila. Mwabona?

<sup>505</sup> Ha lu takuli mabizo a batu mwa buka ni ku ba leleka mwa puteho, ni lika kaufela ze cwalo, kakuli Ni lumela kuli zeo wo—wo ha ki musebezi wa luna kueza cwalo. Ni lumela kuli ki Mulimu ya leleka batu mwateni. Mwabona? Kono Ni lumela kuli keleke, haiba ku kaba muzwale yana eza nto ye fosahalile. . .

<sup>506</sup> Ka mutala, haiba—haiba hane ba ka fumana Muzwale Neville, kamba Muzwale Junior, kamba Muzwale. . . yomuñwi kwanu, alimuñwi wa madikoni, kamba yomuñwi fela cwalo, inge a fosa, Ni lumela kuli taba yeswanela ki kuli keleke itahe hamoho ni ku lapelela muzwale yoo. Haiba niteñi ha lati kutuhela mukwa wa hae, kipeto bababeli ba ye kuyena, baye ku muzwale yoo ni kumukutisa mwa sikuka. Mi cwale haiba ha ba utweli, kipeto ba bulelele keleke. Mi ha sa ba utwi bao, yeo kona nako ya keleke cwale, mwabona, zeo ki za mulisana, babahulu, ni lika zeñwi kaufela kuli libe cwalo. Ha ni sepi kuli katengo kafi ka madikoni kana ni swanelo ya ku leleka mutu mwa keleke kamba katengo ka basepahali kaufela kamba mulisana kaufela una ni tukelo ya kueza cwalo.

<sup>507</sup> Ni sepa kuli haiba mutu una ni kulelekiwa mwa keleke, ilukela kuba ka kupila ka buhule, kamba nto yeñwi ye cwalo, kuli ha ki mutu ya swanela, inge muuna ha na ka taha mo ku to silafaza likezeli zaluna kamba—kamba kulwaha bahame ba luna, ni lika ze cwalo, mi niteñi inza ipulela kuli ki alimuñwi wa luna mo. Mwabona? Cwale, haiba ki wa kwande kokuñwi mi ataha mwahali, kupalañi, lu na ni kueza sesiñwi ka sona, kono, ha si taha ku mutu ya cwalo, mutu yasina buiswalo ya lika kulobala ni bafumahali ba luna kamba—kamba kulwaha bana baluna babasizana kamba, mwa ziba, nto yeñwi cwalo, kamba kueza nto yeñwi ni musali ya linyawe, kamba kunga bashimani ba luna ku yo ba silafaza, kamba sika kaufela.

<sup>508</sup> Litaba zeo li lukela kutalimiwa, mi mutu yo uswanela ku lelekiwa mwa keleke mi asike a lumelezwa kuca mulalelo ni zeo, kakuli ha lu lukeli kueza cwalo. Ha lu cwalo. “Haiba mutu uca isi ka swanelo, una ni mulatu wa Mali ni mubili wa Mulena,” ku yena mutu yani.

509 Kono Ni lumela kuli inge mutu mwa bulelezi kuli, “Kihande, cwale, ki—ki *se, sani.*” Mu mu lapelele. Kiniti.

510 Hanina kulibala, mwa Stockholm, Sweden, Muzwale Lewi Pethrus, muuna yomutuna wa Mulimu. Ne luinzi fa tafule, liholo nyana fela ni si ka kuta kwa America. Neluna ni mikopano yemituna kwani. Mi ki hali, Gordon Lindsay ali, “Ki mañi mutoneli wa mubili woo?” Mushimani, ba Assemblies of God nebana ni kutaha ka limaili ze mianda anda, mwa bona. Ali, “Ki mañi mutoneli?”

Mi Lewi Pethrus ki mutangana ya ishuwile, mi ki hali, “Jesu.”

Ki hali, “Kibomañi balisana ba mina?”

Ki hali, “Jesu.”

511 Ki hali, “Na ziba yeo ki niti,” ali, “lu lumela lika zeswana ka ba Assemblies of God.” Ki hali, “Yeo ki niti.” “Kono,” ali, “lubulele ka mutala kuli, mu—mu muzwale yomuñwi wa zwa mwa nzila,” kuli, “kimañi yana ni mata akubulela sina ka za ku mu leleka?”

Ali, “Ha lu mu leleki batili.”

“Kihande,” ali, “ki sikamañi se muezanga?”

512 Ali, “Lwa mu lapelela.” Na hupula kuli sani neli sesinde hahulu! Sani ne si utwahalile Bukreste kuna, “Lwa mu lapelela.” Hakuna ya mu lelekisa, ba mu lapelela.

513 Ali, “Kihande, kanti, kucwani haiba mizwale babañwi ba lumela,” ki hali, “mi babañwi ba bona habasa lati ku kopana ni yena ni kamuta? Kumutisa mwatani, inge mulisana, ma bona, ya kala kuba yatabela basali mwahala bona. . . Mwa ziba ze Ni talusa, ni lika ze cwalo, mi babañwi ba balisana habana kuba ni yena mwa likeleke za bona. Mueza sikamañi kaufela foo, mwa mu lundula mwa kopano yamina nji?”

514 “Batili.” Ali, “Lu mu tuhele fela ona cwalo mi lu mu lapelele.” Ali, “Ha lu si ka latehelwa kale ki alimuñwi haisali. Kamita ba kutanga, ka mukwa omuñwi.”

515 Ki hali, “Kihande,” ali, “cwale, kucwani haiba. . .” Ali, “Kucwani haiba babañwi ba bona ba bulela kuli ba mubata mi babañwi ha ba mu lati? Cwale, kucwani ka zeo?”

516 Ali, “Kihande, bona baba bata, ba muamuhela; baba sa mulati, habana ku mu amuhela.”

517 Kacwalo—kacwalo Ni sepa kuli yeo ki nzila yende kuba ni yona, nji cwani, mizwale? Mi ka nzila yeo lu “mizwale.”

518 Cwale, mizwale, Ni sepa kuli lika ze li file ponahazo nyana kwa kalabo kamba nto yeñwi, kuli mukopano waluna mo busihu bo ubile—ubile ni tuso ku luna. Ni libelezi kuzwa cwale fa nako nyana, kukena mwa mikopano kuliba kwa Wiko. Ni kupa litapelo za mina ka mukekecima kaufela.

519 Zeñwi za likalabo zaka fa, mwendi buñata bwa zona, mwendi hakuna ni yeñwi yazona, yebile hande. Ha ni zibi. Kono ikona kuba zende ze Ni ipumanezi ka nzila yaka ya kunahana, mwa bona, kulika ku Li toloka. Mwendi ze za mafelelezo, sihulu, zetile kwa mafelelezo, Ne ni sina nako ya ku li talima. Mi ha Ne si ka eza fela, ne li. . . Se Ni talusa kikuli, ki Mañolo e lu fitanga ku ona mo ka nako kaufela, zazi ni zazi mwa keleke. Ni hupuzi kuli ikaba fela ku ikatalisa kamba nto yecwalo zeo likona ku lu kenya mwa sika se si tuna cwalo, kono kuswana fela sina lipuzo za likeleke.

520 Ni tabile ku mi bona inge muitiisa cwalo, hakuna kulyanganisa mulao kaufela, hakuna kubilaela kaufela, hakuna lyanganisi mwa mufuta kaufela. Hakuna kangisano mwa lipuzo Zateni ni kubulela kuli “Li fosahalile, Se si fosahalile, haluna ku Si amuhela.” Ne li fela mizwale bene ba bata kuziba taba ya ku batusa kuswalana hande, ku felile. Sani. . . sa tiisa, mutame—mutame lilwaniso ka kutiisa, mukenye mwateni muhala hande. Ni sepa kuli lukana lukopananga linako zeñata sina cwana, kuapala lilwaniso.

521 Mi muhupule, mizwale, lilwaniso za ka liswanela ku apaliwa, ni zona. Kacwalo mulapele ku Mulimu kuli nina Mulimu ani tuse ni apale lilwaniso zaka ni litame ka kutiisa nyana, zeo lika. . . lisike za cepeta. Mi bupilo bo Ni pila ni lika ze Ni eza, shangwe Ni lieze ka moya o mutuna wa buishuwi, nibe ya tabela hahulu ku li eza. Mi Mulimu ani fe pilu ya kueza cwalo kufita mo Ni kile na ezeza sapili. Ni mi lapelela taba yeswana ni mina kaufela. Mulimu ami fuyole.

522 Ni mi bulukile nako yetelele kulo mo, mi fa cwale seli mizuzu yeketalizoho kuli ibe ilebene.

523 Mi cwale, Muzwale Neville, Na—Na kona. . . Cwale, Ni fumani kuli, ki limaili ze mianda ye naini ni zeñwi fahalimu kuya kwani, Hanina ku funduka konji la Mubulo kakusasana. Kono Ni bata kuba kwanu la Sunda kwa sikolo sa la Sunda, Ni taha sina muenyi kuli niteeleze ha u kutaza, mwa bona, la Sunda. Mwabona? Kono. . . Kihande, muzwale, eeni, muzwale. Muzwale Neville, ki le libaka, muzwale. Ni. . . Na ku lata mi kamita wa ni utwelanga ka kunifa katala inge fela kuli ni. . . inge kuli Ni muhulwana hao, kamba nto yecwalo. Kono Nali kuba ni utwe cwalo, Muzwale Neville. Ni ikutwa kuli lu mizwale.

524 Muzwale Ruddell ni Muzwale Junie, mi, oh, mina mizwale kaufela ni mina kaufela, lu—lu mizwale fela hamoho, mwa bona.

525 Kono ki sikamañi. . . Libaka lateni, Ni ikutwa fela kusileha linzwi nyana cwale, mwa bona, mi Ni na ni lisunda zesilezi zenamile za kulwana ni zona, mwa bona. Mi Ni—Ni bata fela kukala haiba Ni kona, nihupuzi kuli, kasamulaho wa mukopano wo busihu bo, ye ka nifa la Bufaifi ni la Pelekelo ni la Sunda ku yo pumula, Ni si ka kalisa kale mikopano kwande kwani.

526 Mi Muzwale Junie, Ni sa kuta fela, nako yeñwi na taha, Ni lukela kutaha ni to kubona hape, hane ni bata kuzwela fande. Na fita fa keleke ya hao yenyinyani kwani, maabani, Na sepa. Musala ka ali, “Ni sepa kuli . . .” Kana ifumaneha kwani bukaufi ni nzila ya njanji kwa Glenellen Park? Ni ka tabela ku taha ni to ambola kwa balikani ba ma Sellersburg. Kihande.

527 Muzwale Ruddell, ifuyolwe pilu ya hao. Ni ka tabela ku kutaha, una ni sikwata sesinde sa batu. U inzi foo busihu boo unzo teezeza sina alimuñwi wa bahulu inge usweli fela kumizaka.

528 Muzwale Beeler kulo kwani, ki alimuñwi wa mizwale ya luna ya bakutazi. Ni sepa kuli nako yeñwi Na kona ku kopana ni iliñwi ya mikopano ya mina kokuñwi, muzwale, nitofa susumezo yeñwi cwalo, ni be ni sa kubulela ku to ku tusa ka buino bobuñwi. Ni na ni linzwi lelinde kamita ku wena ku mutu kaufela, wena ni ku Muzwale Stricker fa, ni babuleli.

529 Muzwale Collins fa, ye Ni lumela kuli zazi leliñwi ukaba mukutazi yapatehezi mukwazo mwa musebezi.

530 Muuna yali muuna wa ndume, muuna wa ndume, muuna yali ndwalume mwa tumelo, Mulimu abe ni mina kaufela, ni mina madikoni, mina basepahali, mina mizwale.

531 Ni lumela kuli mu . . . Muzwale yo fa, Hani sa upula libizo la hae. Wena u . . . [Muzwale Caldwell uli, “Muzwale Caldwell.”—Mu.] Caldwell. Wena u . . . Wena u alimuñwi wa babahulu kamba nto yeñwi, nji cwani, kamba fela u . . . [“Mukutazi.”] Mukutazi. [“Ni mukutazi. Ni wa Church of God, Ne ni sa kutazi Evangeli yetezi ni kupila ni bona. Ne ni sa kutazi kolobezo ka Libizo la Mulena Jesu ni kupila ni bona. Ne ni na ni bulumiwa bobupahami luli bo ba tisa, kono kono se Ni ba kenya fela mwahali. Kuzwa ha Ni ku utwa ukutaza Mañusa ani, Na ba tisa mwahali, azwa mwa kopano. Cwale Ni bata kuba alimuñwi wa mina.”]

532 Ni itumezi, muzwale. Lwa ku amuhela kwa kopano yaluna. Mi mapampili aluna—aluna atezi lilato. Bupilo bwa luna kona bo bu paka mapampili a luna, mwa bona. Ao kona mapepa a luna. “Ha Ni sa ezi misebezi Ya Ndate, konakuli musike mwa Ni lumela.” Mwabona? Yeo ki niti. Ao kona mapepa a luna. Mi sina ku supala . . . Sina Howard Cadle musupali hana bulelanga kuli, “Haluna mulao kwanda Lilato, haluna buka kwanda Bibebe, mi—mi hakuna—hakuna tuto kwanda Krete.” Yeo ki niti. “Hakuna mulao kwanda Lilato, lituto za litumelo kono Krete, buka kwanda Bibebe.”

533 Mi luna—luna, Muzwale Caldwell, lu tabile kuba ni wena. U zwile mwa kopano yetuna. Ba Anderson Church of God, Na sepa. [Muzwale Caldwell uli, “Ba Cleveland.”—Mu.] Kamba keleke ya Cleveland, Pentecostal Church of God. [“Mi ne Ni lisa kwanu kwa . . .? . . .”] Oh, eeni. Oh, eeni, Ni bile kwande kwani. Na sepa

neli Ni li ni Muzwale Neville. . . kamba Muzwale Wood, nako yeñwi, ne luna ni nja kamba nja ya kuzuma ni yona ku mutu ya na ya kwa keleke kwani. Mi Ni yo yema fa mapahamelo fani ni kubulela, ni kubulela kawena. Kihande, Na sepa. . . [“Kwa keleke yaka.”] Oh? [“Burns.”] Yeo ki niti, Muzwale Burns. Yeo ki niti [Muzwale Caldwell uambola taba yeñwi ya kale.] Oh? Eeni. Oh, Bertha, yeo ki niti. Oh, zeo ki zende.

534 Muzwale Rook kulo koo, sa bile mulisana cwale, kamba mulumiwa wa evangeli, Na sepa. Kana ki niti yeo? Kamba wa lisa? [Muzwale Rook uli, “Ni mubuleli fela.”—Mu.] Mubuleli. Ni bata ku bulela ka wena, Muzwale Rook. Ni utwile misebezi yeminde yosweli ku ezeza Mulena. Wena. . . Ne ni utwile kuli noile kwa Indianapolis kamba no ya kwa Indianapolis, mi wa ba ni lisebezezo mane wa wina mioya ku Kreste. Mulimu abe ni wena, Muzwale Rook. Ni tabile hahulu ku kubona. Ne ni kuboni kwande fa tirakita ya hao ya hao, inge umata mata kwanu, inge usweli kubeya mununo kwani. Kihande, mwabona ulika kueza sika ku Mulena. Ki tabo U ku bizelize kwa bulumiwa, u Mu beye cwalo kamita fapila hao, muzwale. Mulimu aku fuyole. Usike wa keshebisika sika kaufela; kono ueze ka moyo o munati okona kueza ka ona. Tuhela kuli—tuhela kuli liñusa la hao kamita li zamaiswe ka munati wa Moya o Kenile.

535 Mi Muzwale Stricker. . . [Muzwale uli, “Lu lakaza litapelo za mina kaufela. Luna—luna lulika kuba ni keleke yelukela kukalisa kwa North Vernon.”—Mu.] Oh, Ni sepa kuli mu ka ifumana. Lu ka ku lapelela. [“Lusweli lwa kondisa hande, fo luzamaela cwale.”] Yeo ki niti.

Billy, uka kalisa lili kulisa keleke?

536 Dokota Goad ni Dokota Mercier fa, Na—Na—Na sepa. . . sina ka mo lu bizanela cwalo. Mi Muzwale Goad ukufitele fa sabaka sakuli Ni. . . u swanela kufiwa situlo, wakona kukunupa malumo cwale. Ehe. Mi, Muzwale Leo, Ni lumela kuli lwakona fela ku mu lumeleza kuya cwalo, mi ku mubiza. . . azwelepili fa situlo sa hae sa—sa bu “Dokota.”

537 Kihande, “Dokota” Branham, kwa mulaho kwani, ubuluke fela keleke i beiwe mwa budokota bobunde cwalo, mi maseli atuke zangana luli. Mi—mi Ni ka ku bulelela kuli, nako kaufela haluna ni mukopano o ipitezi o Ni ka ambola kwa bazamaisi ni kubona haiba habana kukufa nako nyana ku zona [Muzwale Branham wa seha—Mu.], ka musebezi o ipitezi ha u na ni kueza za kufiyela ni kulwala zebukiti mwahali ni fande, mi zeo li ka ku tabisa.


538 Dokota Wood. Ni mu bizize kuli “Dokota,” Na sepa mwa komoka libaka. Ha ni si ka mushenda, yena wakona luli kulemaka likota mwa liembaemba, mwa ziba. Mulena a melisize kota yende, yena ki yo utaha ku to ilema ni kupanga ndu ka yona.

Ha ni si ka bona kale zecwalo, kacwalo Ni na ni ku mubiza kuli “Dokota.”

<sup>539</sup> Muzwale Taylor, u sa li yasepahala fa munyako, kuli ufange batu sipula. Ni nahana ka wena sina cwana, “Ne ni kaabela kuba sitauliso sa kwa mautu kwa ndu ya Mulena kufita kupila mwa litende ni ba bamaswe.” Yeo ki niti, sha.

<sup>540</sup> Muzwale Hickerson, no kalezi fela mwa Nzila, utaha ukamba hande, unzo taha cwalo. Ne ni lakaza za hao . . . Ni . . . No kalezi mwa Nzila, mi wa taha ona cwalo, Na luli na ikumbuta busepahali bwa hao ni zo sweli kuezeza Mulena Jesu. Mulimu aku fuyole kamita ni ku ku eza kuba dikoni wa niti, muzwale, yo Ni lumela kulli mane kona mo uinezi, lapa la hao ba ku utwa ni zeñwi ka mo uinezi.

<sup>541</sup> Muzwale Fred, ha u si ka ba ni luna nako yetelele, u zwelela kwa Canada. Ha lu ikutwi kuli u mu Canadian mane, lu ikutwa kuli u muzwahule ni muenyi hamoho ni luna, muzwale waluna, sina musepahali wa niti. Wena ni Muzwale Wood, ni mina mu sebeza mwa ofisi ya mina hande ni Muzwale Roberson, ni babañwi ba bona kaufela; Muzwale Egan, haayo mo busihu bo.

<sup>542</sup> Mi muzwale Roberson, ubile yana ni tuso—tuso yetuna luli kuna, Muzwale Roberson hamoho ni babañwi, mwa taba ya za mitelo ye ne bile teñi ka za kubatisisa. 

*LIPUZO NI LIKALABO LOZ61-0112*

(Questions and Answers)

MUEZEZO, MULAO NI TUTO YA KELEKE MUKOLOKO WA ZONA

Liñusa le ka Muzwale William Marrion Branham, neli kotalizwe lwa pili mwa Sikuwa la Bune manzibwana, Sope 12, 1961, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

**VOICE OF GOD RECORDINGS**

**P.O. Box 950, JEFFERSONVILLE, INDIANA 47131 U.S.A.**

[www.branham.org](http://www.branham.org)



## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)